

# KU KUTISEZWA KWA KOTA YA MUNYALIWA

 Ni itumezi, Muzwale Orman. Mulimu aku fuyole.

Ki kakusasana, balikani. Mi ki lithonolo fa kukutela mwa tabernakele, mwa kakusasana o munde wa Paseka wo, kulapela, zuho yetuna ya Mulena luna ni Mupulusi, Jesu Kreste.

<sup>2</sup> Ne ni ka tabela kubulela kuli Ne nili luli. . . Mwahala mañusa kaufela e Ni kile na utwa mulisana wa luna kutaza, lelinde ka kufitisisa neli la kakusasana kacenu. Ne ni ile kwa lapa ni ku bulelela musala ka. Se nili, “Mulatiwa, kakusasana wo u mbwinjize, ka ku sa zuha kapili.” Lani neli lelinde luli ku ze Ni utwile fateni ka za zuho, mwa bupilo bwaka kaufela. Nali kuba ni utwe fateni sika kaufela sesinde, ka zuho kufita mulisana wa luna sa lu file kakusasana cwana. Liñusa le li komokisa cwalo, ni lika kaufela libeilwe hande fa mayemo a lona. Seo si bonisa, kuli, foo tozo ha i swala mutu, mwabona, se—se si ezahala. Seo sieza nto yeñwi kanti. Mi kacwalo lu tabile kuli—kuli Mulimu ulufile mulisana yomunde yoo.

Mi cwale Ni bata kuitumela ku mañi ni mañi wa mina.

<sup>3</sup> Lubile mo cwale fa nako nyana, ka linako ze shutana, kwa mulaho ni kwa pata, kono Ni ya kwa masimu cwale, sina ha mu ziba. Sunda ye, Ni ya kwa ma Cree Indian, kwani kwa British Columbia. Mi kipeto hape, kuzwa kwani, ni ya kwa Fort St. John. Mi konakuli, mbumbi ye, haiba Mulena alata, kuba mwa. . . kaufela kwa Likamba la Wiko, kwani kwa Upa, ni—ni kwande kwa Likamba la Wiko, ni kupahama mwa Alaska, Anchorage, Alaska, ni kupunya kwani. Mi kipeto, hakulata, kuzwa kwani, Ni luma manaka akutatubela moya kwa Africa ni libaka zeñwi za lifasi, bakeñisa maliha atatama. Kacwalo hakulata ikaba nako yeñwi Ni si ka kuta kale kwanu kwa tabernakele hape. Mbweshwa, ikaba ka Muyana kamba linako zeñwi litabula le, Ni si ka kuta kale hape.

<sup>4</sup> Mi Ni bata kuitumela ku mina kaufela ka swalisano ya mina yende, ni ze muezize kaufela. Mi lu swabile haluna sibaka sa kuli sicaba mo sikwane kakusasana cwana. Lu mwa nako ya kuyaha muyaho cwale, sina ha mu ziba, kuyaha keleke yetuna, mi. . . kwa lisebezezo ze. Mi kacwalo hakulata zeo li ka kalisa ona fa kapili cwale. Ba ka kalisa kuyaha fa keleke. Cwale mube. . .

<sup>5</sup> Hape, ni bata kuitumela ku mañi ni mañi wa mina ka. . . limpo, kwa makadi a za kupepwa, makadi a Paseka, limpo ze mu file Billy, ni ze shutana, kakuli, za. . . ni zeñwi za ka; Muzwale Wood, ni buñata bwa bona. Na itumela ku bona kaufela.

6 Mi mutu ni mutu utaha ku to bulela kuli. . . Ha mu zibi mukatalo wateni mo uinezi. Yomuñwi ataha mi uli, “Cwale lubata kubona Muzwale Branham. Lu bata kubona bo ndataho,” ni babañwi cwalo. Mi ali, “Pepa yateni itezi.” Kipeto, oh, ha mu zibi buino bwa ku utwisa maswabi bo si mi kenya ku bona, foo ha mu—mu—mu ka fita fela ku babañata hahulu. Kona fela ze mukona kueza.

7 Ni—Ni lakaza kuli kambe ne kukaba cwalo Ni ba fela ni nako yetelele mutu ni mitu, ni ine fafasi. Mi Ni sepa kueza cwalo nako yeñwi. Kono ha ku konahali kuba cwalo, mwa lifasi le, kakuli kuna ni batu baba tahanga kwanu kuzwa mwa lifasi loote, mwabona, kuzwa mwa lifasi kaufela. Sunda ye, kubile sicaba se si zwelela kwa linaha zeshutana kutaha kwanu, mi ibile lipuzo ni kulapelelwa, ona sunda ye, kuzwa mwahala linaha kupotoloha lifasi.

8 Mi haiba neli fela kopano yaluna yenyinyani, ya mwa Jeffersonville mo, Na kona kunga liholo zepeli kamba zetalu ka tabo ni mañi ni mañ wabona kaufela, ni ku li taulela hande ni kuli zwiwa kwande. Kono, mwabona, ha ku sa na ni fela mwendi, kubulela kuli, lipizo ze ketalizoho kuzwa, kamba, mwendi, lipizo zepeli zezwa mwa silalanda sa luna sa mwa sibaka, kuna ni mwanda kamba mianda yemibeli baba zwelela mwa lifasi kaufela, ka nako yeswana bababeli ba ha ba taha. Kacwalo kubile likitikiti luli ze ni palezwi neba kuswala, hakuna mane, mwabona, ki sicaba. Mi ni lipizo za kuli “Taha *kwanu*, ni kuli zamaya *kwani*,” ze zwelela kwa lifasi kaufela, mi ki matikiti fela a lifulai a lumelezwa kai ni kai, ni lika zeñwi kaufela, “Utahe, u to lapelela bakuli,” kono hamukoni kueza cwalo.

9 Kacwalo, sicaba si swabile. Ni kaba cwalo, nina. Kono Ni tabela fela, ka la Zuho ye kakusasana, kuli ni bulele taba yaka, kubulela kuli—kuli ha Ni zibi sa kueza ka zona. Kuna ni fela babañata, mwa ziba, ku—ku ba ni bona, likiti ni likiti za batu kuzwa mwa lifasi. Ni bile ni musipili waka wa busebene, inge mo mu zibela. Mi Ni bile mwa swalisano ya batu kufitelela batu baba kuma fa teni milioni kuzwa mwahala lifasi.

10 Kacwalo mwakona ku nahaniseza fela kamo—kamo kuinezi, mufuta wa mukatalo wo si mi beya kuona. Mi linako zeñata lufitanga ku ze katalisa, mi Ni ziba kuli ni mina mwabanga cwalo, ni mina, ni kuswaba fokuñwi. Kono munahane ka zona ze Ni nani, kuswaba ko Ni nani, foo bahame baba kula fa luwaile, ha bali, “‘O Mulimu. . .’ Kihande, libelela fa muzuzu fela, Muzwale Branham. ‘Mulena Jesu, Ni—Ni—Ni lapela kuli U mu lume.’” Mi—mi Ni sa lula fela luwaile kuzwa ku kuyomuñwi, mi hape *fa*, ni *fa*, ni *fa*, ni kwa lifasi kaufela. Mwa ziba mo ku inezi. Mi sani—sani ha ki se si bunolo foo yomuñwi kwa mafelelezo a luwaile, ni mbututu ya kula, kamba muuna ya kula, kamba musali ya bata kushwa, inza ku lapelela kuli utahe. Cwale, mwakona ku nahaniseza.

11 Ki kabakaleo Ni mutu ya ikutwa kulyangananga. Fela ki kuli. . . Zeo zakona kulyanganisa mutu mane. Kono Ni ezize nto iliñwi ye, mwa sibaka sa kuba ni butata. Ni likile kuswala ka tukufalelo, ka kotalimisa meto aka fa Kalvari ni kuzwelapili cwalo, kuya fela ka mwa Na ka ni batela kuli ni eze. Mi mafosisa aka amañata, Ni lapela kuli Mulimu ani swalele ka lika zeñwi, kuli mwendi Ni lukela kuya kwa sibaka silisiñwi mi ha ni si ka ya. Na ni mutu fela, mi nikona. . . kuba ni mafosisa.

12 Kuna ni nto yenyinyani, yende yenyinyani yene bulezwi mo kwa mandamino, kakusasana cwana, foo hane Ni zwa kwa sebelezo ya kupazula kwa lizazi.

13 Nina ni mulikani yomunde wa kale. Uteni mo kokuñwi hakulata. U zwelela kwa Chicago. Libizo la hae ki Stewart. Yena mwendi una. . . Ed Stewart, Ni sepa u mwahala lilimo za ma sebente cwalo, kamba kufitelela. Mi a ni katana fande fani. Mi wa bulukanga masheleñi a hae a sa bulishumi mwa miwayawaya. Mi a nifa likapa le litezi miwayawaya, le likona ku kuma fa *cwana*. Mi, oh, Ha ni zibi, Na. . . Eeni sha, ba yanga kwa musebezi wa kwahule, wa bulumiwa.

14 Mi mulikana hae yomunde, ni waka, Muzwale Skaggs, Leonard Skaggs, ya zwelela kwa Lowell, Indiana, na yemi fani. Mi Ne ni sa zibi sapili, neli Muyahi. Nana ni kunupo ya Buyahi fa sapalo. Mi nelusweli kuambola ka za Muyahi.

15 Mi kacwalo muuna muhulu Muzwale Stewart ali kuna, ki hali, “Na ku lata, Muzwale Branham, mi Ni tabela kuambola ku wena.” Mu ni swalele ka mubulelelo woo. “Kono,” ki hali, “wena u tata kufumana kufita kashandi ka bo nalutiyo ba si Turkish.”

16 Yomuñwi ali kuna, ha ki kale hahulu, ali, “Ni tabile kuli Mulena ha yo tata kufita kuyena.” Kihande, Ha ni talusi kuba ya *cwalo*. Ni lata sicaba. Kono Ni. . . Munahane fela. . .

17 Na ya kwa lapa mi Na bulelela musala ka, mi lwa yo ina fa tafule ni kuseha, mo ne ku kabelala *tata* kufita kwa kashandi ka bo nalutiyo ba si Turkish, mwa ziba. Kacwalo—kacwalo Na. . .

18 Ni sepa kuli ha ki nto yetata *cwalo*, Muzwale Steward, haiba u sa li teni mo. Kono luli Ni nahanile kuli neli taba ye sehisa nyana taba yani ne i lu tukinyize kaufela.

19 Kacwalo, Ni lakaza kuli kambe Ne ni ka bona mutu kaufela. Mi Na lata mañi ni mañi. Yeo ki niti. Kamba ki mulikani kamba sila, kinto yeswana fela.

20 Mi cwale Ni tokwa litapelo za mina, mwa mukopano otaha wo. Ni ya mwahala ma Indian. Mi wa ziba, wena, foo hauli mwa Rome, u lukela kuba Muroma; mi foo hauli ni ma Indian, ulukela kupila inge ma Indian.

21 Mulikana ka wa mubuleli, ya li mulikana ka wa muzumi koo ne Ni inzi mwa nzila yekambama, ya Alaskan Highway, ki mucaha yomunde luli, yo munyinyani, ni musala hae, yazwa

kwa lapa lelinde, mi Na . . . mazoho a hae na cilwe kwani, ni kwa mulaho wa lizebe za hae, ni lika zeñwi. Mi ne Ni sa zibi sene sili butata ni yena, “Kikuli nana ni lukwekwe nji?” Ne litahile ka mabuba ni liñanya, kwa na i lo- . . . ka mwa na pilezi kwani. Mi kacwalo muna ni kupila hande ni sicaba, kuli mu ba winele ku Kreste. Ki buswa bwa Kreste. Ki sicaba sa Na shwezi, mi yomuñwi ulukela kuya ku bona.

<sup>22</sup> Mi induna nali ku ulimuñwi wa mikopano yaka kwa mutulo, ni Moya o Kenile mwa mukopano, kamba kwande kwa mafulo, fa sibaka sa (malibela bo sibuhabuhi, Na lumela neli yona), na bizize libizo la hae, ni yo nali yena, ni sa na ezize. Mi, oh, mawi, ani neli mafelelezo fela, ni yena. Na ziba kuli batu ne ba si ke baeza cwalo; sani si na ni kuzwa ku Yamata kaufela.

<sup>23</sup> Kacwalo, induna yani kona a sa zo kalisa fela sani, neli ona kwa likamba lani kwani. Mi lukaba ni mikopano mwa mukolo nyana, lu ya kwa libaka zeñwi mane lu yo punya kwa, Portland, ni kutaha cwalo, ni kwa likamba, ni ku babañwi, kwa ma Cree Indian, bene ba tuhelezi. Buñata bwa mizwale, baba na ni lisebelezo zetuna, ba palezwi kuya ku zeo. Cwale, ma Indian . . .

<sup>24</sup> Hakuna kuba nihaiba pene iliñwi ya masheleñi . . . Inge ha mu ziba, Na hani bangi ni nubu mwa mikopano yaka. Mi ha Ni amuhelangi masheleñi. Kono keleke kwanu ki—ki yona ye tusa mukopano wani kwa ma Indian. Amañwi ki masheleñi a za bulishumi zamina, ni lika zeñwi, ze ka itusiswa kulifa, kutisa Liñusa le la puluso ni tukuluho kwa ma Indian baba shebile bani, ma Indian baba sika ituta.

<sup>25</sup> Mi kasumulaho wa zeo kaufela, ki ma American, mwa ziba. Luna lu ba zwahule, mwa bona. Ne lutile ni ku to ba amuha zona. Mi lu bata . . . Hanikoni ku ba kutiseza naha ya bona, kono Na kona kubafa sepo ku Kreste, ye ka lu beya hamoho sina sizwale zazi leliñwi mwa Naha koo kusina kulwana ni kuhapa naha, kuzwa kuyomuñwi. Ikaba naha, sibaka sa batu kaufela. Ni ka itumela foo nako yeo ha itaha, haiba balatiwa baka kaufela ba ka piliswa ni ku itukiseza nako yeo.

<sup>26</sup> Cwale, Ni na ni balikani babañata bo Ni bona, babaliteni mo, sina mo ne Ni bulelela. Ni lumela kuli Ni sweli kulemuha Kezeli . . . Hani sa hupula libizo la hae. Na banga Lee. Kikuli ku cwalo? Kikuli ha ki wena musala Bo. Lee nji? Mwana hao wa musizana mo, bana ba basizana, yena ya na folisizwe? Zeo ki zende luli. Alimuñwi nali ku ba Good Sherherd’s Home, kamba isiñi . . . I bizwa cwani yani? “Kezeli wa . . .” (Kopano yeñwi ya Katolika) “Lady of Peace,” kona mo ne bizezwa. Ni banga ni mabizo a Sikatolika ani kaufela ku a lyanganisa. Mi kacwalo, kulo kwani, mi na li cwalo . . . nana ni mwa booko, na lyangani cwalo. Mi Mulena Jesu yomunde, hane lu sa inzi . . . Ne ni inzi kwa mahutu a mumbeta, mi bomahe babande ni bo ndatahe inge bayemi bukaufi. Mi Mulena Jesu a bulela kuli ku felile,

kukwaliwa. Ki yani fani. Ku felile. Mi, eeni sha, lu ziba kuli kezeli u itumezi hahulu kakusasana cwana, mi . . .

27 Ni talimela kwande kwani ni kubona sicaba sene si shwa, cwanoñu nyana, kwa kansa. Ba hohoba mwahali mo, fa lipula za mawili, milamu; mi ki ba fa, baiketile mi bainzi hande, kakusasana cwana. Lani ki lifasi loote. Isiñi ka na; ka Yena, Mulena luna Ya zuhile kwa bafu, ya pila kuyakuile. Mane Mulena luna a lumbekwe kamita mi a fuyolwe, kona tapelo yaka ye sepahala.

28 Kana mu ka ni lapelela kwateni? [Kopano ili, "Ameni."—Mu.] Kaufela mina mu ni lapelele kwateni. Cwale, Ni—Ni itingile ku seo. Mi foo ha Ni ka yo fita kwani, mwabona, kwanu kwa lapa, hakuna zemaswe hahulu kwanu; kono foo ha ufita kwani koo se ubile mwa mafulo a ndwa. Kwa ki kuituta.

29 Ne ni sweli kuteeleza, maabani, foo keleke yaluna hane ni lekilezi ni—ni koloi yenca ya mufuta ya station wagon, mi Na . . . ku zamaya. Mi yeñwi yaka ibata kusuheha. Mi kacwalo Na—Na tukisa silimba ni ku teezele kwa makande. Mi kipeto neba sweli kutaha cwalo, maabani busihu, kuzwa koo Joseph ni Na neluile ku yo lapela. Kipeto luna, ha luzwa kwa Green's Mill, neba . . . Na tukisa silimba. Neli makande ana bihiwa, ni kubulelwa, kulatelela, *Muzamaisi* yo nasweli kulatelela mulikani wa mwanana mwa lituto za hae. Ni mwa na yemezi fani ni lipokoto za hae zetezi lishabati ni lika kaufela, koo na inamisize toho ya hae fafasi, kuli yona tobolo tuna yani ne i lila fahalimwa toho ya hae fo ana sweli kuhohoba mwatasi a mawaya a tabaka ani ni lika zeñwi, inge aya ka kulutiwa ko kutata.

Kihande, seo kona se lueza fa.

30 Kono cwale kwa shutana hahulu fa ndwa. Mwabona? Tobolo yetuna yani ina ni nako, i lutilwe hande fa siyemo sesiñwi. Kono, mwa mafulo a ndwa, ya kona kupahama kamba kuwa. Mwabona? Kacwalo—kacwalo yeo ki shutano nyana fani, mwa bona, kufita—kufita mo kuinezi. Kacwalo luna ni . . .

31 Kihande, kwa ki kuituta, fa. Kono kwande kwani mu kwa mafulo a ndwa, kacwalo lu ka talimana ni sila cwale. Kacwalo ne lu lwananga . . . kuopela pina nyana mo, *Ndwa Isweli Yakolota*. Mutu kaufela u sa hupula pina yani?

Ndwa ikalile, O masole ba Sikreste,  
Mi pata ni pata ka mubonahalelo wo buhali,  
Ni lilwaniso ze benya, ni mibala ye fata,  
Ba bande ni baba maswe ba kopana kacenu.

Yeo ki niti. Mwabona?

Ndwa ikalile, kono musike mwa katale,  
Ube ya tiile mi mwa mata a Hae uswale katata;  
Haiba Mulimu ki wa luna, ndembela ya Hae  
fahalimwa luna,

Lu ka opela pina ya tulo kwa mafelelezo.

<sup>32</sup> Yeo ki niti. Cwale, nekuna ni lika zeñata zene Ni na ni kubulela, kakusasana cwana, kono Ne ni li pumezi, koo ne ku yemezi sicaba sa luna inge si longani. Mi bana ni masipika amanyinyani fande, ni mpwito nyana ye zibahaza makande, Na sepa, yeo mota ifi kaufela ikona ku... Mulao wa kupatalaza litaba fa silimba wa lu lumeleza kuzwela fande fa sibaka nyana kuzwa kwa tabernakele, ni yona. Mi kacwalo, luna, lu lika kuitumela kwa poto ya mutu kaufela yali hamoho ni luna kakusasana cwana.

<sup>33</sup> Cwale, kusikaba kale zeo, ha lu buleleni kuli. . . Cwale, kapili kasumulaho wa se, Na sepa, ki sebelezo ya kolobezo. Pili, kona mukoloko wa litapelo. Lu ka lapelela bakuli, kakusasana cwana. Na sepa, Mulimu wa taha mwa sibaka ki bupaki bwa se lu bulela ka sona, zuho ya Hae. Kikuli Wa pila, kamba Ha pili nji? Kana *Le* ki likande fela la buhata, kamba Ki Niti nji? Haiba Wa pila, Na file sepiso kuli, “Ni kaba ni mina kamita, mane kuisa kwa mafelelezo a lifasi.” Cwale, haiba U—haiba U taha mwahala luna mo ni kubonisa kuli Uteni mo, konakuli hakusana kunuha sika hape ka zona. Mwabona?

<sup>34</sup> Mu hupule, bulapeli kaufela mwa lifasi, bana ni mazazi a kenile a bona ni mazazi a pumulo, ni zeñwi cwalo. Kono hakuna ni bobukana bwa bona bobukona kubonisa kuli mukalisi wa bona. . . Kuli, lifu ne li mu ngile, mi ani neli mafelelezo. Kono, bwa luna, bulapeli bwa Sikreste, Mukalisi wa luna na shwile ni kuzuha hape.

<sup>35</sup> Mwa Mexico, cwanoñu nyana, foo hane Ni buzizwe ki sikwata sa babihi ba makande, ka za zuho ya mbututu yomunyinyani yana shwile kakusasana wani ka naini kiloko. Mi ka teni-seti busihu bwani, teni-seti kamba ilebene kiloko, na zusizwe kwa bafu, ona fani mwa mazoho a bo mahe kwa katala, fapila likiti ze mashumi a sicaba. Likiti ze mashumi amalalu za taha ku Kreste busihu bwani. Mwabona? Kacwalo, kipeto, mwakona ku nahana sene sili teni.

<sup>36</sup> Mi mushimani yomunyinyani yani, Na bona pono fapila ka; mi ya bulela libizo la hae, ni lika kaufela. Mi bomahe nebali kwa mulaho kwani, ne ba palezwi kuba ni kadi ya tapelo, se ba palelwa kukena mwahali. Kono na palezwi kunanuha, mwa mukoloko wani. Kacwalo ha to tisa mbututu yani; ya nela, kusuluha.

<sup>37</sup> Lu nahana ka luna baba yemi; mu nahane ka bona. Neba kaba kwani ka naini kiloko kakusasana, kwa lisebelezo kuli likalise ka naini busihu bwani. Ne ba yemi mwa lizazi le li cisa, inge ba yendamezi ku yomuñwi ni yomuñwi, kuli babe ni muluti. Inge ba yemi, isiñi kuina; inge ba yemi. Mi cwalo kona mo ba ezeza, Africa ni libaka ze shutana, mwa India, koo licika la milioni ba kopanelanga, ka nako.

38 Cwale, musali nyana yo mane na sa koni nihaiba kuba ni kadi ya tapelo. Fabuse, ki balibeleli baba kuma fa mianda yemilalu, kuli ba mu swale, kuli asike akena mwa mukoloko wa litapelo. Ni kuyema fani inge ni lapelela mbututu yomunyinyani yani; musali nyana, wa Katolika. Mi Moya o Kenile wa biza mi wali, “Mu bulelele kuli amutise kwanu.”

39 Mi mbututu yomunyinyani, inza zwafite, na yemi fani kuzwa kakusasana wani, dokota a mu bulelela kuli u shwile. Cwale, ne luna ni manzwi a piho ya dokota ka zona, ana bulezi kuli na shwile, kakusasana wani ka naini kiloko. Mi kipeto bo neli busihu bwani, bukafu ni fahala busihu. Mi Na, kuya fela ka mo ne ibulelezi pono, Na ya, na beya mazoho ku mbututu yomunyinyani. Ki yani fani, mi a pila. Dokota na file bupaki.

40 Ne ni buzizwe lipuzo ki sikwata sa babihi ba makande. Mi kacwalo, kakuba kuli ha ni lwanisi tumelo ya mutu kaufela, haibile fela ki Bibe, ku lukile. Kono muuna yana ni buza neli wa Katolika, mi ki hali kuna, “Kikuli wa lumela kuli balumeli ba luna bakona kueza cwalo?”

41 Se nili, “Haiba ba pila.” Kakuli, Ni ziba kuli keleke ya Katolika ilumela kuli u na ni kushwa, kuli ube muhalalehi. Kacwalo kipeto se Nili, “Haiba ba pila, eeni.”

Mi ki hali, “Oh, haukoni kuba muhalalehi konji ha u shwile.”

42 Se nili, “Kana Paulusi neli muhalalehi asika shwa kale kamba kasamulaho wa kushwa? Ki bomañi ba na ñolela, kwa sicaba se si shwile, foo ha na bulezi kuli, ‘Kwa balumeli babali mwa Efese,’ ni balumeli babali mwa sibaka *sesiñwi*? Na si ka ñolela kwa sicaba se si shwile, mwa ziba.”

43 Kacwalo kipeto ki hali, “Cwale ulika ku atula taba ya hao ka Bibe. Luna lu keleke.”

Se nili, “Ku lukile, muñaka. Kihona.”

Mi ki hali, “Luna lu keleke.”

44 Se nili, “Kipeto ha lu boneni keleke i eze cwalo.” Mwabona? Kipeto, kacwalo, ki Krete fela yakona kueza cwalo. Mwa ziba cwalo.

Ki hali, “Una ni mubonelo mañi wa keleke ya Katolika?”

Se nili, “Ni lakaza kuli usike wa ni buza cwalo.” Mwabona?

Ki hali, “Kihande, Ni tabela ku li utwa.”

Mi se Nili, “Siyemo se si pahami hahulu sa bulapeli bwa milimu ku ze liteni.”

Mi ki hali, “Bulapeli bwa milimu?”

Se nili, “Eeni, muñaka.”

Ali, “U nahana cwani zeo?”

45 Se nili, “Sika kaufela se si lapela ni bafu; kuambola ni bafu, mwabona.”

Mi ki hali, “Kihande, mu lapela Kreste, kono Na shwile.”

Se nili, “Kono, Na zuhile hape, mwabona.”

<sup>46</sup> Kacwalo, yeo ki nto yende ye lu ziba, U zuhile hape. Ha lu itumeli nji?

<sup>47</sup> Halu inamiseñi litho za luna ni ku itumela ku Yena kakuli Na zuhile mwa libita ka kuluka kwa luna.

<sup>48</sup> Ndate yakwa Lihalimu, lu itumezi kakusasana cwana ka Jesu; mi kacenu, ka kupuzo ya zuho ya Hae yetuna, kakusasana wani foo ha Na zuhile kwa bafu, ku koma lifu, lihele, ni libita. Foo ha Na li fa lifasi, A bonisa kuli Na komile matuku, makulano, ni—ni mifuta kaufela ya madiabulosi ni mata. Kipeto lifu la ba fapila Hae, sona sila sesituna ni sa mafelelezo. Mi la Zuho kakusasana A bonisa kuli Nali yena Mulimu. Na zuhile mane nahaiba sila sa mafelelezo, ne si si ka Mu swala. Libita la Mu palelwa; lihele ne li Mu palezwi; Lihalimu la Mu amuhela.

<sup>49</sup> O Mulimu, lipilu za luna li Mu amuhele kacenu, mwa mata a Moya o Kenile, kuli lukone kuba baika ba Hae, mitala Ya—Ya hae, ya batanga ba Hae mwa lifasi mo, halunze lu pota pota. Lumeleza cwalo.

<sup>50</sup> Fuyola kaufela babali mo. Mulimu, sicaba sesinde se si yemi se, babañwi babona batitihani mwahali mo kuzwa musihali tuna. Na lapela, Ndate yakwa Lihalimu, kuli U sulule “hahulu kufitelela zeo kaufela lukona kuezwa kamba kunahana,” fahalimwa bona kacenu, ni kubafa litakazo ze tungile za lipilu zabona. Kaufela sa tezi mutu, kakusasana cwana, mane ha ba kute, inge ba ikutwa kulikana. U bulezi kuli Hauna ku mu lelekela kusili ni kamuta, kono U ka mutaza ka lika zende, ni ku mu luma kukuta inza nyakalala. Lumeleza cwalo, Mulena.

<sup>51</sup> Mane mata a Hao asapalelwi, mane lumeleza Moya o Kenile wa Hao, mwa mata a zuho, kacwalo talimana ni ufi wa luna kaufela kufitela sepo yaluna itokwa kutomiwa kai kaufela kwanda fa Mali a Jesu ni kuluka. Lumeleza cwalo, Ndate.

Fuyola Manzwi cwale ao lu ka bala.

<sup>52</sup> Lwa itumela ku Wena ka liñusa le li ishuwile lani kakusasana cwana, halunze lutaha ka kuitahanela kwa keleke. Ni ku Kubona ha unga muzwale wa luna, ni cincho ye cwalo ku yena mwa nako nyana, ni ku shaela liñusa kwa lusika lo lushwa lwa sicaba seo cwale lu siemba sateni, mo lu itumela ku Wena ka seo, Mulena! O Mulimu, lipilu za luna za tulaka ka tabo halunze lu nahana lika zeo. Cwale, mu buluke ya tozizwe, Mulena, mwahala mazazi a kwa pili a hae, Mulena.

<sup>53</sup> Mi ufuyole keleke nyana ye. Mi uni tuse, Mulena, hanze Ni ya kwa kutisa Liñusa kwa sicaba sesiñwi. Mi mane luna, hamoho, inge mutu alimuñwi, lubasi lu luluñwi, luswalane hamoho, ni kulapela hamoho, ni kupila hamoho mwa buñwi bo bu kenile

bwa Moya o Kenile kufitela Jesu a lu amuhela mwa Mubuso. Kakuli lu li kupa ka Libizo la Hae ni kwa kanya ya Hae. Amen.

<sup>54</sup> [Muzwale Neville uli, “Muzwale Branham, Ni be ni nako ya ku ku lyanganisa?”—Mu.]

Luli wa kona, muzwale.

[“Ka kuba ni mpo ya buitumelo mi luna ni ka—ka musebezi wa mucaha yali mwahala luna, lu tisa siswaniso se ku wena, Muzwale Branham, ka ponahazo yetezi ya lilato la luna ni buitumelo.”]

Ni itumezi, Muzwale Neville, ni tabernakele.

[“Mutangana yo ki Jerry Steffy, ya na swaniso siswaniso seo.”]

<sup>55</sup> Muzwale Jerry Steffy na swaniso siswaniso seo. Mulimu afuyole mushimani yani. Sani ki sesinde luli, Jerry, haiba uteni mo kakusasana cwana. Ki nto yemaswe hahulu, Ni lakaza kuli kambe Ne ni kaba mukwa wa kuisa mushimani yani kwa sikolo sa buswanisi. Ni lumela kuli Mulimu u mwa buswanisisi. Kikuli ha mu lumeli cwalo? Mulimu u mwa lipina. Mulimu u mwa buswanisisi. Mulimu u ku se. Mi kinto yemaswe hahulu kubona talenta, sina cwalo, ye sike ku zwelapili. Ka buñata mwa ezeza, kona mwa ka zwelapili ka butuna. Mi Ni—Ni lapela kuli Mulimu aku fuyole, Jerry.

<sup>56</sup> Mi ni itumezi ku wena, Muzwale Neville, ni kwa keleke ye, kwa siswaniso sesinde se ni timana ye beilwe mwatasi. Ni ka ibala kasumulaho nyana. [Muzwale Neville uli, “Ubata kuli ni ibale?”—Mu.] Ku lukile, muñaka. Muzwale Neville uka bala timana. Ni bile ni munahano wa se ibulela . . . [Muzwale Neville ubala *Likute Ku Ya Swanelwa Ki Likute.*]

[Ha ki mutu wa siyemo se si telele, mi ha ki yo mukima ka liyemo,]

[Ha i kumuhusi ka mubulelelo hanze a zamaya zazi ni zazi.]

[Ha na takazo ya bufumu kamba libubo, kono hakuna sibaka sa hae se ne si ka tala;]

[Yena uinzi fela mo lu mu batela, Muzwale waluna yomunde Bill.]

[U lu luta ka busepahali lona Linzwi leli sika zwakiwa,]

[Hana linzila za butanya, hana lilato la buitumbaeti, u latelela fela Mulena.]

[Mubulelelo wa hae ki o bunolo mi o musa, ha nanulangi linzwi la hae,]

[Konji ha huwa kunyaza sibi, mi kipeto haana keto.]

[Ha si ka ituta hahulu kuya fahule kuzwa kwa likoleji ni sikolo,]

[Kono u ziba sesili sa butokwa mi yena luli ha  
ki sikuba sa mutu.]  
[Ka zibo ya filwe ki wa Kuyakuile kuzwa kwa  
Lihalimu,]  
[Haana tuto ya tumelo, konji Kreste waluna,  
hana mulao kwanda Lilato le li Ipitezi.]  
[Nekusina zibiso yetuna kwa kupepwa kwa  
hae, ko kuishuwile,]  
[Kono ku luna ki yena muuna yomotuna  
hahulu ya pila mwa lifasi.]  
[Lu bala kuli luna ni lithonolo lelituna kufita  
ku mu ziba kakuba mulikani,]  
[Lu lata hahulu kaufela za yemela, mi lu ka ba  
cwalo kuisa kwa mafelelezo.]  
[Ubulela kuli ha ki mukutazi, ki ya ishuwile ka  
mwa kona kubela,]  
[Kono mu muisse fa katala mi ha ku konahali  
kubona,]  
[Na lukiselizwe kale kuba mupolofita,  
mutuhele batu ba libize mo ba latela,]  
[Mulimu u lu file sishemo sesituna foo ha Na  
lufile Muzwale Bill.]

[“Ku nyatezwi, ‘Mutapi omunyinyani.’”]

57 Ni itumezi, Muzwale Neville. Ni itumezi ka mihupulo ya hao. Ki mañi ya na hupuzi sani? [Muzwale Neville uli, “Ni sepa ki bo mahe.”—Mu.] Sani ki . . .

58 Ha ni swaneli lika zeo, ka kubulela cwalo, kono zeo ki zetuna hahulu kuna kufita masheleñi kaufela mwa lifasi. Mwabona? Munahane fela, mutu yomuñwi a kubale kuba mutanga Hae, mwabona, kuba—kuba mutanga wa Mulimu. Mane Ni kone kupila ka niti kulikana fela ona cwalo, kona tapelo yaka. Mulimu ami fuyole kamita. Mihupulo yaka ikaba ku mina kamita. Mi Na mi lata luli, nina.

59 Cwale, oh, luna ni fela lika zeñata hahulu, lu kona kunga fela lizazi mutumbi mi ne lu si ke lwa ya mwa Linzwi, mwa bona, lika zeñata hahulu zende.

60 Nina ni—ni pono yezwa ku Mulena Ne ni ka bulela taba yeñwi ka zona, mi—mi yomuñwi na lolile tolo, kuli, oh, Ne ni hupula kuli neli ye ipitezi hahulu, ka za Kutaha kwa Mulena. Mi Na . . .

61 Rebekah yomunyinyani, mwana ke wa musizana kwa mulaho kwani. Ni . . . Mane niha ne Ni mueza lisheha fa nako nyana yefitile. Na zwile, atinile iliñwi ya likuwani zetuna zani—zani cwalo. Mi se Nili, “Cwale, mulatiwa, i bonahala inge siyaletu sa nyunywani,” Se nili, “tukota kaufela, ni lika kaufela, ona cwalo.” Se nili, “Zamaya, u i tubule.”

62 Kipeto, kipeto ki ha ni kutela. Mwa mizuzu yelikani akuta; mwa ziba, mwa na kutezi kuna, neli ka kukuta mwa mulaho. Ataha ni buka ya mwa pokoto yetuna, inza i lwezi. Se nili, “Sika seo si zwile kai?”

63 Ki hali, “Tate,” ki hali, “Ni na ni mahutu amatuna, kacwalo Ni sepa kuli Ni ka lwala fela pokoto yetuna kuli ni li likanyise.” Kacwalo, oh, ze!

64 Kono abulela kuli na lolile habeli kuli yena ni Na ne lu kwezi mota, mi na mu bulelela za kubonahala kwa Mulena kokusutelezi; tolo yeswana, nako yabubeli. Ni libelezi ya bulalu; mwendi Mulena, kona, a ka ni fa se si taluswa.

65 Cwale, kuna ni lika zeñata hahulu ze swanela ku bulelwa, kono ha lu fiteleni hande kwa Linzwi cwale.

66 Mutu kaufela uikutwa hande, Na sepa. Mi haiba ha u cwalo, Ni lapela kuli Mulimu aku eze kuikutwa hande sebelezo ye isika fela kale, kuli kutokwe kuba mutu ya fokola mwahala luna kakusasana cwana, foo sebelezo ye ha se ifelile.

67 Cwale, lu lukela kuhupula kuli Krete na shwezi baba sa zibi za bumulimu, mi bani neli luna. Mwabona? Bani ki luna. Mi Na lu shwezi, kuli Akone ku lu pilisa.

68 Cwale, kikuli mwa utwa kaufela, hande? Kwa mulaho kafoo, kikuli mwa utwa hande kwa mulaho kafoo? Kana za taha kwa mulaho kafoo hande? Kihande. Ku lukile.

69 Cwale Ni bata kubala amañwi a Linzwi la Hae. Pili, ha lu apuleñi cwale mwa Buka ya Joele, mi Ni bata kubala timana ya 1, timana ya 1 kuisa fa timana ya 4. Mi kipeto ya 2, kuisa fa. . . kauhanyo ya 2 ni timana ya 25. Mi Genese 20:7. Cwale, Na itumela. . .

70 Cwale, haiba mu katala mi mubata kuzwela fande, muzwelepili cwalo. Mwabona? Kono, le ikaba Liñusa laka la mafelelezo kwa Keleke, kwa, siemba se sa Keleke, fa nako nyana. Mi lu kulubela sebelezo ya foliso kakusasana cwana. Mi Ni—Ni bata Liñusa le, haiba Mulimu uka Li fuyola, ku—ku linwelisa mwa lipilu zaluna, kuli lube ni taluso ya se Li talusa.

71 Cwale, luteni mo ku to bonahalisa, ku—ku bulela lika ze lu lumela, ni ku lipaka ka Liñolo, kuli Mañolo abulela cwalo; mi kipeto Mulimu afetuhe a lipake, kuli ki niti, luli, alieze hande. Inge fela kaufela. . .

72 Mu li, “Ye ki peu ya sani fulawa.” Mu i cale mi mubone seo sili sona. Konakuli, kumela palisa yebizwa sani fulawa, ao kona mafelelezo. Ne li sanifulawa. Mwabona? Ku felile.

73 Cwale, mi haiba babañwi ba bona ba cincanga lipula, fa ni fa; yomuñwi aina fafasi, babañwi ba nanuha ni kulibelela fa nako nyana. Mi Ni ka kusufaza fela ka mo Ni konela.

<sup>74</sup> Cwale, muhupule, mu ni lapelele kwateni. Mi mube fela ka likute kwa keleke cwale; muine fela ona mwa keleke mo, ni Muzwale Neville. Ni mina sicaba babatilo pota, kihande, cwale, mukute kwa mulaho.

<sup>75</sup> Mi cwale Ni mwa mikopano ye, ni ya ku yona kusina ya lumile pizo mane. Kono, ha Ni koni fela kuina fafasi; lifasi inge li shwa. Mwabona? Mi Paulusi nabile ni kutwisiso yani nako yeñwi. Mi na ya kwa naha yeñwi, mi kipeto nana ni pizo ya kwa Masedonia, mwa musipili. Cwale, Mulimu wa kona kufa pizo ya kwa Masedonia, ka nako kaufela. Na kansula sika kaufela, foo Mulimu hafa pizo.

<sup>76</sup> Ni eza fela zende ze Ni kona, kuya kwa lilulu *le*, ku cala lipetu; mi kulo *fa*, ni cala lipetu ze likani; mi kulo *fa*, kunepela, kucala lipetu nyana. Na ziba, linyunywani za lihalimu li ka kubukana mwa buñata bwa zona; mi zeñwi za zona li ka kamiwa ni zeñwi cwalo. Kono kwa kona kuba baba likani, mwahali mwani, ba tahe, ni bona, mwa ziba, fa mubu omunde. Kacwalo ha lu caleni fela peu, kona nto ya butokwa.

<sup>77</sup> Palo yenca luli, kwa—kwa liñusa la Paseka, Joele, kauhanyo ya 1.

*Kilona linzwi la MULENA le ne litile ku Joele mwana Petuele.*

*Amu utwe taba ye, mina baana bahulu, mi muteeleze, . . . mina kamukana baba yahile mwa lifasi. Kana taba ye cwalo i kile ya ba teñi mwa linako za mina, kamba mwa linako za bo kuku a mina?*

*Mu i bulelele . . . bana ba mina, mi bana ba mina ba ibulelele bana ba bona, ni ba bana ba bona ba i bulelele lusika lo lu taha.*

*Se si siilwe ki sishenyi si cilwe ki nziye; mi se si siilwe ki nziye si cilwe ki nziye ye fubelu; se si siilwe ki nziye yekima si cilwe ki nziye yefubelu.*

<sup>78</sup> Cwale timana ya 25 ya kauhanyo ya 2.

*Ni ka mi kutiseza myaha ye ne cilwe ki nziye, nziye yekima, ni nziye yefubelu, ni sishenyi, yona mpi ya ka . . . ye tuna ye ne ni lumezi mwahala mina.*

*Mu ka ca, mane mukule, mi mu ka lumba libizo la MULENA Mulimu wa mina, ya mi ezelize ze komokisa: mi sicaba sa ka hasina kuswabiswa.*

<sup>79</sup> Mwa Genese, ki 20, ki Genese. Kauhanyo ya 20 ya Genese, ni timana ya 7. Ni bata kubala se, kuli ni latelele . . . kwa tuto ye Ni—ni bata kunga. Ni ka kala ka timana ya 6, kuli ni be ni makalelo a se.

*Mi Mulimu ali ku yena ka tolo, Eehe, Ni ziba kuli u ezize cwalo ka pilu ye kenile; kakuli Ni—kakuli kona*

*ha Ni kutibezi kuli usike wa ni foseza: ki kabakaleo Ni si ka ku tuhela kuli u muswale.*

*Cwale u kutiseze musali ku muuna hae; kakuli ki mupolofita, mi uka ku lapelela, mi u ka pila: kono ha u sa mukutisi, u zibe. . .kuli u ka shwa luli, ni wena, ni batu ba hao kamukana.*

<sup>80</sup> Cwale, Ni nga kuzwa kwa palo ye, kamba kuzwa mwa palo ya Liñolo le, ngambolo ya taba, yebizwa kuli, “kukutiseza.”

<sup>81</sup> Cwale, kasamulaho Muzwale Neville amano kutaza kakusasana cwana, liñusa le li ipitezi lani, kwa taba ya mafelelezo ya na bulezi kwa mafelelezo a mihupulo ya hae, neli, “Ku kutiseza.” Mi kacwalo seo sa ni fa mulelo, ona foo, kuli “kukutiseza.”

<sup>82</sup> Cwale, Na matela kwa lapa ni kunga buka ya litaluso za manzwi, ni zeñwi cwalo, ni litaba zeñwi za Mañolo, ni kukala ku likanyisa lika zeñwi. Mi kipeto se Ni nga buka ya litaluso za manzwi ya Webster, kuli ni fumane taluso ye lukile ya *kukutiseza*. Ku *kutiseza*, kotalusa kuli, “ku kutisa ku muña sika wa kale, kamba ku kutisa kwa buino bwa makalelo.” Mi lwa kona ku beya mwateni likupo, kuli li kutiswe.

<sup>83</sup> Cwale, seo kona sa bulela Webster ka seo linzwi la *kukutiseza* litalusa, “Ku kutisa ku muña sika wa kale, kamba ku kutisa kwa buino bwa kale.” Mi haiba kupo i fiwa fa taba yeñwi, kuli kube ku kutisezwa kwani, wakona ku ibeya, kuli itahe mwa sibaka sa yona se si swanela.

Mi mane Mulimu afuyole manzwi a fokola cwale.

<sup>84</sup> Ku *kutiseza*, kotalusa, “ku kutisa.” Kamba, ku kutisa, ku—ku kupo ya kona ku beiwa, cwale, kutisa sika kaufela ku muña sona, koo si swanela. Kabakaleo, ka nzila yeñwi, ne si zwile ku muña sona luli, mi sakona kuyambaela fela kai ni kai. Kono, ku kutiseza, ki ku si kutisa mwa sibaka sa muña sona, kamba ku ikutisa kwa buino bwa sona bwa pili kone sibanga ka nako yapili, ku sikutisa mwa buino bwa sona bwa pili. Mi fa kukona kuezsa se, luna ni tukelo ya kuezsa ka mulao, haiba kuna ni mulao, fa kutisa sibaka se mwa ku kutisezwa kokuswanela, ku kutiseza.

<sup>85</sup> Inge mutu haiba uzwize sibyana, mi ubulukile sibyana seo a sa si kutisi. Kipeto wakona kunga mulao ni kuya ku mutu yo, ni mulao wabeleka, ku hapeleza kuli mutu yo akutise sibyana se ku muña sona wa pili, mwa siyemo sa sona sa pili.

<sup>86</sup> Kapelezo! Oh, ha ki palo ni yeo! Mo Ni lakaleza kuba ni mazazi amabeli fa taba yeo, kapelezo!

<sup>87</sup> Cwale, Muzwale Neville u lu kotalize. Ni ka ambola fela ku mina, kuluta tuto ya sikolo sa la Sunda kacwalo sika—sika li lwala kuzwelapili, Na sepa, ka sa na nani.

<sup>88</sup> Kapelezo! Konakuli, luna lu bo. . .luna ni lithonolo la kubeya ka kapelezo, ku Satani, litaba zeo Mulimu alufa. Kakuli,

Mulimu una ni mulao, mi Linzwi la Hae ki mulao, mi Mulimu mwa Linzwi le ufile litaba zeñwi za buipuleli bwa Keleke. Kabakaleo, luna ni tukelo ya ku hapeleza buipuleli bo ku Satani, ni kubulela kuli, “Aku li fe,” mi una ni kueza ona cwalo. Kakuli, lwa kona kunga Muyemeli wa Mulimu, ona Moya o Kenile, kuya ka mañwele a luna, ni kubulela kuli, “Kakuli SA BULELA MULENA KISONA.” Una ni ku itoboha zona, ku felile, kakuli Moya o Kenile uteni kuli u hapeleze kuli aeze cwalo.

Mulao wa naha ki kuhapeleza. Ki wa mwa naha, kwa naha.

<sup>89</sup> Kono mulao wa Moya wa Mulimu ki ku hapeleza Satani ku itoboha zona sa luwile isi ka mulao, sona sa ngile ku Mulimu ka bupumi. Mioyo ya baana, ya ngile ku Mulimu; mioyo ya basali, bana. Matuku a mubili, na beile fa sicaba. Bao, Mulimu na bupile mwa sibupeho sa Hae, kuba inge Yena, mi Keleke ifilwe litukelo ze swanela, ka Bibebe, kuli ilwale Moya o Kenile ni ku mufa zeo ka kapelezo.

<sup>90</sup> Ni lumela kuli kona Ni sa zo bulela fela zeo, mukopano wa mafelelezo kwanu. Ha ni zibi hande. Kono muzwale ataha kwa Louisville, kuzwa kwani kwa Georgia, ni kusiya mota ya hae inge inzi fani, mi yomuñwi a i uzwa. Mi neku nani liapalo za hae, liapalo za musala hae, liapalo za bana ba hae. Neli Muzwale Evans mo. Kamita bateni mo. Ba zamaisa limaili ze mianda ye lishumi ka ze ketalizoho, zazi ni zazi, foo ha luna ni sebelezo kwanu, kutaha kwanu ku to ba ni sebelezo. Mi muuna yashebile nali kwanu asina sika kaufela, ni limaili ze mianda ye supa ni zeñwi cwalo kuzwa kwa lapa. Mi na sa zibi sa kueza.

<sup>91</sup> A ya kwa polisi. Kono neba na ni mukwa wa busholi mwa Louisville; neba uzwanga limota, ni ku yo li penta sinca. Mi wa kona . . . ha u lukeli kuba ni pampili ye paka sika, foo, kuli u i lekise. Mi bakona ku kufa pampili ye paka sika, mwa mizuzu yelikani, fa nombolo kaufela yo tabela kubeya fateni. Mi kacwalo neba na ni nako yetata.

<sup>92</sup> Kacwalo lwa kubama ka mañwele. Mwabona? Cwale, Jesu na sa lukeli kueza cwalo, kakuli Nali yena Linzwi. Cwale, ha lu Linzwi. “Linzwi la Mulena ne li tile kwa bapolofita.” Neba si Linzwi, kono Linzwi ne li taha ku bona. Kono Jesu nali yena Linzwi. Mwabona? Na sa lukeli kulapela. Na li Mulimu, Kasibili. Mwabona? Kono luna—luna lu bapolofita ba Hae, batanga ba Hae, bao Linzwi la Mulena litahanga ku bona. Konakuli, mupolofita u pakiwa ka lona, kamba ki Linzwi la Mulena kamba nee, ka sa bulela si to ezahala.

<sup>93</sup> Kacwalo kipeto ne luna ni Liñolo fa, la na bulezi Jesu kuli, “Kaufela ko ku kopanezi bababeli kamba kufitelela mwa Libizo la Ka, mi haiba ba lumelelana, Ni kaba mwahala bona. Mi haiba ba lumelelana ka kuswala taba ifi kaufela ni kukupa, musike mwa kakanya, ba kaba ni se ba kupile. Si ka fiwa ku bona.”

94 Cwale, woo—woo kona mulao. Cwale, Yena yaliteni mo kuli a hapeleze mulao wani ki Moya o Kenile. Kucwani he ka batu baba sa lumeli mwa Moya o Kenile, bene ba Mu hana? Mwabona? Ku- . . . Musweli kuhana kozo ya mina ni sishemo. Mwabona?

95 Cwale, lwa kubama ka mañwele, mwendi baana ba ketalizoho, ni Muzwale Fred Sothmann ni—ni babañwi babañata nebaliteni kwani, baana babane kamba baketalizoho. Mi lwa kubama fafasi, mi Na kupa taba ye fapila Mulimu. Mi kipeto Na nga Linzwi, kamba sepiso, ni ku I luma. Moya o Kenile omutuna, sina ha Na ngile Linzwi, kuisa lipizo zani, pono ya punya mi Na bona muuna uya kwa Bowling Green, Kentucky, inza tinile hembe ya mubala wa ñandakalukeke, inza zamaisa mota ya hae. Moya o Kenile wa taha ku yena, wa mu nyaza, mi ki ha sikuluha, mwendi licika fela cwalo. Ne ni mubona ha kuta ni ku to fuweka mota yani mwa mukwakwa omuñwi, fabuse bwa nuka kwanu. Na nanuha ni kubulelela mizwale, “SA BULELA MULENA KISONA.”

96 Mi foo ha ba kalisa kuya cwalo, ba ya mwa nzila. Mi ki yani mota ne i beilwe fani, ina ni mafula a licika mwateni, koo mu—mu mungomo wa mafula no li licika, kakuli ne itezi, neli amañata fela, ku muisa kwa Bowling Green ni ku mu kutisa. Cwale, baana bani bateni ona mo kakusasana cwana, kakuba lipaki.

97 Ki sikamañi seo? Kapelezo. “Aku i kutise.” Mwabona? Kona cwalo. Kona mo i ambolela zeo. “Ku ikutiseza. Ku ikutisa ku muña yona.”

98 Mi haiba Satani u ku uzwelize fa lithonolo la kuba mwana mushimani kamba wa musizana wa Mulimu, luna ni tukelo kakusasana cwana, ka Moya o Kenile, kuli lu ikungele mata a Mulimu. “A ku kutise.”

99 Haiba u ku nyandisize, ni ku kulisa, luna ni tukelo fapila Mulimu kuli a beye milao ya Mulimu. “Ka miupa ya Hae lu folisizwe.” Amen. “Mu kutise. Aku mu tamulule. U mu isa kwahule, kwa lifu, mi lwa mu nga. Mu kutise cwale.”

100 Yeo kona kapelezo; ku i kutiseza kwa buino bwayona bwa makalelo hape. Muuna wa kula; mbututu wa kula; musali wa kula. Mwabona? Ba zwile mwa buino bwa bona bwa nama. Kipeto luna ni tukelo ya ku fa mata ka kapelezo. Isiñi buipuleli bwa *luna*. Ki buipuleli bwa luna kakuli Mulimu u lufile bona. “Ka miupa ya Hae lu folisizwe. Na holofalezi bumaswe bwa luna. Ka miupa ya Hae lu folisizwe.” Cwale luna ni tukelo ya kuhapeleza mulao wani. Mi yena—yena Mufani wa Mulao, Moya o Kenile, Kasibili, uteni mo, yena Muyemeli wa Mulimu, ka kubona kuli liezwa ka nzila yeo. Amen.

101 Cwale, nzila fela Ya kona kubeleka ka yona, ki foo ha mu Mu lumeleza kubeleka. Mwabona? Muna ni ku li lumela. Kuna ni mulao. Oh, haiba Ni kona kufita fa tuto yaka. Kuna ni mulao. Kuna ni mulao wo filwe mwahala lika kaufela.

<sup>102</sup> Mwa ziba, tapi ina ni mulao. Mi tapi yani yakona kuyema fa mwa mezi, mi ina ni mulao mwahala yona. Haiba ikona fela kutuhela kuya ka mulao oli ku yona, yakona kunwela ni kufita kwatasi a liwate. Halina ku i bilaeza ni hanyinyani. Halina ku sinya selu ya yona ni yekana. Wena lika kueza cwalo. Mulao wani ha u yo ku wena. Haukoni kueza cwalo, kono tapi ya kona. Ya i pompolola ili yona ka moya wani, ka nzila ya kuli haikoni, hakuna se sili kuyona kuli i pance i kwaluhe. Mi i ezizwe ona cwalo. Ya ziba cwalo. Mi yakona ku belekisa mulao wani, wa ku i isa kwatasi a liwate, mi kipeto ku i nanula hape. Oh!

<sup>103</sup> Nekuna ni mulao ku Krete. Mulao wani u mwa batu. Mwakona ku mu pumbeka mwa libita le li tungile hahulu, kamba liwate le li buliba hahulu, kamba ki—ki lihele le li mwatasi hahulu. Kuna ni mulao, wa Moya wa Mulimu, wo ka mu zusa hape. Mwabona?

<sup>104</sup> Nyunywani ina ni mulao. Cwale, mubili wa yona wa swaliwa. I pila mwa lifasi, ilulanga fa lifasi fa. Kono ina ni mulao mwahala yona, kuli, mo i otololela mafufa a yona, yakona kufufela kwahule ni meto. Zeo li lwanisa sayansi. Ba bulela kuli ki—ki ze swalisani ni lifasi; mata a bukiti ana ni ku li swala fa. Kono yakona kuhanela mata a kutisa fafasi, ku inanula ili yona ni kuya mane kulenda, kakuli ina ni kubeya mulao wo li ku yona kuli u beleke. Mi ibupilwe kuba ni mulao wani.

<sup>105</sup> Cwale Ni kala kuikutwa bulapeli. Cwale, luna ni mulao, mulao wa Bupilo ku luna. Ha lu . . . Nto fela yeuna ni kueza . . . U bupilwe, ni kupepwa, ni kubeiwa fa mwa Mubili wa Krete, sina bana ba bashimani ni basizana ba Mulimu. Ha mu lukeli ku itwaeza diabulosi. Luna ni mulao. Wani kona mulao wa Moya o Kenile. Nto fela ye muziba . . . ye mu na ni kueza, ki kuziba mwa ku itoboha sika ni kulumeleza Mulimu. U tundamena kutundana ni zona, mwabona, mi halina kubeleka. Foo, ha u itoboha ni ku siyela Mulimu, kihona. Mwabona?

<sup>106</sup> Haiba tapi ibulela kuli, “Libelela, Ni ka swala moya waka hande luli. Ni ka pumata moya wa okisijini, mi Ni ka bona haiba Ni ka kona kunwela.” Batili. Ha i eza cwalo, ika panca kukwaluha. Mwabona?

<sup>107</sup> Nyunywani ibulela kuli, “Ni ka bona kapili mo Ni kona ku matela kwanu, mi mwendi Ni ka fufa.” Batili. Ha ina kueza cwalo. Ika wela fafasi. Mwabona? Ina ni kuziba mwa ku zamaiseza, ka mo mulao wani ukona ku i zamaiseza.

<sup>108</sup> Mi ki taba yeswana ni ku luna. Ha ki se lu lwanisa, ni kuhoha, ni—ni kuakufa, ni—ni, “Oh, haiba Ni sa utwisisi se, haiba Ni sa utwisisi *sani*.” Zeo ha ki zona. Ki kuziba kuli mulao wa Bupilo u ku mina, mi itoboha fela ni ku lumeleza Mulimu. Kipeto Wa ku isa kwa foliso ya hao, ku kuisa kwa kolobezo ya Moya, kamba sika kaufela Sa sepisize. Buipuleli bufi kaufela bwa Na file ki

bwa hao, mi ka ku itoboha fela ni ku tuhelela Mulimu. Cwale, haiba una . . .

<sup>109</sup> Haiba mupolisa na ka—na ka unga mutu yana uzwise sibiyana sa hao, na ka muisa kwa kuta, mi uzwelepili ku mu hohela kwa mulaho, “Kihande, Ha ni zibi fela kuli uka eza se kamba nee,” haana ku muisa kwani. U ka mu tuhela fela kuli ikele.

<sup>110</sup> Cwalo kona mo mu ezeza. Mutuhele fela Satani azwise, kukakanya kaufela ni lika kaufela lizwe mwa munahano wa hao, kipeto Mulimu uka ku zusa. Kihande.

<sup>111</sup> Cwale, ki nako ya Paseka. Oh, Na lata Paseka. Eeni, muñaka. Kono kuna ni zeñata hahulu ka za Paseka, kacenu, ka za tushakame, ni lipato, ni likuhu za mubala wa pinki, ni likuwani zende, ni lindelesi ze nca; mi yeo ha ki Paseka. Paseka ki zuho, ya kutiseza, ku kutiseza. Ki nako ya Mulimu ya kutiseza. Mu talime mwa lifasi loote; Mulimu wa kutiseza. Ku kutiseza sikamañi? Zebupilwe. Yeo ki niti. U sweli kutisa lipalisa. U sweli kutisa matali. U sweli kutisa miselo ya mwa simu. Ki sikamañi seo? Mulimu wa kutiseza. Ki Paseka; italusa ku “li kutisa.”

<sup>112</sup> Ki sikamañi seo? Se kubile ni—ni mubamba, mubulelelo. Paseka ya bulela, kamba ki—ki—ki mubulelelo wa palisa, wa kuli ina ni tukelo ya kuzuha hape. Mwabona? Mi mulao wa Mulimu wa ze bupilwe u hoha lifasi ni kueza mulao wa Mulimu wani, mwa pupo, kutisa Paseka, yona zuho. Ki taba yende. Kukuta kwa lizazi, ku to kutiseza se si bulailwe ki maliha, fani hane si inzi mwa lifasi. Mulimu ulumanga lifasi ku potoloha lizazi, inge ha lu bulelezwi, kuzwa kwa mulaho *kwanu*.

<sup>113</sup> Lifasi, lifasi la zwa kwa lizazi, la kutela *kwanu*. Cwalo kona mwa ezezanga muezalibi, kuba kwahule ni M-w-a-n-a. Kihande, le ki l-i-z-a-z-i. Kono foo lifasi le ha li kala kukuta . . . Mi foo ha se lili kwande kwani, lifu la li nata, ona maliha. A bulaya kaufela se si pila sa kona ku bulaya, kwande *kwanu*.

<sup>114</sup> Mi, cwale, foo lifasi ha li kuta mwa mulaho. Lipeu ze i inzi mwa mubu. Ki lico ze kangezi. Mezi azwile ku zona. Ki . . . Mi lika kaufela se li zwile mwateni; kono kuna ni bupilo nyana bo bu sa bukelelizwe. Mi lizazi li sa kuta fela mwa mwa sibaka ni lifasi hape, konakuli kuna ni Paseka, ki kukutiswa. Fahalimu kutaha lipalisa hape. Fahalimu kutaha lika kaufela. Kaufela zene bulailwe ki maliha, lizazi la kutiseza. Ona lifu la maliha lani kaufela li bulaya, lizazi la bupilo la kutiseza.

<sup>115</sup> Mi kacwalo kona mo kuinezi ni cwale kwa sicaba. Ona kubata kaufela kwa maliha kwani, bulapeli bwa sihalihali se bu bulaile kwande kwani, bukaufi ni Mwana Mulimu mwa mazazi a maungulo aa, inza taha kwa Keleke ya Hae, ku I kutiseza kwa Bupilo hape. “Ni ka kutiseza, kubulela Mulena.” Mwabona? Mulimu u kutiseza lipalisa za Hae, matali a Hae, sibupeho sa Hae, peu ya Hae ya lifasi, mi kabakaleo lwa ziba, kipeto, kuli

Mulimu uka kutiseza hape maino a Hae. U ka kutiseza Edeni ya Hae. U ka kutiseza lika kaufela ze bulailwe ki lifu. Yeo ki niti. Cwale, mukwa fela wo ikona kusiya inge ishwiile, ki ku inelelela mwa sibaka se si fosalile. Kono haiba i wela mwa sibaka se si lukile, ina ni ku kutela kwa Bupilo hape. Kacwalo, Mulimu, lu lumeleze kuwela mwa sibaka se si swanela, yeo ki niti, kwa kukutisezwa.

<sup>116</sup> Kaufela ze bulailwe ka nako ya maliha, konakuli lizazi la kutiseza. Kukuta kwa lizazi, ku eza sikamañi kanti? Li hapeleza. Muteeleze. La hapeleza lifu. Foo lizazi, lizazi la litabula ha li kuta mwa mulaho mwa mundandwe wa lifasi hape, li ka hapeleza lifu kutisa bafu baba kulona, kutaha mwa zuho, kwa (sikamañi?) kwa kukutisezwa, ki “ku kutiseza hape.” Ki sikamañi se si eza cwalo? Ki lizazi, le litaha. Wo ki mulao wa Mulimu.

<sup>117</sup> Mulimu na beile lifasi mwa mulao, mulao wo zamaisa bukiti. Lika kaufela mwa pupo libeleka ka mulao wa Mulimu. Mi palisa isebelize nako ya yona. Peu isebelize nako ya yona; ne i shwezi mwa mubu. Mi kipeto kuba ni ku kutisezwa.

<sup>118</sup> Mi cwale ilobezi mwani, ishwiile. Hakuna nihaiba sika. . . Lwakona kunga iliñwi ya maseli aa mo sina *cwana*, ni ku atukisa, mi mane haana kumonyeha zangana. Hakuna mukwa wa kuli lueze cwalo. Kono Mulimu una ni mulao, kuli foo lizazi lani ha litaha kwa peu, li hapeleza bupilo bwani kuzwa mwa peu. Lifu halikoni ku i swala ni hanyinyani.

<sup>119</sup> Mulimu ubeile milao ya Hae kaufela kuli i Mu sebeleze, sibeli sa za nama ni za moya, kubeleka kuya ka Linzwi la Hae, hakuna taba ka buino. Na lata seo. Ni bile ni Liñolo fa ka seo. Eeni, muñaka. Mulimu ubeile milao ya Hae kaufela ka ku zamaelela. Munahane ka zona. Ha li nwele hande cwale, kakuli lutaha kwa sebelezo ya foliso mwa mizuzu yelikani. Mwabona? Mulimu ubeile milao ya Hae kaufela ka swanelo, kuli lina ni kubeleka kuya ka Linzwi la Hae Tota. Kikuli mwa li utwa nji? Mwabona? Linzwi la Hae! Milao ya hae ina ni kubeleka kuya ka Linzwi la Hae. A laela lizazi. A laela kweli. A laela lifasi. A laela pupo. Mi kaufela zona za wela mwa sikuka, mi milao kaufela ibeleka mwa kutwano ni Linzwi la bulezi Mulimu. Mi mulao wa Bupilo wo li ku luna uka lu tisa hape kwa zuho. Ina ni kuba cwalo. Ha ku konahali kuli kupale.

<sup>120</sup> Leo kona libaka, mulao wa Bupilo wo noli ku Kreste, foo Linzwi hane li bulezwi ni kubulela kuli, “Hanina kutuhelela Ya Kenile wa Ka kubona kubola, kamba nihaiba kuli Ni siye moyo wa Hae mwa lihele,” nekusina nako yeñata, nekusina madiabulosi amañata, nekusina sika sesituna, sa kubuluka Kreste mwa libita lani kufitela (Yena) mubili wa Hae kuli ukale kubola, kakuli mulao wa Mulimu uka tisa Linzwi ku to ezahala.

Mi mulao wa Mulimu, ka Moya o Kenile, utisa sepiso ifi kaufela ku to ezahala (mwa utwa nji?), hakuna taba ka buino.

121 Jobo ali, “Nahaikeli kokwani li ka sinyi mubili wa ka, niteni ona mwa mubili wa ka mo Ni ka bona Mulimu.”

122 Hakuna taba kamba lu ba banyinyani cwani, mo lubezi baba totobezi cwani, mo lubezi baba masila, mo lubezi baba si ka kena, mo lubezi baba kula, mo lubezi baba ziyelehile; mulao wa Moya wa Mulimu, ka Linzwi la Hae, u li eza kuli li Mu utwe, uhapeleza taba, mi uli, “Aku li kutise!” Ameni. Oh, haiba ne lu ka nahana cwalo fa muzuzu fela. Ku u hapeleza, hakuna taba ka buino. Hakuna taba kamba buino ki bufi, mulao wa Linzwi la Mulimu u hapeleza buino bwa ku zamaelela ni Linzwi la Hae. Mwabona? Lina ni kuba cwalo.

123 Cwale, haiba palisa inzi fani, mi i shwile, lipeu li bolile, li congile, mulo u felile, seo hasina sa kueza ni sona. Ya zuha hape, kakuli Mulimu na tomile mulao, kuli i zuhe hape.

124 Foo Jobo hana inzi mwa mubu (Hakulata, foo hana boni Jesu inza taha, neli myaha ye likiti zene Jesu asika fita kale fa.), mwakona ku nahana mubili wa butu mo no bonahalela, mwa myaha ye likiti zene, mane hakuna neba mufuse omuñata wo siyezi wo tala fa luswana. Kono Jobo ali, “Niteni mwa mubili waka Ni ka bona Mulimu: Yo Ni ka iponela ili na.”

125 Mi Bibeledi ya lu bulelela, mwa Mateu 27, kuli kasamulaho wa lifu la Hae, ni kupumbekwa, ni zuho, kuli, “Buñata bwa baba kenile bene ba lobezi mwa liluli la lifasi, ba zuha kuzwa mwa liluli.” Kiñi? Neli mupolofita yani, yana bulela ka Linzwi la Mulimu, mi Linzwi ne li bulezwi. Mi mulao wa Mulimu, ka Moya, wa ba zusa. Bibeledi ibulezi kuli, “Ba taha mwa munzi, mi ba bonahala ku babañata.” Isiñi fela kuli Jesu na zuhile, kono balumeli ne ba zuhile ni Yena.

126 Kiñi? Mwani mwa Lisamu, i bulezi kuli, “Amu nanuhe, mina minyako ya kamita, mi amu nanuhe. Mutuhele Mulena wa Kanya atahe.” Kihande, foo ha Na komile lifu, lihele, libita, matuku, a zuha ka lizazi la bulalu, “A kambamela kwa Lihalimu, mi a yo isa lihapwa ku yo ba luwa.”

127 Neli sikamañi sani? Bani bene bali mwa butanga ne ba libelela sepiso ye lunani cwale. Oh, muzwale! Mane nekusina nihaiba Moya o Kenile. “Kono, ne ba lumela, ni kufa bupaki bobunde. Mi ka bona ba tuhelisa milomo ya litau, ba tima mata a mulilo, ba bandukile kwa buhali bwa lilumo, basali ba amuhela bafu babona haba zuhela kwa bupilo hape: kusina sepiso.” Oh, kono neba talimela kwapili! Mwatasa sitabelo sa lingu sene si sa koni ku takula sibi, ne si apesa fela sibi. Kono neba lumela kuli ne ku taha Alimuñwi. Mi ka tumelo ya bona, kwahule ni muluti, ameni, ne ba ipapata zona. “Mi ka kutiya, neba yambaela mwa mahalaupa, ni mwa matalo a lingu ni lipuli; ne ba nyandile, mi bayambaeli, ni ku nyandiswa.” Oh!

128 Sicaba sani, si libelezi zuho yani, mi, ka sani, ba shwela mwa tumelo, ka bupaki bwa bona. Mi ka la Zuho lani kakusasana, ona mulao wa Mulimu wani, lene li bulezi Linzwi ka Jobo ni bapolofita babañwi bani, neba zuhile kwa bafu. Oh, mawi! Ki fo he cwale. Hakuna taba ka buino!

129 Batu babañwi bana ni ngana ya mulatu hahulu, kuli mane ha ba lati kotalimana ni katulo ifi kaufela. Oh, batu babañata! Ha ki nto yetata kushwa. Mutu kaufela ulatehelwa ki ngana ya hae, nto yeñwi, ni kueza sesiñwi se si buhali. Babañwi ba bona mibili ya bona ya cisiwa, ku li isa fa liwate ni ku nepela mufuse kwa maneku amane a se, mioya yemine ya liwate. Sani ha si palelisiwi katulo. Mu tahe ona cwalo, ka kuswana fela. Eeni, muñaka. Mwabona? Hakuna taba, hakuna taba ka buino, u ka kopana ni Mulimu, kokuñwi. U lukela kutaha ku Yena. U lukela ku Mu katanyeza. Mwabona?

130 Kakuli (Kiñi?) U bulezi Linzwi, ni kubeya mulao kwa Linzwi lani. Mi mulao ki mulao wa Hae Tota, Bupilo bwa Hae Tota, kwa mulaho wa Ona. Kona libaka ha Na konkile ka Yena anosi; hakuna yomutuna. Mwabona? Na bile ni, buitamo, kakuli hakuna bulikani bo bu lukela kubateni kusina buitamo. Mi nzila fela ya Na ka eza zeo, Asika ba kale, na i kungile Yena kasibili, mi Yena kasibili aba Buitamo bwani. Oh, muzwale! Foo, Mulimu hana tiloba mutu mi nali Buitamo, a I kezeza bona ka Buitamo.

131 Mi ka lifu la Hae Tota, kupumbekwa, ni zuho, A bonisa kuli milao ya Hae ne i lukile. Ali, “Musinye muyaho wo, Ni ka u zusa hape mwa mazazi a malalu.” “Na,” tulokandina twa mutu, “Ni ka u zusa hape mwa mazazi a malalu. Ni ka i tisa. Mu i bulaye fela, mi mubone se si ka ezahala.” Kakuli, Na zibile mulao wa Mulimu. Na zibile sene sili sona. Na zibile kuli ne sina ni kubeleka kuya ka Linzwi. Na ziba kuli Linzwi la Mulimu ne li bulezwi ka mupolofita, mi ali, “Hanina kutuhelela Ya Kenile wa Ka kubona kubola.” Ani neli mafelelezo. Ani neli mafelelezo.

132 Kipeto, mulao wa Mulimu una ni kubeleka ka Linzwi lani. Lu taha fa sika sesituna fa muzuzu fela. Mwabona? Mwabona? Koo, mulao wa Linzwi la Mulimu, ona Mulao wa Mulimu, uinzi ni Linzwi la Hae.

133 Cwale, haiba kuta iñola linzwi, “Ki nto ya *kuli-kuli*, ki koto, ya kueza sa *kuli-ni-kuli*.” Ku lukile. Cwale, leo ki linzwi la kuta, mi mulao wa ba kuta uhapeleza linzwi la kuta.

134 Mi Mulimu ubulela nto yeñwi, mi wani ki mulao. Mi Moya o Kenile uteni mo kuli ueze mulao wani kubeleka, ameni, ku mulumeli. Una ni ku supywa kueza cwalo, mi si lwala mulumeli. U lukela kuba ni situpa sa “mulumeli.” Yomuñwi uli, “Una ni mata?” Batili. Kono luna ni puso. Kona cwalo. Isiñi mata; kono puso. Haluna mata amañata akueza sika.

135 Inge hane Ni bulezi nako yeñwi yefitile, mupokola yomunyinyani wakwa Louisville, inza yemi fani. Neli

yomunyinyani kufita mo ne Nibezi; mutu yomusisani fela. Kuwani ya hae ne ihohezwi kwa lizebe za hae. Mi mota. . . Oh, yunifomu ya hae ne i cepeta kunyendaela. Na zamaya cwalo mwa mukwakwa. Tobolo nyana mwasipusu, inge, kwa noka ya hae, mulamu nyana mwa lizoho la hae, ni pindo yenyinyani. Azamaya cwalo fani, atinile magulovu amasweu kwa mazoho. Mi zona—zona limota zani, zeñwi za zona lina ni mata mianda ye milalu ni mashumi aketalizoho, inze lipikuluha mwa mukwakwa wani, inge—inge lumonyi lwa pula, neli zoom, zoom. Kihande, muchaha ya shebile yomusisani yani akoni ku li yemisa. . . Ha koni kuyemisa mwana pizi, ka mata hae. Batili hakoni. Kono sa ya fela fa mukwakwa, ni situpa tuna sani inge si benya, aliza pindo yani, ni kunanulela lizoho lani mwa halimu. Muzwale, mata amianda yemilalu, simbayambaya sa mata amatuna, sa swala mambuleki, ni lika zeñwi kaufela. Ne si mata a mutu. Neli puso yana nani. Kona cwalo.

<sup>136</sup> Yeo kona Keleke. Kwakona kuba sikwata sa “bapikuluhi babakenile,” mo ba bizezwa cwalo, kamba kaufela mo mubata ku libizeza, kono ki puso. Uh-huh, uh-huh. Ki puso mwa mulaho wa zona. Sani kona se si eza lika. Hakuna taba ka buino, mulao wa Mulimu u beleka ni Linzwi la Hae. Cwale, hauna kubeleka ni tuto ya tumelo ya hao. U ka beleka ni Linzwi. Eehe. U beleka fela ka Linzwi, ku felile, cwale, hakuna taba ka buino.

<sup>137</sup> Abrahama, inge ha lu balile nako nyana yefitile mwa palo yaluna, musala Abrahama na kutisizwe. Kiñi? Mulimu na file sepiso ku Abrahama, mi fa mulena na mu isize, ku mu nyala, kuba musala hae.

<sup>138</sup> Kihande, ki sikamañi sa na ka eza? Kubeya Abrahama mwa lifu, fa muzuzu fela. Sani kona sa na bulezi Abrahama. “Na ku lapela, ubulele cwalo. . .” Kasamulaho amano bona kuli—kuli Abimeleki na mu sweli, mulena wa Mufilisita yo fani, ki hali, “Cwale, wena—wena, Na ku kupa, u bulela kuli Ni muzwale wa hao. Kakuli haiba. . . wena u musali yomunde.” Mi ali, “Cwale, haiba a bona kuli u yomunde, mi Nika—Nika—Nika—Nika bulaiwa, kakuli uka kunga ni kuku nyala.” Mi kacwalo Abimeleki amu swala, mi mubeleki wa hae wa muuna amu tisa mwahali.

<sup>139</sup> Nali musali yomunde. Mi, ni bulele cwana, nali fela wa myaha ye mwanda ya kupepwa. Mi musali—musali. . . Mulimu na bonisize fela Sa ka eza ku luna kaufela, ka bona. Mwa ziba, Ni se ni fitile ku zeo kaufela, mwa tuto yaka ni fa matepu, ni zeñwi cwalo, kubonisa kuli ka Linzwi la Mulimu. Yeo ki niti. A bulela, ka Abrahama ni Sarah, sa Na ka eza kwa lusika kaufela. Yeo ki niti.

<sup>140</sup> Cwale, ki yani fani, mi kacwalo Abimeleki amu nga kuli abe musala hae. Abimeleke, mi kacwalo a itukisa kaufela cwale, kuli amunge abe musala hae. Mi (sikamañi?) Mulimu na bulelezi

kale Abrahamama kuli, “Ka Sarah ukaba ni mbututu yoo,” mi fa nekuna ni mutangana yana mu ngile. Fa kiyo Abrahamama, mwendi mwa- . . . neli wa myaha ye mwanda ya kupepwa cwale, niyena, kulo kwani.

<sup>141</sup> Kono, ka sani, mu lemuhe sa na bulezi Mulimu kwani. “Eeni, Ni ziba busepahali bwa pilu ya hao. Kona libaka ha Ni ku hanisize ku Ni foseza. Kono u kutise musali yoo; kakuli muuna hae ki mupolofita. Tuhela aku lapelele. Haiba u sa ezi cwalo, Ni ka mi yundisa fela fa lifasi.” Ki fo he cwale.

<sup>142</sup> Sikamañi? Linzwi la Mulimu lina ni kuyema. Hakuna mutu yana kona kuswala Sarah. Mulimu na file sepiso.

<sup>143</sup> Sarah, mufuta wa Keleke, Keleke ya niti, Keleke ye lukuluhile, musali ya lukuluhile hamoho ni Mwana ya lukuluhile, mufuta wa Keleke ye pepilwe sinca ni sepiso. Mutuhele ba bulele kaufela ze ba bata; ba li bize kuli “mupikuluhi ya kenile, kufiteleza tumelo.” Ba likile ku Li paleliswa kuzwa kwa Pentekota, mi habana kueza cwalo. Batili, muñaka. Kakuli mutone. . . Mu tuhele fela mazoho amina ku Lona. Ku felile. Mulimu uka nga sani ni kueza sesiñwi ka Sona, ka niti fela sina ha Ni yemi fa. Lu taha mwahala lusika lwa yona, cwale, mwa mizuzu yelikani. Mulimu ani tuse, Ni ka mi bonisa zona, koo lu inzi. Kiniti. Muna. . . Habana ku li sinya. Halikoni ku sinyeha. Yeo ki niti.

<sup>144</sup> “Zwisa mazoho a hao ku yena.” Kiñi? Ki ko kuna ni kutaha peu ya nama. Peu ya nama neitile. Kambe nei kaba ni. . . Kambe Sarah na ka nyalwa ku muuna usili yo, peu ya nama ne i si ke ya pepwa.

<sup>145</sup> Kacwalo haiba Mulimu u tokomela hahulu za mo imelela peu ya nama, kucwani he ka ya moya, Peu ya Silena, U ibabalela kufita kai!

<sup>146</sup> Satani, aku bafe zona. Aku li tuhele. Ha ku ba tamulule kwani mwa likopano zani ni lika zeñwi. Ki sicaba se si lukuluhile. U ba tuhele fela ona cwalo. Eehe. Ba tamulule, yona Peu ya Silena.

<sup>147</sup> Cwale, Mulimu ubulela ka za ku kutisa, cwale, mo mwa Joele, U bulela ka za. . . Ne ni kutalize fa taba ye, nako yeñwi, ni kuitalimisa mwa mufuta usili. Kaza. . . Ne ni si ka kena ku zona ka swanelo, sina mo Ni batela kuezeza kacenu, mi hanina kuba ni nako ya kueza zeo mo li swanela ku ezahalela.

<sup>148</sup> Kono Mulimu usweli kubulela fa, mwa Joele, wa. . . Mulimu u ambola ka Kota ya Hae ya muselo ya Na cezi. Mulimu na cezi Kota ya miselo. Na I cezi ka Lizazi la Pentekota, mi A tisa Kota yani kwani ka mulelo. Na bata kuli Libeye Linzwi la Hae la Muselo, Linzwi la Mulimu. Na bata Keleke yene ka buluka Linzwi la Hae. Mwahala lusika kaufela, Eva na palezwi ku Li buluka, Majuda ne ba palezwi ku Li buluka, mulao ne u palezwi,

kaufela ne li palezwi, kacwalo Mulimu a Mu cala kuba Kota. Kota!

149 Cwale muhupule, nekuna ni likota zepeli mwa simu ya Edeni. Lwa ziba cwalo. Mu li bize kaufela mo mubatela. Nina ni muhupulo waka. Kono, nihakuli cwalo, iliñwi ya zona ne li kota ye silafezi; ne i silafalizwe. Mi Yeñwi ne si ka silafazwa; Kota ya Bupilo yani neizwa ku Mulimu, kwa Lihalimu. Mi ali, “Bo kuku a mina ba cile manna, mi ba shwile. Kono Kota ye, ha muica, mi mu pila kuyakuile.” Mi Lingeloi la sileleza Kota ya Bupilo yani, kuzwa kwa simu ya Edeni, la I buluka mwa Edeni. Kota ya Bupilo yani i mwa Edeni, cwale, kubulela ka moya cwale. Mulemuhe.

150 Cwale, foo Kota ye ya na cezi Mulimu, Ne ilukela kubeya miselo mifuta ye naini ye shutana, naini ye shutana; ili kotalusa kuli, limpo za moya ze naini, miselo ye naini ya Moya kuli luye ni limpo za moya ze naini. Yani neli Kota ya Mulimu. Na I cezi mwa lifasi ka Lizazi la Pentekota.

151 Cwale ha lu yemeñi. Kamita lubanga ni nako ye likani. Ni ka tula Mañolo nyana fa, ni kushetumuka fa mwa Lisamu, ya 1. Davida na boni Kota ye, kale kafoo. Ni ka miñolo ya hae ya lipina za taba yeñwi ya tabo, yani neli yona taba yapili yana ñozi ka yona. Na boni Kota ye, mi Ne i “calilwe kwa tuko ni Mezi.” Kota ye! Yena!

*Mi u swana sina kota, kota ya Mulimu, ye calilwe (kai?)  
kwa tuko a linuka, linuka (buñata), linuka za mezi (nto  
iliñwi) . . .*

152 Isiñi wa Methodist, Baptist, Presbyterian, Lutheran, ni babañwi cwalo. Batili, batili. Uh-uh. Ki linuka fela za Mezi alimañwi; limpo ze naini za moya ka Moya o swana. Miselo ye naini ya Moya izwa ka nzila yeswana.

*. . . u kaba sina kota ye calilwe kwa tuko linuka za  
mezi.*

153 Inge Davida mwa na li bonezi, mi a bulela. Ki hali, “Ufilwe mbuyoti mutu yoo.” Mi mulemuhe, ki hali na si ke kushwa. “Matali a hae na sa letuki.” Batili, batili. Hakuna taba ka se ba eza, haana kubulaya Kota yani. Kiñi? Ki koo a cezwi. Sani kona se si eza lika. Ki ko a cezwi. “U calilwe kwa tuko ni Mezi.” Cwale mulemuhe. Davida ali, “Haili—haili mibisi ya hae haina kushwa.”

154 Mwa ziba, hamunga kota, kota yetuna ya kale. Na, foo hane Ni li mushimani, Ne ni zwelanga fande, mi ne lu, luna bashimani, ne lu yanga kwande, mi nekuna ni kota yetuna mo ne luinanga mwatasi, neli sikota sesituna sa mwande. Mi moya ne u fuka. Mi Na komona, ne kubonahala inge kuli nto yani, nekuna ni zeñata hahulu kwahalimu, ne kubonahala inge kuli ne—ne kuna ni si ka fahalimwa yona. Kono, mwa ziba, nako kaufela moya ha ufukela

fa kota, u nyunga kota, mi u cepetisa mibisi, kacwalo kuli i kate fela kuya mwatasi ni kuli iswale hande.

<sup>155</sup> Mi yani kona nzila, ku sheununa, kuseha, kubona bukuba Mukreste. Se si ezahala, ki kuli, manyando a nyanganyisa Mukreste, kuli akone kulapela hahulu, kukata hahulu, kuli akone kuswala hande, kacwalo kuli akone kuyemela liñungwa.

<sup>156</sup> Cwale, ku cwani haiba mutu u calilwe mwa sika sakuli “kwa nuka,” koo sibuba, libuba zeshutana ze naini zefumaneha kuyena? Oh, mawi! Ha ki—ha ki bufumu ni boo anani. Mi mutu ya cezwi kwa nuka, linuka za Mezi; Mezi alimañwi, Moya ulimuñwi, “Kuna ni limpo za kufolisa, Moya o swana; limpo za sipolofita, Moya o swana; ona Moya o swana, kono limpo zeñata.” Mufani Alimuñwi.

<sup>157</sup> Cwale, Davida a mu bona, mi na calilwe kwa Kota yee. Cwale, na si ka shwa. Cwale mulemuhe libaka. Na nani Bupilo mwa mibisi. Ikai mibisi, kamba, bupilo bwa kota? Bu ina mwa mibisi. Kiniti. U taha ku to beya miselo ya ona. Ku lukile.

<sup>158</sup> Mutalime. Mibisi ya hae neina ni Bupilo ku yona, kuli ibeye miselo ya Hae mwa mwaha wateni. Cwale muhupule, Kota ye haina kubeya muselo wa Yona.

<sup>159</sup> Cwale, munge kota ni kuizusa mwa mezi. Taba yapili mwa ziba, muna ni ma apule amanyinyani. Kaufela libolile mi licilwe ki mabuku. Kono i ka beya li—li—litolwana za yona.

<sup>160</sup> Boo kona butata bobuli ni likeleke kacenu. Mu se muzwile mwa Nuka yani, mwa zwa kwa limpo za Moya zani. Bana ni fela keleke ya nama. Mi neba zwile kwa limpo za moya ni lika za moya, mi ba beya miselo ya bona. Ki sikamañi se ba eza? Balumeli ba—ba bona ba pila ni lifasi, baeza sina lifasi, kuuzwa, kupuma, kuzuba, kunwa, kulaula, kuba ni mikiti ya bunco mwa keleke, kuli balife mukutazi, ni lika zeñwi kaufela, mikiti ya malyalya, kubina. Mwabona? Ba beya miselo ya bona. Kuswana fela inge lifasi.

<sup>161</sup> Mi ya sa lumeli ha talima ni kubulela kuli, “Hakuna shutano ku mutu yoo ni na.”

<sup>162</sup> Kona ze ne tisize kuli swalisano ihule mwa Russia. Kona ha neba cisize keleke ya Katolika mwateni. . . .

<sup>163</sup> Kwani kwa Mexico, foo hane Ni li kwani mi na bona misima ya lilungwe, koo lika zani, ni libaka zani koo neba cisaka limbututu zani, kone kuna ni ba babaleli bene bana ni limbututu zani. Neba mbili ya batu, mubili wa mutu ya hulile ne u lobezi fani, mwa liluli la misima ya macwe. Ki sikamañi se neba ezize? Za wisa miselo ya zona, mwabona, mi Mulimu a i nyunga kuzwa kwa kota. Ani neli mafelelezo. Mwabona?

<sup>164</sup> Kono mutu ya cezwi, isiñi ya suñilwe fela, kono ya calilwe fa kaufi ni linuka za Mezi, uka beya muselo wa Hae (mutalime)

mwa . . . muselo wa Hae mwa mwaha wa hae. Kana mwa li bala nji? Lisamu 1.

*U filwe mbuyoti mutu ya sa . . . ini mwa siango sa basomi, ya sa yemi mwa nzila ya baezalibi.*

*. . . u kaba sina kota ye calilwe kwa tuko linuka za mezi, u ka beya miselo ya hae mwa mwaha wa hae; . . . mi kaufela sa eza si ka konda.*

<sup>165</sup> Mwabona? Mulemuhe, “Baezalibi ha ba cwalo; mi haana kuyema ni yena mwa katulo.” Mwabona?

<sup>166</sup> Cwale, “U ka beya muselo wa Hae mwa mwaha wa hae.” Mutalime ufi ni ufi wa *hae*, tulokandina twa mutu foo. Ki muselo wa Hae, muselo wa Mulimu, mwa mwaha o—o mupolofita atisa. Ikaba mwa mwaha wa mupolofita, muselo wa Mulimu, mwa nako ya Mulimu, ka mwaha wa mupolofita. Mwabona? “U ka beya muselo wa Hae mwa mwaha wa hae.” Mubone haiba hakuna zepeli za *hae* fani. Kutisa muselo wa Hae, muselo wa Mulimu, mwabona, mwa mwaha wa na tomezwi mulumiwa kutaha ka ona, u ka tisa ona bao, cwale muhupule seo. Mulumiwa ya tisa muselo wa Mulimu, uka u tisa mwa mwaha wa Mulimu, mwa mwaha wa mutisi. Mwabona? “Uka beya muselo wa Hae mwa mwaha wa hae.” Mi ha u koni ku letuka. Kiñi? Una ni muselo o lukisizwe kale mwateni, haukoni ku u sinya, kakuli u leliwwe kale.

<sup>167</sup> Cwale, Maefese: 5, 1:5, nitaluse, iize, “Luinzi hamoho mwa libaka za Mahalimu ku Krete Jesu.” Ki sikamañi sene si ezahalile? Na ize, “Mulimu, ka kuziba kwa Hae kwa makalelo, na lu lemuhezi kutaha kwa kuba bana ba Mulimu, ka Jesu Krete.” Mulimu, ka kuziba kwa Hae kwa makalelo, na tomile kale lika kaufela ze ne ka ezahala mwahala nako. Ka zibo ya Hae ya makalelo, Na li boni kale. Kabakaleo, kuzwa kwa simuluho, Na kona kubulela ni za mafelelezo.

<sup>168</sup> Kabakaleo, ne li muselo wo lukisizwe kale mwa—mwa mubisi wa Kota ye. Mi Kota ye ne sa letuki, kakuli Ne i sweli miselo ye lukisizwe. Cwale, yani kona Kota yana bulezi Joele fa. Mwabona? Haikoni kushwa. Likokwani ne li Icile, kono Ne i sa shwi. Mwa mubisi wa Yona, Neina ni Niti ye lemuhilwe. Neina ni Linzwi la Mulimu, Kota ye neili cwalo. Mi Kota ye ki—ki yona Kota yani, nzila fela inosi, Ne—Ne i beilwe mwa simu ya Edeni.

<sup>169</sup> Likota kaufela, ka musali, za shwa. Kaufela luna lwa shwa, ka musali. Ka kupepwa, kaufela luna lwa shwa. Kono ka musali kwataha lifu, kakuli kupepwa kwa kutahile ka musali. Ku lukile. Konakuli, *se* sina ni kushwa, bakeñisa sibi.

<sup>170</sup> Kono haili Kupepwa, Kupepwa sinca ko ku tahile ka Krete, halikoni kushwa. Yeo ki Kota iliñwi, ni kota yeñwi. Mwabona? Mi Kota ye, ni ha I nyandiswa, ku sehiwa, kuzwa kwa makalelo luli a simu ya Edeni, Haikoni kushwa. I lemuhilwe kale. Se i kumulezwi ni ku natiwa, mi, mawi, lika kaufela li ezahalile ku

Yona. Mi ki sikamañi sene si ezahalile? Haikoni kushwa. Za hae. . . haana kushwa. Ha ikoni, kakuli i swalelezi ku yena lona Linzwi leli lemuhilwe la Mulimu. Ina ni kutaha cwalo, kakuli muselo wa Hae u mwa mwaha wa hae, mwaha wo lukisizwe. Kuli, hakuna taba. . .

<sup>171</sup> Joele na boni mañi ni mañi wa zona, li ciwa ku isa kwatasi. Kono Yena ali, “Ni ka kutiseza, kubulela Mulena,” kakuli kuzibiwa kwa Mulimu ku inzi mwa mibisi ya Kota. Ina ni kutaha cwalo, kakuli I sweli Linzwi la Mulimu leli lemuhilwe kale. Hmm! Oh, ha ki Kota ni yeo! Mawi!

<sup>172</sup> Kota Yani, Ne i kalile kumela mwa Edeni mwani. Ki sikamañi sene si ezahalile? Nekuna ni sikwata sene sitile, sa bana ba Kaine, liñanya zeñwi ne li tile ku to Li ca kwa lutaka. Mi Mulimu anga lushaba lwa Teni, ni ku Lu beya mwa areka ni ku Li lwala. Kiniti. Kutaha ka kushetumuka cwalo, ibile nto yeswana, kutaha cwalo mwa mikoloko ya katulo; Isilaele, kutaha cwalo fafasi.

<sup>173</sup> Mi kipeto kwa Pentekota, koo Keleke ya Kota ya Munyaliwa, Na—Na tomile hande ka swanelo, la Pentekota, Kota yene lukisizwe ili kutisa muselo wa Hae mwa mwaha wateni. Cwale, kuya ka bunde, miselo isweli fela ku petahala. Ne ishoshenzi fa Lizazi la Pentekota. Halu boneñi sene si ezahalile ka Lizazi la Pentekota. Jesu naize, “Misebezi ye Ni eza mu ka i eza ni mina.” Neba folisa bakuli. Cwale, ka Lizazi. . . halu boneñi mo ne li kalezi. Ka Lizazi la Pentekota, mazazi nyana kasamulaho wa zuho, mazazi a mashumi aketalizoho kasamulaho wa Zuho, kwa taha mo—kwa taha mo—mo Moya omutuna wa liñungwa, kuzwa kwa Lihalimu.

<sup>174</sup> Cwale, kacenu, lu li eza ka kushutana. Mukutazi wa yema ni kunga, uli, “Ni ka ñola libizo la hao mwa buka.” Mwabona? Kamba bachelor yomuñwi ni kola ya hae inge iwile kwa matuko, ali, “Taha kwanu u to ca sinkwa se si sina mumela. Sani, kipeto, uba membala wa keleke.” Kana seo ha ki sesinca? Mukutazi uli, “Taha u ikopanye kwa sikwata sa luna.” Kiñi, sibeli sa bona ba fosilile.

<sup>175</sup> “Ka Lizazi la Pentekota, kwa taha kuzwa kwa Lihalimu,” (isiñi kuzwa fa katala, ya na taha mwa musipili) “kuzwa kwa Lihalimu, ki” (Sikamañi? Muprisita? Batili. Mukutazi? Batili. Neli sikamañi sani?) “ki mulumo inge Moya wa liñungwa, mi Wa tala ndu kaufela mo ne bainzi. Malimi a kauhani a lula fahalimwa bona.” Sikukuma, neba sa koni kubulela, neba tezi hahulu kanya. Moya o Kenile wa ba taza. Mwa mikwakwa ba ya, inge ba yabana. Fela, ni kueza inge. . .

<sup>176</sup> Mane nahaiba kopano ye zibahala hahulu ya yema fani ni kubulela kuli, “Kihande, baana ba ba kusi veine yenca. Kaufela bona ba kozwi. Mutalime baana bani ni basali, mo ba tantalika ni kuzwelapili cwalo.”

177 Cwale, seo kikuli SA BULELA MOYA KISONA. Lani ki Liñolo. Cwalo kona Keleke mo ne i ongaongezwi; isiñi ku ongaonga, kono ku tomiwa. Kuna ni shutano yetuna mwa manzwi amabeli ao. Mulemuhe. Nebali fani.

178 Cwale, mi mwa ziba kuli, mina sicaba sa Katolika? Mwalanjo ya fuyozwi Maria nali ni bona. Eehe. Cwale, haiba Mulimu na si ka lumeleza Maria kutaha kwa Lihalimu kusina kuamuhela Moya o Kenile, u ka fita cwani Kwani, sika kaufela kusina Ona? Cwale munahane fela ka zona. Yeo ki niti. Maria nali mwahala bona. Mi nana ni kulibelela kwani kufitela alatehelwa ki likute la hae kaufela ni muikuhumus, kutala Moya.

179 Mi ki ba fa ha ba taha, baeza sina batu baba kozwi. Biblele ibulezi kuli neba ezize cwalo. Se bali, “Batu ba ba kusi veine yenca.”

180 Kono, Pitrosi, mubuleli wa mwa sikwata, ayema mi ali, “Ba ha ba si ka kolwa veine yenca, sina mo mu nahanela, kakuli ki hola ya bulalu mwa musihali. Kono se kona sene si bulezwi ki mupolofita Joele.” Yena ye Ni bala mwalizazi la kacenu. “Mi ku ka ezahala kuli mwa mazazi a maungulo, kubulela Mulimu, Ni ka sulula kwa Moya wa Ka fahalimwa libupiwa kaufela; mi bana ba mina ba bashimani ni basizana ba ka polofita. Mi Ni ka bonisa limakazo mwa lihalimu, ni mwa lifasi, lisupo. Mi ku ka ezahala kuli, kaufela ya ka biza fa Libizo la Mulena uka piliswa.”

181 Cwale, Pitrosi na kutalize ka la Pentekota, kasamulaho wa mupolofita ya swana yo Ni kutaza kacenu ka za: kucala Kota ye. Mi kwani kona ko na I cezi. Oh, Ne i ezize hande. Neba zwezi kwande mi baba ni limpo za moya. Neba folisa bakuli. Neba kutaza. Neba nepelwa mwa tolongo. Neba itakaleza ku nyanda bakeñisa Linzwi.

182 Haiba ne ukaya kwa naha isili uli fela mukeshibisi, haukoni kuba mu American yomunde, haiba ne u kaya kwani. Haiba ne u ka kena cwale kwa Japan, wa yo fita kwa mulaho wa mukoloko, uli, “Muteeleze, balikani. Na mi yemela. Mwa ziba kana? Ni yemela mina, kono Ni inzi kwa neku leliñwi.” Wena, mubeteki, u lukela ku kunupiwa. Yeo ki niti. U mubeteki. Luli.

183 Mi kipeto kona mo kuinezi ona cwalo, mutu ya ziba Linzwi la Mulimu, mi u ka keshebisa ka Lona kakuli katengo kakañwi ka mu bulelela kuli una ni kuezwa ona cwalo. Yani ki mubeteki. Kiniti.

184 Kono baana ba ne ba si ba beteki. Neba sina taba ka buñata, kihande, ka mo neba ezeza, ka mo mikwa ya keleke ya bona neinezi: inge ba bokolola, ni kulila, ni kuhuwa, ni—ni kuyabana mwa mishobo yene bonahala inge kuli neba ambola ku yomuñwi ni yomuñwi mi ne ba sa utwisisi. Batu bani kwande kwani mwahala sicaba sa linaha zeñwi ni malimi asili bakala ku utwa ze neba bulela. Neba sa zibi se neba bulela; neba sweli ku yabana.

Kono batu babañwi fande fani ne ba utwa. Mi se bali, “Batu ba kaniti luli ba kozwi.”

<sup>185</sup> Kono Pitrosi ali, “Ha ba si ka kolwa, kono ba talizwe ka Moya.”

<sup>186</sup> Kacwalo, kuli, mañi ni mañi wa bona aya kwa ku bulaiwa, kwanda Joani, mi na cisizwe, liholo ze twenti-foo mwa mungomo wa mafula, mi mane ne ba sa cisi Moya ku yena. Mi kipeto a shwa lifu la butu fela, yena fela anosi, Joani Musinuli. Cwale, yeo ki niti.

<sup>187</sup> Mulemuhe cwale sene si ezahalile. Ku se, Mulimu na cezi Kota, kuli ibeye limpo za moya ze ketalizoho ka zene, limpo za Moya wa Hae. Moya o swana onoli ku Kreste ne u tile fahalimwa Keleke, ne u nani Bupilo Bobusafeli. Cwale, limpo za Moya nelili mwa Keleke, mi ne Li sweli kuhula, inze libeya miselo, kai ni kai. Neba si ka hupula za bona bañi. Neba si ka ongaonga sika. Neba zwezipili fela mi nebali mizwale. Neba sina ni . . .

<sup>188</sup> Ni tabile kuli nto yenyinyani yani neili fani, “Hakuna tuto ya tumelo kwanda Kreste, hakuna mulao kwanda lilato, hakuna buka kwanda Biblele.” Sani kona se Ni lumela. Mwabona? Mi cwalo kona mo ne ba ezelize. Lifasi ki sibaka sa luna, mwabona, kai ni kai.

<sup>189</sup> Kacwalo, mulemuhe, balikani ba foo hane basweli kueza cwalo, ha ki kanya ni yeo mo ne ibezi keleke. Mi Mulimu nali ni bona, Biblele ibulezi ona cwalo. Mi Jesu a ba katana fapila kukambama kwa Hae. Mi ali, “Muye mwa lifasi kaufela, mi mukutaze Evangeli kwa libupiwa kaufela. Lisupo ze li ka latelela baba lumela; ka Libizo la Ka . . .” Cwale, “Lisupo ze.”

<sup>190</sup> Cwale, kacenu, ki sisupo sa mufuta mañi se lu biza kuli mulumeli? U swalana mwa mazoho ni mulisana. Ki wa keleke. Una ni libizo la hae mwa buka kakuli bo mahe nebana ni libizo, kamba bo ndatahe nebana ni libizo mwa buka. Kono sani ne si sona sana bulezi Jesu. Jesu naize, “Lisupo ze.” Yani ki keleke, ya nama.

<sup>191</sup> Lu bulela ka za Keleke, ka moya. Lu bulela ka za Kota ya moya, isiñi kota ya nama. Lu ka fita kwa likota zepeli zani fa, kasumulaho nyana. Mwabona? Kota ya moya! Jesu naize, “Lisupo ze li ka latelela baba nyendaela fa Kota yee. Lisupo ze li ka latelela baba sweli kuzwisa Bupilo bwa bona mwa Kota yee. Ka Libizo la Ka ba ka leleka madiabulosi; ba ka bulela ka malimi asili. Haiba ba lukela kuswala noha, kamba kunwa lifanu, halina ku batiseza kozi. Haiba ba ka beya mazoho a bona fa bakuli, bao ba ka foliswa.”

<sup>192</sup> Ki zeo lisupo za mufuta wa Na bulezi kuli li ka latelela mulumeli. Li kai kacenu? Na file lifasi mutala wa sene sikaba sisupo sa—sa mulumeli. Mi ki Hali, “Ne kukaba hande kuli licwe tuna li tamelelwe mwa mulala wa hao, ni ku nepelwa mwa buliba bwa liwate, kufita nihaiba kufoseza alimuñwi wa bona, kakuli

Mangeloi abona kamita abuha pata ya Ndate ya mwa Lihalimu.”  
Ki Mangeloi!

<sup>193</sup> Mulemuhe cwale. Ki bani fani. Mi Kota yani ne i cezwi. Ne i eza musebezi omutuna. Lu ziba kuli neba zwezipili, kai ni kai. Ki Mulena . . . Kiñi, ka Lizazi la Pentekota, mioyo ye likiti zetalu ne i ekelizwe, ku kolobezwa, ni kukena mwa Keleke. Ni ka mo ne ba bezi ni kutwano yetuna! Mi, mutu kaufela, nekusina mutu yana tokwa sika. Mutu nali ya sishemo, wa pilu yende. Mi, yomuñwi ni yomuñwi, nebali fela lubasi loluñwi lo lutuna. Kihande!

<sup>194</sup> Mi ki ha kutaha, sesinyinyani, sa kale, sesi bonahala bumaswe, simbombo sa meno abunywanyama se si pila mwa likalulo zene ze shutana, inge Joele hana si boni. Ona kokwani ya likalulo zene ye, ya businyi, ya taha kuli i to sinya Kota yende ya Mulimu yani. Munahane ka zona. Cwale Ni ka bala zeñwi za Joele, sa na bulezi. Joele, kauhanyo ya 1. Taba yapili . . . Cwale, kuna ni tumbombo totune to tu shutana foo cwale, kono foo, ki kambombo fela kalikañwi. Ki kambombo kalikañwi mwa likalulo zene zeshutana. Cwale mutalime. Kona kanto ka, kambombo ka se ka taha, kwa Kelek- . . . kwa Kota yetuna, yende ya Mulimu yee. Lu ka ibiza kuli ki Kota, yeneli Keleke.

<sup>195</sup> Sapili ne li sishenyi. Yeo ki nto yenyinyani, ki kokwani nyana fela ya libuku. Ki sikamañi sa na ezize, sishenyi sani? Sa taha ku to sinya muselo wa Kota. Yeo kona nto yapili.

<sup>196</sup> Cwale ha lu kuteleni mwa litaba za kale ni kubona kuli nto yapili neli sikamañi: neli sikwata se—se si zibahala hahulu sene sili mwahala sicaba se si swana. Mi se bali, “Kihande, se ki sesinde kuli ukona kufolisa bakuli, mi wakona kueza lika ze. Zeo ki zende. Kacwalo, mwa ziba se lu swanela kueza? Lu swanela ku li isa kwande ko sikwata sesituna sa batu ba li utwisisa, sikwata sesinde: mubusisi wa tolopo, ba—ba baatuli, ni babañwi cwalo, mi ni—ni—ni baokameli ba muleneñi. Mi ibile fela kaufela mina mueza ka mukwa o muli ka ona, habana ku taha ku mina. Mwabona? Ba mi saba.”

<sup>197</sup> [Muzwale uli, “Ba sa li cwalo.”—Mu.] Yomuñwi ubulezi kuli, “Ba sa li cwalo.” Ni sepa kuli yeo ki niti. Kacwalo, yeo ki niti. Ba saba Moya o Kenile. Mu ni swalele.

<sup>198</sup> Ne ni opelanga pina nyana kuli:

Ki za kale . . .

Mukile mwa utwa fateni *Bulapeli Bwa Kale*? Kuna ni yakile autwa pina yani?

Ki bulapeli bwa kale . . .

Ne ni opelanga pina nyana sina ye, myaha ya kwa mulaho, Na li:

Ki Moya o Kenile wa kale,  
Mi diabolosi haana ku sutelela bukaufi ni Ona;  
Leo kona libaka sicaba ha si U saba,

Kono Ki nto yende luli kuna.

Ki hande luli ha Ni lati usili,  
Kakuli U ni latisa muzwale waka;  
Mi U tisa lika zepatilwe,  
Kacwalo Ki nto yende luli kuna. (Yeo ki niti.)

U ka ku tuhelisa buhata bwa hao;  
U ka ku pilisa foo ha u shwa;  
U ka lelekisa diabulosi mane asabe,  
Mi Ki nto yende luli kuna.

<sup>199</sup> Yeo ki niti. Leo kona libaka sicaba ha si sa U lati. Cwale—cwale, Ki Mulimu.

<sup>200</sup> Neba sa lati Jesu. Se bali, “Muuna yo?” Keleke, keleke yetuna ye kutekeha, iize, “U taha ku to lu bulelela yo luli yena? Lu ka ku fa kuli u utwisise, luna lu Dr. Ph.D., L.L., Q.U.S., mi,” mawi, “ze kaufela.” Kamba, “Kiñi, Na ni muprisita yomutuna. Ni wa se, *sani*, kamba *sesiñwi*. Mi mwa ni bulelela? Kiñi, no pepezwi mwa sibi. Ha u sesiñwi kwanda kuba mwana wa mwa bunyazi. Bo maho ne ba lukela kuba cwalo, nji cwani, fapila hao ni bo ndataho . . . bo ndataho ba si ka nyalana kale.”

<sup>201</sup> Ki hali, “Ki mañi yakona ku Ni tameleza sibi?” Mwabona? “Ki mañi yakona ku Ni tameleza litaba?” Ku lukile. *Sibi* ki “ku sa lumela Linzwi la Mulimu.” Ka manzwi amañwi, Na ize, “Mu Ni bonise ko Ni sa talelezi Linzwi, kwa—kwa—kwa mwalo, ona koo Li lukela kuba. Mu Ni bonise mwa Liñolo, koo kuinzi lizazi la Ka. Haiba Ni sa ezi misebezi Ya Ndate, konakuli musike mwa Ni lumela.” Ali, “Cwale, mu ipapata kuba cwalo. Cwale ha lu mi bone muli eza.” Oh, mawi!

<sup>202</sup> “Kuzwa ona foo neba si ka Mu buza sika.” Mwabona? Ba Mu tuhela fela ona cwalo. Inge, diabulosi mwa na fufezi ku Yena. Ne ni bulezi kuli, na nahana kuli mwendi uka tulela fela mwateni, nihakulicwalo. Kono, afumana kuli, *sani* ne si na ni mata amagesi eza ma milioni mwa Muhala wani. A tula kuzwa ku Yani, kapili luli, mwa bona, kakuli na sa koni kulemuha Sani. Mi yani neli nto iliñwi ya niti.

<sup>203</sup> Kacwalo sishenyi nyana se sa taha, ku to ca kwateni miselo. Ni na ni makepe amabeli a “miselo.” Ni bata fela kubala amañwi a ona. Nto yapili, muselo wapili wa na kayuzi, neli lilato la sizwale. Yeo ki niti. Yeo ki iliñwi ya lika ze bulaya keleke ona foo, foo lilato la sizwale . . . Eeni, muñaka. Kipeto, muselo otatama wa na kayuzi kwa Kota . . . Mwa hupula, lilato kona muselo wapili fa Kota. “Lilato, tabo, kozo, pilutelele, bunde, kuishuwa, tumelo, tibebelelo,” yeo ki niti, “mwa Moya o Kenile.” Cwale, limpo za moya ze naini, ka miselo ye naini ya Kota, ni zeñwi cwalo. Ku lukile. Cwale, sa pili, akala kuca kwa muselo wa Kota.

<sup>204</sup> Cwale ha lu talimeñi Kota yetuna, ya Kota ya Mulimu. Isweli kutisa limpo za moya ze naini. Ba folisa bakuli. Ba bulela ka malimi. Ba leleka madiabulosi. Ba eza misebezi yemituna, ni

kukutaza Linzwi la Mulimu le li si ka zwakiwa. Hakuna kopano ye ka li tamahanya hamoho; ba lukuluhile, kueza musebezi omutuna.

205 Kacwalo, kwa taha diabulosi yenyinyani yee, inzi ni manaka a yona amabeli ainzi kwapili cwalo, inge mbimba, mwa ziba, ni meto a yona amaswe amizeleza. Yeo kona ya pili, sishenyi, ataha ku to ca lilato la sizwale. Ki hali, “Mwa ziba, *wa Kuli-ni-kuli* uezize sa *kuli-ni-kuli*, kwa keleke ya *Kuli-ni-kuli*. Ne ni sa lumeli sikwata sa batu sani.” Mwabona? Ki yani fani, taba yapili.

206 Se sitatama, na bata kuca fa muselo wa tumelo, tumelo mwa Linzwi. “Cwale mutalime. Kikuli muziba cwani wani lani ki Linzwi? Li tolokilwe ka linako zeñata!” Diabulosi yomunyinyani yani u sa ca. Kiniti. “Linzwi lani li tolokilwe linako zeñata! Ki se, *sani*, kamba *sesiñwi*. Oh, ki se kaufela.” Mwabona?

207 Cwale, wani kona muselo usili o ca ku ona: tabo ya puluso. “Shhh! Mina sicaba mueza lilata hahulu. Oh, mawi! Mawi!”

208 “Oh, kana ukona ku kutaza cwani, Muzwale Branham?” musali ali kuna, nako yeñwi. Batili, ne si musali. Ne li muuna. Ni lumela kuli uteni . . . Ni sepa uteni mo. Ki wa keleke yeñwi. Kono ki hali ku na, ali, “Ne ni tilo kuto kuteleza, zazi leliñwi, mi mane Ne ni si ka ku utwa, sicaba sani ha si lila.”

Se nili, “Haiba neba ka . . .”

Ali, “Ukona ku kutaza cwani mwa lifasi?”

209 Se nili, “Haiba neba sa ikoli zona, Ne ni si ke na kutaza kwani.” Yeo ki niti. Ne ni banga ni . . . mina . . .

210 Mulikana ka, Jim Poole, ni Na, ne lu banga ni nja ya kale. Ne lu i bizanga kuli Fritz. Mi kacwalo nja ya kale ye, ne ikena mwa—mwa sibaka kaufela kone ipahami, kono neli kangamba. Ne i saba kangamba, kakuli ne ka nunka hahulu. Kacwalo, Ne ni i ngela kangamba mwatasi a libunda la kale, nto fela yene Ni na ni kueza neli kuinata nata hanyinyani, ni kubulela kuli, “Swala! Swala, mushimani!” Ki yeo ya ya iyo swala kangamba, mwabona, kakuli ne Ni iswakeza, ka kubulela kuli, “Swala!”

211 Kihande, kona fela mo kuinezi foo ha lu . . . Fo kikuli, kuna ni munko wo maswe wo Ni ziba, ki diabulosi. Kacwalo, foo ha Ni tisa Linzwi le hande, mi yomuñwi uli, “Ameni,” fo kikuli, “Ki foo swala, mushimani!” Mi luna—luna luka—lwa i matiseza kwa kota.

212 Kacwalo, lu fumana kuli na ngile tabo. Mwa ziba, Davida, nako yeñwi, na latehisize tabo ya kupiliswa kwa hae. Na si ka latehelwa ki puluso ya hae, kono na latehisize tabo ya yona. Na huwile fela kuli, “Mulena, ni kutiseze tabo ya kupiliswa kwaka.” Mwabona? Ki tabo!

213 Kacwalo sishenyi nyana se sa kala kuca muselo wa tabo wani. “Cwale, mutalime kwanu. Mina sicaba mu tazanga hahulu lilata. Na ku bulelela, ona kulila kwa kaufela, ka kubulela kuli

‘ameni,’ ni kuhuwa kwa, boo ki bukuba. Hakuna sika ku zeo.” Mwabona? Nto yapili mwa ziba, muinzi mwa ndu yetuna ya mocari, mwa ziba, kuina mwani, kaufela bona ba shwile. Zeñwi za mafula a kuomisa a moba *a bizwa* kuli Tuto, ya lituto za litumelo ze se keni mwa misinga ya bona koo Moya wa Mulimu uswanela kububa, koo tuto ya kale ya tumelo iselilwe mwani. Ki kabakaleo se ba omelezi ki sikoto se si kangezi ni kushwa. Sipimiso sa moya sa mufutumala, sibonisa kuli ki mwatasa noto ka nainte. Eehe. Yomuñwi uli, “ameni,” mutu kaufela wa otolola milala ya hae sina mufuta wa licikwi cwalo, u bata kuziba sene si bulezi cwalo. Ki maswabisa. Foo, Moya wa Mulimu ulukela kuba tabo, kozo, lilato. Kono kokwani ye yakalisa kuca fateni. Ya ca tabo kaufela kufeza.

214 Mi, konakuli, muselo wo tatama kwa Kota ki kozo, kozo ya munahano, ka kuziba kuli u pilisizwe.

215 Ba ku bulelela kuli, “Kihande, cwale, haiba u kona kupeta tuto ya tumelo *yaluna*, u pilisizwe. Haiba u ikopanya kwa keleke *yaka*, u pilisizwe.” “Kihande, cwale,” yo uli, “ha u si ka piliswa haiba uya *kwani*. U lukela kuikopanya kwa keleke *yaluna*, kuli upiliswe. U lukela kubulelela kuli, ‘Lumela Maria.’ Una ni kuba ni libizo la hao mwa buka *ye*. Una ni kuba ni . . .” Oh, mawi! Zeo likona kuzwisa tabo kaufela mwatani. Kono yeo ha ki Kota ya Mulimu; mwa ziba ko muinzi. Yeo ki mazwake, kamita.

216 Mwa ziba likande laka ka za mule. Ki ya mazwake. Ha i zibi kuli ndata yona, maa yona, iliñwi ya zona, neli mañi. Mwabona? Ki ya mazwake. Kono, oh, ki mbongolo ya mali sakata, ya ziba ndata yona ni maa yona kuli neli mañi, mwahala masika.

217 Mi cwale, Mukreste wa niti luli, ni yena, yana ni Moya o Kenile, wa ziba kuli No wile ka Lizazi la Pentekota. Wa ziba koo a inzi. Wa kona ku latelela masika a hae kukuta, masika a hae, kwa makalelo a ona. Pitrosi nana ni Ona. Kutaha cwalo mwahala naha, kamba masika, ba bile ni Ona, cwalo kushetumuka. Mukreste wa niti wa ziba ko I zwelela.

218 Uli, “Kihande, Ni wa Lutheran.” “Huh! Ni wa Presbyterian.” Oh, wena mazwake tuwe! “Kiñi ha u si cwalo? Kiñi ha u si cwalo?”

219 “Kihande,” u li, “ki sikamañi—ki sikamañi seo?” Kupepwa sinca. “Kupepwa sinca, kwa sikamañi?” Ki Moya wa Mulimu.

220 Kona ha mu si ba mazwake. Mupepilwe ka swanelo. Isiñi ka tuto yeñwi ya keleke, kono ka Moya wa Mulimu. Mulimu upila ku mina.

221 Cwale mulemuhe. Kokwani nyana ye ne ikalile kuca. Kacwalo, ya ca kozo kaufela ya ngana, oh, ni kuzwelapili cwalo, ni cwalo, ni cwalo, ni oh, ona cwalo. Nina ni likepe la yona fa, miselo kaufela, sa na ezize.

222 Konakuli mutangana nyana yo ato shwa, mi aba nziye. Yani neli kalulo yetatama, neli nziye. Cwale, kikuli nziye i eza sikamañi? Nziye icanga matali. Yeo ki niti. Nziye i ca matali. Se si siilwe ki sishenyi, ne i siile matali; na cile muselo kaufela kwa Kota. Kipeto ki sikamañi sene si tile mwateni? Nziye ya taha ku to ca, kuca se si siilwe ki sishenyi. Cwale, ki sikamañi se ne ezize? Ki sikamañi sene si ezize sishenyi se? Sa sinya matali. Matali ki a sikamañi? Kusinya kopano ya Bumulimu. Yeo ki niti.

223 “Cwale, ki—ki—ki wa Presbyterian. Haluna kuba ni sa kueza ni yena. Ki wa Nazarene. Ki wa Pentekota. Ki wa *se, sani*, kamba *sesiñwi*. Haluna kuba ni sa kueza ni yena, kakuli ha ki wa sikwata sa luna. Ni na ni mukopano kwanu, wa foliso ya bakuli? Huh! Keleke ya luna mane ha ilumeli mwateni.” Mwabona? Ki fo he cwale. Yena, ki sikamañi sene i ezize nziye yani? A shabaka kwateni kopano kaufela, yeo ki niti, azwisa kopano kaufela.

224 Kopano ki sikamañi? Matali i eza sikamañi? Li utwahala kubatelwa, koo linyunywani li fufanga mwatasa matali, “huh-huh,” za batelwa. Ki yeo kota ya mina hape. “Mi ukaba sina Kota ye calilwe.” Mwabona? Ku lukile. Ko batu bakona kutaha ni kutoina mwatasa kutwano ya Moya o Kenile, ku batile nyana. Mu filikani, mi ha mu zibi se si ezahalile; mi kamba mwa shwa, kamba mu pilisizwe kamba nee. Mi ha mu zibi haiba keleke *ye* ilukile, kamba *yani* ki ya niti. Taha fela mwatasa a Kota ye na ni matali ku Yona. Ina fafasi foo. U tuhele Moya o zwa kwa Lihalimu u zamaye unzo fuka, sina Moya omutuna wa liñungwa, mwahala matali, mwa ziba, ku zwelapili. Kukala ku . . . Mi ukala kubatelwa hanyinyani.

225 Muli, “Oh, Ni ya ni yo bulelela sikwata sa bapikuluhi baba kenile bani se Ni nahana.”

226 Muine fela fafasi fa nako nyana mi mwa batelwa. Yeo ki niti. Haukoni kueza cwalo ku za hao. Kakuli, ki butata mañi? Nziye i li cile kaufela, luli, ica matali kaufela a yona. Cwale, zeo kikuli, zakona fela kuina fande fani mwa lizazi. Kacwalo, wena, hakuna—hakuna kubatelwa mwateni. Ku lukile. Cwale, kacwalo kuna ni . . .

227 Kono mwa ziba se lu lukela kueza. Biblele ibulezi, kuli, “Keleke ye lemuhilwe kale, bana baba lemuhilwe kale ku Mulimu,” (ki sikamañi se ba eza?) “kuina mwa libaka za Mahalimu.” Ki sikamañi seo? Kubatelwa, mbombolelwa, maikuto akuba fa lapa. Amen.

228 Koo mutu kaufela utinile suti ya tuxedo, ni—ni mutu yatatama neku *le*, ni—ni babañwi babona, ba li, “Humph! Talima. Na si ka fumana milili yeinelela. Ku cwalo, hanili u bonahala bumaswe? Mane hana neba mukanjo wakutina fa Paseka wa mañonde.” Cwale, konakuli, ki, kamba kinto mañi kaufela, kuzwelapili, mwa ziba. Cwani kaufela, mane . . . Eehe. “Liñonde la paseka,” zeo ki za niti, mwabona. Ina kwa mulaho

kwani, ni kuya, “Humph!” Mwabona? “Mane hana nihaiba Paseka. . . Kiñi, kihande, amu mutalime, yona suti ya kale yani na tinanga ñohola! Kihande, ki sikamañi so ziba ka zeo?” Ha u ikutwi hande, foo.

<sup>229</sup> Na bulelela musali yomunyinyani, zazi leliñwi. Musali wa mubotana yani, neli wa keleke yetuna, ye kutekeha kwani. . . Mi ali. . . Wa shwa, ni kansa. Na ilo mu lapelela. Muzwale Roy Roberson mo, alimuñwi wa basepahali, bani lumezi kwani. Mi mutu yashebile wateni ali kuina fani, inza shwa kwa kansa. Mi ki hali. . .

Se nili, “Kikuli wa. . . Kikuli u Mukreste nji?”

<sup>230</sup> Musali ali, “Muñaka, Ha—Ha ni zibi sa kubulela.” Ali, “Ne niile kwa keleke *yeñwi*.” Mi ali. . . Mi akala kulila.

Se nili, “Ki butata mañi?”

<sup>231</sup> Ali, “Ne ni palezwi fela ku tinanga hande.” Ali, “Neba ni sheununa.” Huh! Oh, ki fo he cwale. Mwabona? Mina—mina ha mu ikutwi ku lukuluha. Mwabona?

<sup>232</sup> Kono Bibeले ibulezi kuli lu lukela ku “kopana hamoho mwa libaka za Mahalimu.” Oh, mawi! Sikamañi? Kaufela ka kuswana. Kiñi, Ni ka mi bulelela se si ka eza. Si ka eza. . . Si ka tisa kuli ya tinole ma obolosi ni ya tinile suti ya tuxedo ba kumbatelane mazoho ni kuipiza kuli muzwale. Luli kukaba cwalo. Ku ka eza kuli wa ndelesi ya kale ya calico akumbatelane mazoho ni ya apezi ya siliki, ya satini ni kubulela kuli, “Kezeli, u cwani kakusasana cwana? Kulumbwe Mulimu!” Yeo ki niti. Ika eza cwalo. Ki tabo, kozo, lilato, tumelo mwa Linzwi, pilutelele, musa, tibeलेlo. Ina mwa libaka za Mahalimu ku Kreste Jesu, ubatelwe fa nako nyana. Mwabona? Sani kona sana ezize matali.

<sup>233</sup> Kono ki sikamañi nziye ya kale sene i ezize, ki ha itaha bukaufi, kuca matali ani, ali, “U wa siemba sa luna kamba ha u wa siemba sa mutu kaufela.” Kacwalo a zwisa ku batelwa kaufela kwa Moya. Mwabona? A itomela tuto ya tumelo. Ku lukile. Cwale lu lukela kuzwelapili. Lwakona kuina nako yetelele fa nziye ya kale yani.

<sup>234</sup> Kono kalulo ya bulalu ya sona neli nziye yekima. Hmm! Leo ki libizo le li maswe, ka kukala, nziye yekima. Kana nziye yekima i eza sikamañi? I kena mwa likwati. Bwani kona bupilo bwa yona, mwani. Eeni, muñaka. I kena mwa makwati mi i sinya sapalo sa kota. Ki sapalo!

Bulapeli ki sikamañi? Sapalo. Sani kona seo linzwi lelili *bulapeli* litalusa, “sapalo.”

<sup>235</sup> Kacwalo, ona nziye yekima nyana ye, ha se i keni mwahala kopano, ni ku ba beya kaufela mwa litulo zetuna; kipeto ki hanga kopano kaufela ku bona, mwa mufuta wa nziye; mi cwale i taha ku to nga bulapeli bwabona luli ni kubupa lituto za bulapeli kuzona, luli, kutoma manzwi a sa swaneli a buicemeli. U ikeza

bulapeli bwa hae, ni kunga sikwata sa baana hamoho ni kubeya tuto ya tumelo mwateni. U nga bulapeli luli, ku bu tubula kuzwa kwa Kota ya Mulimu, ona sikwati luli se si na ni mezi ani ku Sona, sa a zwise mwateni. Nziye yekima! Kana mwabona sikokwani seo nji? Yeo luli ki niti. Nziye yekima yani, yani neli Rome mwa kelege yapili.

<sup>236</sup> Nto yapili, sikwata sa Mapentekota; isiñi likopano za Pentekota. Batili, muñaka. Sika kaufela se si i kopanyize si shwile. Ni ka si bonisa fela fa muzuzu, ka Mañolo. Mwabona? Kono foo ki. . . Kono, kutwisiso ya Pentekota, ki ya mañi? Ki ya ba Katolika. Ni bafi hape? Ba Methodist, ba Baptist, ba Presbyterian, mutu kaufela ya bata cwalo. Kono mwa bata, muna ni kubata cwalo. Ha mu ikopanyi ku Yona.

<sup>237</sup> Se ni bile mwa lubasi lwa ba ha Branham ka myaha ye mashumi aketalizoho ni yemilalu, mi Nali kuba ni ikopanye kwa lubasi. Kiñi? Ni mu Branham, ka kukala. Ne ni pepilwe nili mu Branham.

<sup>238</sup> Cwalo kona mo lu bezi Bakreste. Isiñi kuli lu tamahani ku sesiñwi; kani ki katengo. Lu pepilwe, Bakreste, ka kubupiwa sinca ka Moya o Kenile. Mulemuhe cwale.

<sup>239</sup> Cwale, ona nziye yekima nyana ye se i kala kupunya kukena mwa sikwati. Ki sikamañi sa na ezize? Akala kunga bulapeli bwa hae, sapalo sa bona, Tuto ya bona kuzwa ku zona. Bulapeli ki tuto, sapalo se si apesa sika kaufela. Ki kabakaleo bulapeli bwa luna bu inzi ka Mali, ona Mali. Bupilo bu mwa Mali kona bo bu apesa Linzwi. Mi Bupilo ki. . . Bu mwa Mali. Mali ki bulapeli, mi Bupilo bo bu mwa Mali kona bo butisa linepo. Kiñi, mwa bona nji? Mwabona?

<sup>240</sup> Ha li si ka apeswa ka matali a feiga. Adama ni Eva na likile cwalo nako yeñwi. Kaine na ezize nto yeswana. Kana mu lemuhile cwalo? Kaine atisa bupilo bwa limela, ni yena. Mwabona? Kono ne bu si ka beleka. Ne li si ka beleka ni Adama ni Eva. Mi halina kubeleka kacenu. Foo Mulimu hana li hanile kwa simuluho, li hanilwe kuisa Kuyakuile. Lituto za ipangezi mutu ni mihupulo halina ku linga.

<sup>241</sup> Ki Linzwi la Mulimu, lina ni kueza cwalo. Mi Linzwi ki ka Mali, sitabelo sa Krete. Yeo ki niti.

<sup>242</sup> “Sicaba,” sina muzwale ha bulezi kakusasana cwana kuli, “kuhoha mezi.” Kihande, mwa ziba, kuna ni limapo ze naintini ze shutana mwa naha kacenu, likopano ze shutana zeo lisweli, mi nakona kubulela kuli, “Ki mapo ya makalelo, yanali mwa mazoho a Hae.” Ki sikamañi seo, haiba ku cwalo? Ne ni sike na tabela kueza sika ka sona. Luli.

<sup>243</sup> Mulimu na si ka siya sika kaufela sa kuli batu bakate mwa mubu ni lisupo zeñwi. Na lumile Moya o Kenile, Sesiñwi sesi pila, se si sa koni ku sinyiwa. Kikuli mapo ikona kunitusa sikamañi? Kana sifapano sapili fa Na pahekilwe neli sikamañi,

ne si ka ni eza bunde mañi? Hakuna neba hanyinyani. Isiñi kuziba mapo, kuziba sifapahano, kono, “Ku Mu ziba yena kona Bupilo.” Mwabona?

<sup>244</sup> Cwale, lusweli kwa limapo, luswalelezi kwa litaba za kale za batu, mi luswalelezi kwa libaka. Mi kacenu batu ba zamaya kafa ni kafa, mwa munzi wa Jerusalema, mi—mi kaufela kafa ni kafa mwa libaka zeshutana, ni kuswalelela kwa litaba za batu za kale. Zeo halina sa kuezza ni zona, hakuna sika. Taba yateni i nyazizwe, kubola, ni kuzwelapili ona cwalo.

<sup>245</sup> Ne ni ile kwa keleke mwa—mwa Rome. Kwani koo bona—bona, baprisita ba kaufela bene ba shwa, ba li cala mwa simu, mwatasi mwani, ni kutuhela nama i wa kwa masapo. Mi—mi kipeto ba mwisa masapo ni kuezza zeñwi za liseli, ni kubeya fateni tutendele twabona. Mi batu inge bataha mwahali mwani, ba pyemula fa tutendele twani, kuli ba amuhele limbuyoti, kufitela tutendele tuba totusweu ni kusuheha. Hamunze muya mwa muyaho wa Saint Peter’s Cathedral kwani, lihutu la Pitrosi, neba bulela kuli, ki siswaniso, li tubetilwe, linako ze naini kamba lishumi ka ze shutana; ne ba nani kubupa lihutu leliñwi ku lona. Bukuba bo bu cwalo! Kuakaleza, kona fela mo kuinezi, lituto za litumelo za lituto za ipangezi mutu.

<sup>246</sup> Mulimu u lumile Moya o Kenile, Bupilo bwa Mulimu, kuba ku wena, isiñi mwa siswaniso. Ki wena mutangana yo Mulimu abata kupila ku yena; isiñi mwa siswaniso, kono ku wena. Batu bali biza kuli, “liswaniso ze kenile.” Hakuna liswaniso ze kenile. Wena u siswaniso se si kenile sa Mulimu. Bibebe ibulezi ona cwalo. Yeo ki niti. “Mubili kona o Ni lukiselize.”

<sup>247</sup> Cwale, mutangana nyana yo akala kusinya. Kusinya sikamañi? Nziye yekima ya kena mwa makwati. Mutalime sene i ezize. Ya kala kusinya makwati. Ki sikamañi sene i ezize? Ne i ezize keleke ya nama kwa Keleke ya moya. Eeni, muñaka. Ne si ngile za niti ni ku ufa za buhata. Cwale, muhupule. Litali. . .

<sup>248</sup> Muselo, sishenyi sa ca. Litali, nziye ya ca. Cwale, likwati, ki sapalo, ki bulapeli, yona Tuto; ki Tuto, nziye yekima ya icela.

<sup>249</sup> Kikuli tuto yapili yani neizwa kai, kwande a Bibebe? Mina baituti ba litaba za kale, mwa ziba ko izwelezi. Kuzwa kwa Rome, ona cwalo fela ko ne i kalezi, kwani ba kala kuamuhela lituto za litumelo.

<sup>250</sup> Cwalo kona Irenaeus, Muhalalehi Martin, Polycarp, kaufela bona. . . kasumulaho wa lifu la Joani. Ka ku toloka Linzwi la Mulimu, nali kwande fa sooli sa Patmosi. Neba mu cisa ka mafula ka liholo ze twenti-foo, ba mu kutisa, mi na sa ñola Bibebe. Mulimu na itamile kuli Bibebe ye ika ñolwa. Leo kona Linzwi la Mulimu. Halukoni ku zusa ku Lona kamba ku ekeza ku Lona. Ki ku inelela fela ona mo Li inezi, lona Linzwi.

<sup>251</sup> Mulemuhe foo hane ba kutile, foo balumeli ba Mulimu bani hane balika kuswalelela Linzwi lani, Rome ya taha mwateni, ni

kuamuhela lituto za litumelo, mwa sibaka sateni. Cwale ha lu boneñi fela sa na ezize, zeñwi za lituto za hae za buhata, sa na ezize.

<sup>252</sup> Kolobezo ya mezi. Koo neba lumilwe. . . Pitrosi naize, ka Lizazi la Pentekota, mwatasa susumezo ya Moya o Kenile, lona Linzwi la Mulimu, “Mubake, mañi ni mañi wa mina, mi mu kolobezwe ka Libizo la Jesu Kreste kwa swalelo ya libi za mina.”

<sup>253</sup> Ki sikamañi sene i ezize Rome ka sona? Ba li fetaula, mi bali, “Mu kolobezwe ka libizo la ‘Ndate, Mwana, Moya o Kenile,’” ku i eza kuba tuto ya tumelo, isiñi Tuto ya Bibe. Ki sikamañi sa na ezize? Yani kona nziye yekima, ya ca. “Kufafaleza,” mwa sibaka sa kunwelisa, “ka libizo la Ndate. . .”

<sup>254</sup> “Ndate, Mwana, Moya o Kenile” ha ki libizo. Hakuna nto ye cwalo. “Ndate” ha ki libizo, “Mwana” ha ki libizo, ni “Moya o Kenile” ha ki libizo.

<sup>255</sup> Foo Jesu hana ize, “Mu ba kolobeze ka Libizo la Ndate, Mwana, Moya o Kenile,” ki, “yena Mulena Jesu Kreste.” Ona cwalo fela Pitrosi ni babañwi mo ne ba ezelize, ni bona kaufela, mañi ni mañi mwa Bibe, mo ne kuinezi. Nekusina mutu. . .

<sup>256</sup> Ni swabisa mutu ufi kaufela kuli ani tiseze siemba silisiñwi sa Liñolo, kamba siemba silisiñwi sa litaba za kale, koo mutu ufi kaufela akile a kolobezwa ka nzila isili kwanda Libizo la “Jesu Kreste,” kufitela keleke ya Katolika ya Roma. Mueze cwalo. Mi muhupule, tepu ye iya mwa lifasi kaufela. Uh-huh. Ni bulukile kopano ya bakutazi, ni mianda anda ya bona, ni mabishopu ni babañwi kaufela, uli, “Aku yeme ka mautu, kamba taha kwanu ni Bibe ya hao, kamba u kuze kuyakuile.” Ba kuza kufitela ba taha bukaufi kwa mulaho wa hao, mi kipeto ba kala kuambola za hao; isiñi ona bundume luli bwa kuyema ni kutalima kwa sifateho sa hao, buiswalo bo bu zibahala bwa kuyema ni ku kubulelela a kutalimile kwa sifateho. Ba saba kueza cwalo. Ba ziba kuli ku fosahalile. Kono sani kona se ne ikalile kuca nziye yekima yani, mwabona, kuca ona Nto ya niti yani.

<sup>257</sup> Cwale, mu li, “Ha ki za butokwa. Eehe. Nzila ifi kaufela ye Ni kolobezwa ka yona ki yende.” Nji cwani? [Kopano ili, “Batili.”—Mu.]

<sup>258</sup> Paulusi naize, Likezo 19, foo, “Yena, Paulusi, ha na fitile mwa libaka ze lumbile za Efese.” Bibe ibulezi kuli, “U fumani balutiwa babañwi.” Bani ki balateleli. Apollos, mukutazi wa Baptist, mwatasa Joani Mukolobezi, na ba luta Linzwi. Mi neba na ni tabo yetuna. Mi Paulusi naile fela ku yo ba bona, mi ki hali, “Kikuli mu amuhezi Moya o Kenile nako ye mu lumela?”

“Oh,” ba li, “Ni mulumeli.”

<sup>259</sup> “Kono zeo ha ki zona ze Ni buza. Kikuli mu amuhezi Moya o Kenile nako yemu lumela?”

Se bali, “Ha lu zibi kuli kuna ni Moya o Kenile kamba nee.”

260 Mi ali, “Konakuli ne mu kolobelizwe ka ifi?” Mwabona? Ka linzwi lelinwi, “Ne mu kolobelizwe cwani?”

Se bali, “Lu kolobelizwe.”

Ali, “Cwani?”

261 Ki hali, “Mwatasa Joani,” ki hali, “yena muuna yaswana yana kolobelize Jesu. Kana zeo ne li si ke za ba hande?”

262 Paulusi ali, “Batili. Isini cwale. Batili.” Ali, “Mu lukela ku kolobezwa, sinca hape.” Mi Paulusi a ba kolobezwa, sinca hape, ka Libizo la Mulena Jesu Krete. A ba beya mazoho falihamu a bona, mi Moya o Kenile wa taha ku bona.

263 Mi Paulusi ali, “Haiba Lingeloi lelizwa kwa Lihalimu,” lu sa buleli mukutazi he; “haiba Lingeloi,” lu sa buleli yona nziye yekima ye, uh-huh; “haiba Lingeloi lelizwa kwa Lihalimu li kutaza nto isili fela kufita Ye, ku mina, yo abe anatema.” Yeo ki niti.

264 Kacwalo mwabona mo ne si bezi, ki nziye yekima yene cile. Ne li cile kolobezo ya mezi ka Libizo la Jesu Krete.

265 Nto yetatama yene ezize nziye yekima, ya zwisa kolobezo ya Moya o Kenile. Kakuli, ibile fela ukaba ni Moya o Kenile wani, Uka monyeha fa Linzwi lani, ibile fela mu ka eza cwalo. Kacwalo nebana ni ku—ku li eza ka kushutana.

266 Cwale, munahane fela kuli ki ma Lutheran babakai, Baipanguli, ki Makatolika babakai, kakusasana cwana, bene ba pakilwe, mo neba li bizeza, kunga mulalelo wapili. Mi ba biza kuli “Silalu se si Kenile,” ili kutalusa kuli, ki linzwi la si Latin, “Moya o Kenile.” Kikuli mukile mwabona mu Katolika ha fita kwa keleke ni kukena kuyena ona *cwalo*? Kiñi? “Ki Mulimu mwa keleke yani.” Mulimu ki sikamañi? “Siemba nyana sani sa sinkwa.” Siemba nyana sa sinkwa sani, se si likanelela, se si ezizwe inge mulimu wa lizazi yo ba lapela, kubeiwa fa katala koo lipeba ni mafele libapalela, busihu kaufela. Yani ha ki Mulimu wa ka, Ni ka mi bulelela cwale. “Mulalelo wa pili, kupakiwa kwa keleke.” Bukuba.

267 Kono sani kona sene ba ezize. Sani kona sene i ezize nziye yekima. Ne si zwisize Moya ni ku ba fa kaemba ka sinkwa, sinkwa sesiñwi seo muprisita yomuñwi na ezize, kamba musali yomuñwi wa milapelo, kamba sesiñwi. Kona ze ne ba ezize. Yeo luli ki niti. Amuye, mubuze cwale. Amuye, mutalime kwa mulaho mwa litaba za kale, mi mubone haiba ha li si ka luka. Mi mu lumeleza nto yeo kukena mwa mumizo wa mina? Isini fela Makatolika bani, kono mina Baipanguli, buñata bwa mina, nto yeswana. Ku lukile. Ki zeo ze ba ezize. Ku lukile.

268 Mi kipeto Baipanguli, mwa sibaka sa kuba ni Moya o Kenile, mwa ziba se ba eza? Ba taha ku to ikopanya, ku to swalana mwa lizoho. Nekusina mutu ya na taha mwa mukwakwa ni ku to swalana mwa lizoho, foo Lizazi la Pentekota ha li taha. “Kono

kwa zwa kwa Lihalimu mulumo wa Moya omutuna wa liñungwa, ono ti lo tala ndu kaufela mo ne bainzi,” yeo ki niti, wataha mwa matali a likota ani, kuto suluhela kwa makwati. Yeo ki niti.

269 Cwale, cwale, mwa sibaka sa Kupepwa sinca kwa na bulezi Jesu kuli, mutu swanela kupepwa sinca, ba añula kuikopanya kwa keleke ya bona, “Mutahe ni kuikopanya.” Mwa sibaka sa Linzwi, nziye yekima ya bafa tuto ya tumelo. Kikuli ha mu boni nji? Mutalime fa sa sweli kueza. U sweli kufa za nama ku za moya. Kana mwa libona nji?

270 Cwale amutalime. Cwale, luna, lu—lu fa mukoloko wa Katolika mo, kono kikuli mwa ziba kuli zeo litaha cwalo ni kwa Baipanguli nibona? Ki kai ko lu nani ponahazo ya Moya o Kenile mwa likeleke za Baipanguli kacenu? Ki kai ko lubezi ni likezo za Pentekota mwahala Baipanguli? Ha luna zona. Muna ni yona mwahala ma Lutheran? Haiba muezza cwalo, Ni bata kuya kwateni. Ni bata kuya kwani ku yo ca fela ni kuba ni nako yende. Presbyterian? Kikai—kikai kwani—kikai kwani? Mwabona? Mu añuzi sika sa nama.

271 Ni libelezi kufunduka, mi mwa ziba cwalo. Mwabona? Musike mwa tuhela kuli Zeo li zwe mwa pilu ya mina.

272 Musike mwa nga za nama. Leo ki lifu. Mutu wa nama yo ki lifu. Sika kaufela se si eza, ki lifu. Ki tamehile kuba fa ni ku ya kwa lifu. “Ki Moya o tisa bupilo,” mwabona, ona Moya o fa Bupilo, kona ofa bupilo. Ki Moya.

273 Kacwalo, mwa bona, neba ngile. . . Mutalime sene ba ezize. Banga kolobezo ya mezi, kuzwa ku “Jesu Kreste,” kutaha ku “Ndate, Mwana, Moya o Kenile,” lilumbatina, ili mane hakuna Libizo ni lelikana.

274 Cwale, mu li, “Ki shutano mañi ye liteni?” Ku lukile. Cwale, haiba mu ka fa. . .

275 Kuna ni ya ka kufa tifo ya hao, la Pelekelo, ki—ki—ki muuna ya ku lifa. Kufita kuli abeye libizo la hae fateni, abulele fela kuli, “Kuzwa—kuzwa ku ‘Ki mulena hao wa musebezi.’” Kona cwalo. . . Pampili ya hao ya tifo, fela, “Ulife John Doe, ki madollar a mwanda ni mashumi aketalizoho, kwa musebezi wa biki ye. Kuzwa ku, ‘Ki mulena hao wamusebezi.’” U ñolele cwalo, ku ba panga, mi ubone mo ba ka ihanela. Ehe. Ehe. Eni, muñaka. Luli ika haniwa. Kiniti.

276 Haiba ha si pangi shutano, ki kabakalañi Paulusi hana ba laezi Bakreste bani, ku lumba Mulimu ni kuba ni tabo yeñata, ni kuba ni lika zetuna ze ne ezahala kulo kwani, kiñi za na ba bulelezi, “Mu swanela kukuta mi mu kolobezwe, sinca hape, ka Libizo la Jesu Kreste”? Mwabona? Munge Linzwi, mubulele, muine fela ni Lona. Musike mwa bulela nto ye shutana. Mubulele fela se Li bulela. Mwabona? Sani kona se lu ka atulwa ka sona.

277 Cwale amutalime. Kona ze ne ba ezize. Mwa sibaka sa Kupepwa sinca, bana ni kuikopanya. Mwa sibaka sa kubulela Linzwi, bana ni tuto ya tumelo. Mu ni bonise mwa Bibebe ko ne ba bulezi kuli “Lumela Maria.” Amuni bonise mwa Bibebe ko mina Baipanguli mukile mwa peta Tumelo ya Baapositola. Mu ni bulelele Tuto ya Baapositola seo ili sona, mwa Bibebe, “Sebelezo ya bafu.” Ne ba li lwanisa. Mu ni bulelele mwa Bibebe koo ne bakile baba ni kolobezo ya “Ndate, Mwana, ni Moya o Kenile” hamoho cwalo. Ha li yo zeo. Kono niteni kona ze mutabela. Huh?

278 Cwale, cwale, mwa sibaka sa kopano ni sizwale mwahala mizwale, ba bafa mundandwe wa litulo, pope. Mi muna ni bishopu, ya mi bulelela se muna ni kueza ni se mu sa koni kueza. Mi mina ba Pentekota muna ni mutoneli wa sikiliti ya mi bulelela wa kulumeleza mwahala mina. Kono Keleke ina ni Krete. Mwabona?

279 Fani kona fo mutaha. Mwabona? Ba mifa lituto za litumelo zani ni lika za ipangezi mutu, mwa sibaka, ku Li zwise. Kikuli nziye yekima yani i ezize sikamañi? I Li zwisize kwa Kota kaufela, ni ku mifa se. “Ni ka zwise sani kwa Kota, mi Ni ka mifa se, mwa sibaka sateni. Ni ka zwise *Sani* kwateni, ni ku mifa se.” Mwabona koo mufitile?

Mu li, “Kihande, Muzwale Branham!”

280 Kana ki kai koo mutu kaufela, kikai koo keleke ya Baipanguli, ne i zwelezi? Katolika. Kona Sinulo 13, kamba Sinulo 17, ibulezi kuli uka eza cwalo. Ali, “Na li lihule, mi nali *mahe mahule*,” nto yeswana. Kacwalo musike. . . Poto haikoni kubiza ketele bunsu, mwa ziba, kacwalo musike. Sani fela. . . Musike mwa eza cwalo. Kacwalo, sani, yani ki niti.

281 Sizwale; kuzwisa sizwale. Foo, lu swanela kuba mizwale, yomuñwi ni yomuñwi. Ne li lu ketuluzi ni ku lu shutanisa. Ku lukile.

282 Cwale mutalime, ki ye fa yende, Ni ka nga se, mi kipeto Ni ka yemela ku zeñwi ze.

283 Amutalime, Bibebe ya lu bulelela, foo ha lu ezize mafosisa, kuli lu tapise mioyo ya luna ka Moya o Kenile. Kubama, lumeleza Moya o Kenile u lu patululele kuli u fosize, ni kuinelela ona fani fapila Hae kufitela u shwa, inge lutapisa mioyo ya luna.

284 Cwale, ba sikuluhile, ni ku mifa sibaka sa limbo. Ha se u shwile, kipeto muprisita uba ni masheleñi amañata, kuli aku lapele kuzwa mwa limbo. Kiñi, ki bukuba! Kona se i ezize nziye yekima. Luli. “Ku ku lapelela kuzwa mwa limbo. Kwa tokwahala madollar *amañata-hahulu* fa kuzwisa moyo wo mwa sibaka sa limbo.” Ni bata kuli mane mu fumane “limbo” mwa Bibebe, sika kaufela se si cwalo. Hakuna sika se si cwalo mwa Bibebe. Batili, muñaka. Kono ba bafa limbo, mwabona, bona, ha se u shwile. Oh, eni, Na ziba.

285 Bona—bona—bona bali, “Luli!” Mwa ba utwa ha bali, “Kihande, Muhalalehi Boniface ubulezi sa *kuli-ni-kuli*.” Hanina taba kamba Muhalalehi Boniface na bulezi sikamañi. “Kihande, hanili wa *Kuli-ni-kuli* ubulezi kuli yena, musali na lapelezi muuna hae, kezeli yomutuna yani, Muhalalehi wa *Kuli-ni-kuli*?” Hanina taba ka sa na ezize.

286 Ki linzwi le li tokwile mata. Ki le li lwanisa mata baapositola. Mulimu na file ba apositola bani, kuli ba tome Keleke mwa sikuka, mi I yahilwe fa Tuto ya baapositola, isiñi ku Muhalalehi Boniface kamba muhalalehi yomuñwi cwalo. Za shutana ni Linzwi. Hanina taba kamba Muhalalehi Boniface na bulezi sikamañi, ni bahalalehi babañwi, ni baba babañwi bahalalehi, ni Muhalalehi Susie, ni Muhalalehi Maria, bao kaufela ba bulezi. Ki bukuba. Zeo mane ha li fiti buhata bobuñwi. Haiba za shutana kwa Linzwi la Mulimu, ki buhata. Ha ni lumeli manzwi asina mata.

287 Kona libaka ha Ni sa lumeli lituto za litumelo za Baipanguli ze ni lika zeñwi. Ki Katolika ku—ku ya feleza mukwazo. Ki lituto za litumelo. Ukona cwani kubiza Makatolika, ni kuba ni lisheha ka kuba ni lituto za bulapeli, foo u tezi fela zona, wena kasibili? Ha ki zeñata hahulu fa, kono se siteni fa tepu, mwa utwisisa, mwabona, si ya mwa lifasi kaufela. Mulemuhe. Kana mukona ku ba biza cwani kuli ba fosahalile, foo mina munga lituto za litumelo za batu ze lwanisana ni Bibebe, lituto za litumelo, ka kuswana fela mo ne ba ezelize? Kiñi? U mwa katengo ya li mwana musizana wa lihule la kale. Lihule ki sikamañi? Musali ya pila ka ku sa sephala ku muuna hae. Uipapata kuba keleke ya Bukreste, ni kufa tuto ye fosahalile, lika za hae fela, mwa sibaka sa kunga Linzwi le li Kenile la Mulimu.

288 Sina fela Eva mwa na ezelize, kuteeleza ku—ku diabulosi, ni kutisa lifu kaufela ni maswabi akile a lenga lifasi. Kutaha ka Eva, kakuli na ezize buhule bwa moya ka kushutana ni Mulimu, ka ku sa lumela Linzwi la Hae.

289 Mi ona cwalo kona mo li ezeza likeleke kacenu, kueza buhule bwa moya kushutana ni Linzwi la Mulimu. Mi mane ha bana ku kulumeleza mwa keleke haiba ha u lumelelani ni tuto ya bona.

290 Kihande, ba ni nyatelisa mañolo, “Haiba u ka lumela ku *se*, mi haiba u ka bulela kuli *se* si lukile, mi uka. . .”

291 Se nili, “Ha nina kutaha fela.” Batili, muñaka. Ni ka kutaza fela se ibulela Bibebe ye, kamba batili kutokwa. Mwabona? Yeo ki niti.

292 Muine fa Linzwi lani. Sani kona se lu lukela kueza, mizwale. Muine fela ona foo. Cwale se lu fita kwa mazazi a maungulo, mi lwa ziba cwalo. Hola i fitile.

293 Ka mo lukona kubulelela! Oh, ba bulela *se*, *sani*, ni *sesiñwi*. Kono sika kaufela se si sina niti, musike mwa si lumela. Hanina taba kamba ki mañi ya si bulezi. Haiba kuna ni mutu!

Fa, kezeli natile kuna, ha ki kale hahulu. Mi ali . . .

294 Ki—ki sikwata sesiñwi sa baana sene Ni kutalize ku sona, bakutazi, ka za kolobezo ka Libizo la Jesu Kreste, koo mianda yemilalu ni nto yeñwi, ya bakutazi. . . Batu babañata bateni mo nebali mwa mukopano, koo katengo kaufela ka bakutazi ka kabizwa Chicago Ministerial Association ne ba ni kopani. Mulena ani fa pono, a ni bulelela koo ne likabela ni sene si ka ezahala. Mi Na fetuha ona fani, ni kubulela. Luna ni tepu fa haiba mubata ku i teezeza. Mwabona? Mi Na. . . Mabishopu kaufela, ni madokota, ni baika ba za bulapeli, ni babañwi kaufela, bainzi fani.

295 Se nili, “Ufi wu mina kaufela yakona ku li nyaza, unge Bible ye hao mi utahwe kwanu.” Se nili, “Ki sikamañi se mu kuzeza hahulu cwalo?” Mi nekusina mutu yana bulelela sika. Mi kiñi? Mwabona, ba saba Linzwi lani. Na li, “Konakuli, haiba hamukoni, kiñi ze mu ni bizeza? Mu kuze. Amuzwe, mueze lika lisili. Mi haiba ha mu koni ku li yemela ka Linzwi, kipeto muine mukuzize.”

296 Kacwalo, kipeto, ona sikwata sa baana sani sa luma kalibe fani, ali, “Muzwale Branham, haiba Lingeloi la Mulena li ku bulelezi.” Ki Lingeloi la Mulena, mwa ziba, siswaniso sa Hae—Hae siteni, mwa bona. “Haiba Lingeloi la Mulena li ku bulelezi Cwalo, kihande, lu ka Li lumela.”

297 Se nili, “Mutu ufi kaufela, kuli sikwata sa bakutazi sani ne si ka fokola cwalo, ‘Haiba Lingeloi la Mulena ne li bulezi.’ Haiba Lingeloi lani li bulelela nto ye shutana ni Linzwi le, halina kuba Lingeloi la Mulena.”

298 Lingeloi la Mulena li ka paka Linzwi. Sani kona sa Na ezize kamita mwahala lusika kaufela. U sa eza lika ze swana. U pila ni Linzwi. Mi mukutazi kaufela ya tozizwe ka Moya o Kenile uka ina ka Linzwi leliswana, kakuli Bible ibulezi kuli Bible kaufela ne i ñozwi ka Moya o Kenile.

299 Mi cwale ukona cwani kuba ni Moya o Kenile ni kulatula se ibulelela Bible? Ona moya woli ku wena, wa paka kuli ha u si ka luka. Mwabona? Nziye yekima i sweli kuca, ku felile, uh-huh, kuca lika za niti za Mulimu. Eeni, muñaka. Ha ki linzwi la niti le li shutana kwa Tuto ya baapositola. Oh, mawi!

300 Ye ki Tuto ya baapositola. Ye ki Bible. Wo ki Moya o Kenile. Linzwi kaufela ku Ona ki niti. Mu lumele fela ni ku Li amuhela, mi musike mwa li nyaziseza, mi mutalime sepiso kaufela italelezwe, ponahazo ya Mulimu onafa cwale.

301 Haiba Ha yo inge Mulimu ka buñata cwale inge mwa Na inezi foo bana ba Isilaele hane ba silile Liwate Lelifubelu, Na si ke kuba Mulimu. Ha ki Mulimu ya swana yana tulukile la Pentekota kuli Uteni mo, kacenu, Ha ki Mulimu ya swana. Konakuli, nekusina zuho, haiba Na si cwalo, haiba Na. . . Oh, ki bunde mañi bo Mulimu wa kale aka ku ezeza, haiba Ha ki Mulimu ya

swana kacenu? Mwabona? Ki bunde mañi bo bu liteni fa kuluma bakutazi kwa likolo za bulapeli, ni ku ba ndondola sina fela likuhu ze ndondolwa mwa mishini, ni kupotoloha cwalo, haiba hakuna sika se si cwalo sa kuli Mulimu?

<sup>302</sup> Ki sikamañi se mu eza, ha mu zwisa Linzwi la Mulimu? Kana mata a mina a kai? Mu li, “Ki keleke.” Ki keleke, kuna ni likopano ze naini handeleti ni sikisite naini ze shutana za zona. Ki ifi yazona ye lukile? Hakuna mutu ya kona kuziba sa kueza. Mu ka lyangana. Yeo ki niti. Kono Mulimu hana ku atula sicaba ka keleke.

<sup>303</sup> Uka ba atula ka Krete, mi Krete ki Linzwi. Biblele ibulezi kuli, “Kwa simuluho nekuna ni Linzwi, mi Linzwi nali ku Mulimu, mi Linzwi neli Mulimu. Mi Linzwi a ezwa nama, mi a to yaha ku luna.” U ka atula keleke ni sicaba ka Linzwi, yeo ki niti, ki le li pila, Linzwi le li zuhile.

<sup>304</sup> Konakuli haiba linzwi le li pila lani, linzwi le li zuhile li bulela nto ye shutana kwa Linzwi le *fa*, konakuli ha ki linzwi le li zuhile, linzwi le li zuhile. Kakuli, Se, Si ka ba ni bupaki bwa Niti ye. Hakoni kubulela nto yeñwi *fa*, ni nto isili fela *fa*.

<sup>305</sup> Na kona kubulela nto yeñwi *fa*, ni nto yeñwi kulo *fani*, kakuli Ni mutu. Mwa kona, ni mina. Mwakona kuba ni zibo yeñata ni kutwisiso.

<sup>306</sup> Kono, isiñi Mulimu; Yena ha cinci. Mwabona? Una ni . . . Keto yapili, taba ya Hae yapili Ya bulela, ina ni kuyema Kuyakuile. Ki taba yeswana. Hakoni kubulela nto iliñwi *fa*, ni nto yeñwi *fa*. Una ni kubulela taba yeswana ka nako kaufela, ili kuli abe Mulimu.

<sup>307</sup> Kacwalo haiba Moya u ku wena, ki wa Mulimu, uka paka Linzwi *le* kuli ki la Niti, Linzwi kaufela la Ona. Mi Ki taba yeswana maabani, kacenu, ni kuyakuile. Sani kona se i bulela Biblele. Eeni, muñaka. Ku lukile.

Cwale, ha lu akufeni ni kunga kalulo yetatama ya sikokwani sesimu.

<sup>308</sup> Pili, nali sishenyi. Ki sikamañi sa na cile kwa Kota ya Mulimu? Muselo.

<sup>309</sup> Kalulo yetatama ya na tile; na shwezi mwa kalulo yani, ni kutaha mwa kalulo yeñwi. Ki sikamañi sa na ezize cwale? Na tile mwa nako ye sina nziye. Na cile matali kaufela. Wani kona mukwa wa nziye.

<sup>310</sup> Cwale, ki sikamañi se si tatama sa na ezize? Na kutile mwa kalulo yeñwi, kakuba nziye yekima, mi akena mwa makwati.

<sup>311</sup> Cwale, ki seo sa taha sina si- . . . sina nziye yefubelu, kalulo ya bune ya sona, cwale sina nziye yefubelu. Nziye yefubelu ki sikamañi? Yona i puka mulo; i anya Bupilo, ona Moya, ona Bupilo. Kona sa ezanga, iya kuyopunya ni fafasi, kuswala mulo, ni kukala ku anya. Nziye yefubelu, ki yeo fa. Lu ka mubiza kuli

mañi? Kopano. Leo kona libizo leli lukela mucaha yani. Kiñi? Ki sisinyi; u anya Bupilo.

<sup>312</sup> Nako kaufela yeo Mulimu aluma muzamao mwahala sicaba sa Hae, ka nako kaufela, mi ba ikongakonga, ona fani ba shwa. Ni bata mutu ya ziba litaba za kale za keleke, yakona kunyaza zeo. Mu ni bonise nako yeñwi fo kopano ikile ya ongaongiwa, kuli neisika shwela ona fani. Nziye yekima ya li swalelela, ya zwise bulapeli bwayona kwateni. Mi kipeto saanyi sa kena mwateni ni kunga. . . sa anya Bupilo bone buli mwa Kota mwani.

<sup>313</sup> Neli Bupilo bwa mufuta mañi bone buli ku Yona? Moya o Kenile. Ne bu ezize sikamañi? Ne isike ya beya Moya o Kenile mwateni mi izwelepili kuba ni lituto za litumelo. Moya o Kenile ne u si ke wa li yemela. Kacwalo si lwala Kukena, Bupilo kuzwa mwa Kota, ni ku ifa tuto ya tumelo, kueza kopano. “Haluna taba ka se Si bulela. Kopano ya luna ibulela se.” Ki fo he cwale. Muhupule, kasamulaho limana ku ikongakonga, kamita za shwanga, mi halisana kuzuha hape.

<sup>314</sup> Kopano yapili neli Katolika; ne i shwile ona fani. Kakuli, neli lituto za litumelo, ka kukala.

<sup>315</sup> Kuzwa mwani kwa taha kuongaongiwa kwapili, neli Luther, yana ongaongilwe ni kushwa.

Ya tatama kwa taha Wesley; ya to ongaonga, ya shwa.

Ye tatama kwataha Pentekota; ya to ikongakonga mi ya shwa.

<sup>316</sup> Presbyterian, Lutheran, ni babañwi bani kaufela, ni ba—ni ba Nazarene, Pilgrim Holiness, ni likopano ze kaufela ze ne latelela cwalo, yeñwi ni yeñwi ya shwa. Mu li talime. Kiñi? Ba ongaonga, ni ku ba bulaya. Ki sikamañi se ba ezize? Ba kenya mwateni lituto za litumelo ze.

<sup>317</sup> Mina ba Nazarene, mu babande, keleke yetatama kwa—kwa kutaha kwa Pentekota. Neli sikamañi sani? Mwa lumela mwa kukeniswa, kono foo ha li fita fa limpo za Moya, kubulela ka malimi ni mata amatuna a Mulimu, mu Li biza kuli “madiabulosi,” mi ki fo mushwezi foo. Yeo ki niti. U inzi kai kacenu? Ushwile. Oh, una ni mamembala babañata, kono ukai kana? Ki situpu.

<sup>318</sup> Ne ni muboni, busihu bobuñwi, yeo ki niti, taba yateni kaufela. Mulisana wa bona, inza lobezi fahalimu, kutubeta situpu, na lobezi ni situpu ka butanya. Ali, “Habana nako ni yekana, nihakuli cwalo. Ze ki zona kufelile.” Kacwalo, Ni ka mifa zona, nako yeñwi, fa tepu. Mwabona? Ku lukile.

<sup>319</sup> Mulimu na cezi Kota ya Hae, kuli ibeye muselo wa moya, miselo ya Moya. Kikuli ku cwalo? Kono ki sikamañi sa na ezize mutu? Mutu kamita na lika ku Li eza kuba za butu. Na ezize cwalo, kwa mulaho kwani; wa eza cwale. Cwale, se, ha lu ezeñi

katata cwale, mi kapili. Mutu kamita u likile kunga Keleke ya moya ni ku i eza kuba fela za butu.

<sup>320</sup> Luther nana ni Keleke ya moya. Ki sikamañi sene si ezahalile? Ona fani fela Luther hana shwile, neba i ezize kuba mufuta, wa butu.

<sup>321</sup> Ki sikamañi sa na ezize Wesley? John Wesley, muuna yomutuna wa Mulimu! Ki mañi yana ka bulela kuli John Wesley ne si muuna wa Mulimu? Ki sikamañi sa na ezize? Ona fani fela yena ni Joani ni Charles ha ba shwa, ba ikongakonga. Foo ha na ezize cwalo, a shwa. Kiniti.

<sup>322</sup> Ki nto yeswana mwahala lusika, nako kaufela, ku mañi ni mañi. Ba ipangela liapalo za butu, misebezi yeminde, kopano yetuna, batu baba bunangu hahulu. “Muika wa muleneñi ubata ku ikopanya ku luna.”

<sup>323</sup> Ona zeo kona ze ezahalile ku mina sikwata sa Mapentekota hape. Luli kiniti. Mu—mu wiselize miambeso fafasi. Mu zwile mwa Moya. Ne mu bata miyaho yemituna, ni mikabo yeminde, ni lika kaufela ze cwalo, mi muna ni balisana baba kutekeha. Ki sikamañi se ne muezize? Mina bashemi bahame ne mulumile bashimani bamina kwa likolo za bulapeli ze kwanu, kuli ba be balisana. Ki sikamañi se ne ba ilo ba luta? Lituto za bulapeli ni lika za ipangezi mutu. Mi li kai kacenu? Ba yo kuta, sikwata sa ma Ricky ni bo Elvis. Yeo luli ki niti. Ki sikamañi se munani kacenu? Sikwata sa busawana, “Mufuta wa bulapeli.”

<sup>324</sup> Bibeke ibulezi kuli, “Mwa mazazi a maungulo ba kaba ni mufuta wa bulapeli, kono ba ka latula se si eza Mata ateni, Bupilo bwateni.” Kiñi? Nziye yefubelu i Bu anyize mwateni kaufela. Kiniti. Katengo ka Bu ngile mwateni kaufela. Timotea Wapili 3, Paulusi naize, “Hape uzibe kuli, mwa mazazi a maungulo, ku ka taha linako ze tata. Batu ba kaba baitati, kuikumusa, ni ku ikutumbaeta, ikaba banyefuli, baba sa utwi bashemi ba bona, ba ba sina buitumelo, ikaba baba hana za Mulimu, ba basina lilato la taho, babasina buiswalo, ba ba toya batu babande, baba sina kutwano, bainuneki, babana ni mubonahalelo wa bulapeli, kono ba ka latula se si eza Mata abona.” Nziye yefubelu i anyize mwateni kaufela. Nziye yekima i keni mwateni, kale kale. Lu ka mi tiseza Kota yani, kaufela yona, fa nako nyana fela, haiba Mulena alata.

<sup>325</sup> “Sibaka se situna hahulu.” Oh, luli. “Kihande, mwa ziba, keleke yaluna ñohola ne ina ni babañata hahulu.” Oh, luli.

<sup>326</sup> Ba Katolika ba ku fitile ka limaili ze milioni. Luli ne ba ezize cwalo. Ne li izo ba hahulu mwa Russia kufitela za yubauka ni kulibeya kwande, bakalisa za swalisano. Neba ezize taba yeswana mwa Mexico. Mi ba swanela kueza cwalo mwahala lifasi kaufela, ko bainzi. Yeo ki niti.

<sup>327</sup> Musike mwa saba swalisano. Swalisano ki muzamao osina Mulimu. Kono mu utwa babañwi ba bakutazi baa, bayema fa

katala, ba nyaza, “Swalisano! Swalisano!” Ha ni lumeli ku zona mane. Kono musike . . . Mi mubulelele keleke ya bona, “Oh, kaufela luna lu ka miziwa. Lifasi kaufela li ka ba la swalisano.” Sani luli sa shutana kwa Linzwi la Mulimu. Hakuna sibaka mwa Bible se si bulela kuli kona mo ku ka bela.

<sup>328</sup> Kono Bible ibulela kuli Buroma, keleke ya Katolika, ika nyunga lifasi. Munge Daniele mi mu li batisise. Toho ya gauda, Mulena Nebukadinezare, mubuso wa Babilona; Mamede ni Persia ba mu yolile; Nduna wa ma Grecian u yolile sani; mi Rome yaya kwa mafelelezo. Minwana yelishumi ya mahutu yani iteni mwa mubuso kaufela oli mwatasa lifasi. Musike mwa . . .

<sup>329</sup> Kuna ni lisila la sipi. Kuna ni lisila la mataka. Kuna ni lisila la mubala wa pepo. Muzwale, wena, usike wa saba ni yomukana wa bona, kono talima lisila la mubala wa pepo lani.

<sup>330</sup> U inzi ona fa lubona, kacenu, mwa naha ye. Muhupule, inge fela Akabe mwa na ezelize, ni Jezabele mwa mulaho wa hae. Zeo ki . . . Bible i biza keleke ya Katolika kuli “Jezabele; lihule.” Mi Akabe na si muuna ya maswe. Ha ni buleli kuli Bo. Kennedy ha ki muuna yomunde. Hakuna se ni ziba ka yena. Ki muuna. Kona fela ze Ni ziba. Ki yena Mueteleli wa naha. Ni sepa kuli ukaba Mueteleli yomunde wa naha. Ha ki yena; ki mulao wani mwa mulaho wa hae. Mulibelele kufitela akenelwa ki mabuku mwa babusisi, ni kaufela ko akona kufita, kipeto mutalime ze ka ezahala. Mutalime se i ezize mwa linaha zeñwi. Mutalime mo ne si ezelize kamita.

<sup>331</sup> Mi kana Bible haibuleli kuli, mwa Sinulo 13? Naha ye ki ya bu setini. Ina ni mubala wa bu setini ni linaleli ze setini mwa ndembela. Mibala ye setini i mwa ndembela. Setini, lika kaufela kuyona ki setini; litolopo ze setini, lika kaufela ze setini. Mi ifumanaha mwa kauhanyo ya 13 ya Sinulo.

<sup>332</sup> Mi Bible ibulezi cwana, kuli, “Na tile inge ngunyana,” tukuluho ya bulapeli; “manaka amabeli amanyinyani,” a naha ni a bulapeli. Mi kasamulaho nyana, ba kopana, “Mi ba bulela sina drakoni mo ne i ezelize, ni kueza lika kaufela ze ne i ezize drakoni fa pila yona.” Mi Bible ibulezi kuli, “Ba ezeza sibatana siswaniso,” tamahano ya keleke, kona fela ze ba kena mwatani cwale, mo mwa New York City. Mi ona mocari tuna yani kwani! Ni mina ba Methodist kaufela, ba Baptist, ni ba Pentekota, ni ufi wa mina kaufela, sifumu . . . sa batu ba swalisano kwanu, kulika kueza lika ze cwalo zani, ni kulekisa tukelo ya kupepwa kwa mina, kuli mukene mwa sikwata sa Babilona sani. Ki butata mañi bobuli ni mina? Luli. Kulekisa tukelo ya kupepwa kwa mina, sina Esau mwa na ezelize, bakeñisa busafa bwa palica. Kona fela ze mu ka fumana. Ku felile.

<sup>333</sup> “U ezize siswaniso sa sibatana.” Luli. Musike mwa saba swalisano. Mu sabe Bukatolika. Oh, Na ize, “Ne li ka taha ni kalembeshwa, sina ngu. Kono,” ali, “amu si talime.” Kwa mulaho

wa sona, ki sitongwani. Ki muyembaeli. Mu li talime. Eeni, muñaka. Kakuli, za shutana kwa Linzwi. Seo Linzwi li bulela sina ni ku ezahala.

334 Swalisano hakuna si eza kwanda kubapalela fela mwa mazoho a Mulimu. Yeo ki niti. Mi kiñi bana ni kueza cwalo? Mulimu nana ni kulumeleza swalisano, ili kuli ikone kueza lika ze, Linzwi la Hae, li ezahale. Luli. Zeo ki . . . Kikuli mu lemuhile cwalo? Kana mukile mwa nahana zeo? Mulimu una ni kueza Linzwi la Hae kuli li ezahale.

335 Mutalime. Kone kuna ni bapolofita baba mianda yemine bene bayemi kwani, fapila, kakuli Akabe ni Jehoshafati, zazi leliñwi. Jehoshafati, muuna ya lukile. Ki hali, “Kono, lu si ka ya kale kwa Ramoti-Gileadi,” ali, “kikuli ha lu lukeli kubuza Mulena?”

336 Akabe ali, “Eehe. Luli.” Mwabona? Jezabele kwa mulaho wa zona kaufela, mwa ziba. Ali, “Luka—luka . . . Nina ni bapolofita baba mianda yemine kwanu. Lu ka ba tisa.”

337 Batu babande kaufela. Ba batisize. Kaufela bona ne ba polofitile, bali, “Zamaya ukambame. Mulena una ni wena.”

338 Sani ne si sika utwahala hande, ku muuna wa bumulimu yo. Mulena wa Isilaele, kamba mulena wa Isilaele kulo kwani . . . Ne li si ka utwahala hande ku yena. Ki hali, “Kikuli hakuna nihaiba alimuñwi fela?”

339 “Bakutazi baba mianda yemine, bainzi kale mwa buñwi, bali, ‘Zamaya ukambame. Mulena ubulezi kale ku luna mi uli, ‘Zamaya u kambame.’”

Ki hali, “Kono ku lukela kuba yomuñwi kokuñwi.”

340 Ki hali, “Nina ni alimuñwi, kono Ni mu toile.” Luli, kiniti. Eehe. Ali, “Yena kamita wa ni omanyanga. Yena kamita ubulelanga ze maswe ka na.” Na ka eza cwani sika sisili kaufela, foo Linzwi la Mulimu ne li mu lwanisa?

341 Kacwalo ba luma ni kunga Mikaya. Mikaya ali, “Zamaya u kambame. Eeni. Yeo ki niti. Kono Ni boni Isilaele uhasani, inge lingu ze sina mulisana.”

342 Kipeto yena, kiñi, mukutazi yomutuna yani aya cwalo, bishopu, ni ku mu bakula fa mulomo. Ali, “Kana Moya wa Mulimu noile kai hane U zwile ku na?”

343 Kipeto ki hali, “Fela neli si yo ku wena, ka kukala.” Kacwalo kipeto—kacwalo kipeto ki hali, “U ka ziba, leliñwi la mazazi aa.” Ki hali—ki hali—ki hali . . .

344 Akabe ali, “Mu mubeye mwa tolongo ya mwahali. Mu mufe buhobe bwa manyando ni—ni mezi a manyando.” Ali, “Foo ha Ni ta yo kuta ka kozo, Ni ka to bonana ni mutangana yoo.”

<sup>345</sup> Ki hali, “Haiba u ka yo kuta ni hanyinyani, konakuli Linzwi la Mulimu ha li si ka bulela ku na.” Kiñi? Kiñi? Na yemi hande ni Linzwi, hande ka Linzwi.

<sup>346</sup> Sipolofita kaufela ha si pili ka Linzwi lani. . . Yani ki niti. Leo kona libaka ha Ni bulela kacenu; hakuna taba kamba li bonahala cwani bunde, ki bakutazi babakai baba bulela *se, sani*, kamba *sesiñwi*, “Swalisano ika nga lifasi ni ku liyumbela fafasi.” Musike mwa lika kulwanisa za swalisano. Amu lwanise Buroma. Kakuli, sani kikuli SA BULELA MULENA KISONA. Mulena ubulezi kuli Buroma bu ka busa, isiñi swalisano. Ki sipupe fela.

<sup>347</sup> Kono, mwa bona, nana ni kueza cwalo. Mulena abulelela Mikaya, “Ni lukela kuluma Akabe kwani. Kana bakutazi bani ba bulela cwalo, kuli ba luma Akabe kwande kwani, ili kuli manzwi a Elia ato talelezwa.”

<sup>348</sup> Mulimu na tuhelezi swalisano kuli itahe. Ki sikamañi se baeza? Ba sebeza ona mwa mandu a litupu a hamoho, ni kubupa kutwano ya likeleke, ku ikopanya kwa lihalimu, kueza siswaniso sa sibatana, ona cwalo fela Linzwi la Hae ze ne li bulezi kuli lika ezahala. Musike mwa bilaela ka zona. Mutalime taba yateni ye i pangiwa mwatasa yona. Yeo ki niti. Hmm!

<sup>349</sup> Ni. . .sepa Na mi katalisa, kono. . .[Kopano ili, “Batili.”—Mu.] Kono yeo ki niti. Ha ni zibi foo Ni ka bulelela ni mina hape. Hakulata hanikoni kueza cwalo. Ha lu zibi. Hakulata haluna ku kopana fateni hape, kono Ni bata kuli muzibe se sili Niti.

<sup>350</sup> Mutalime Linzwi le. Ki yona Niti; isiñi na. Linzwi le, Se ki Sona. Haiba linzwi la ka la shutana ku *Se*, konakuli musike mwa ni lumela. Mwa lumele Seo. Konakuli, haiba u bulela kuli, “Kihande, luna ni Sani, mi usweli kukutaza ka kushutana ni Sona,” konakuli ki musebezi wa hao kutaha ku na. Kiniti. Ki musebezi wa mina kutaha ku na. Mwabona? Taha fela, mi ha lu boneñi Linzwi, cwale.

<sup>351</sup> Cwale, kabakaleo, lu fumana kuli neli. . .ki swalisano ye kopani hamoho. Mulimu ali, “Gogi ni Magogi, kwani, ba ka kopana hamoho,” luli, “ili kutisa ndwa.” Yeo luli ki niti, kakuli li ka tisa mata ao hamoho. Lina ni kutaha. Biblele ibulezi kuli lika taha.

Mulimu na cezi Kota ye, kuli ibeye miselo ya moya ya Hae.

<sup>352</sup> Mi mutu kamita ulikile kueza ka mufuta wa kuipangela, “Kuba ni mubonahalelo wa bulapeli.” Miyaho yemituna hahulu mwa muleneñi, luli, ki ma milioni a madollar! Mawi, bunde! Mi sicaba inge si kutaza Jesu wa taha, ni ku to sinyu ma dollar aeza sikisi ni eiti milioni fa muyaho kokuñwi. Mi, bahasanyi ba linzwi, Ni ziba bahasanyi ba linzwi mwa simu, ba ba kutaza Evangeli, kusina makatulo kwa mahutu, inze ba ca buhobe habeli mwa sunda. Kikuli mwa bona libaka, muzwale, luna. . .Ki butata mañi bobuli ni batu? Na mane hani lumeli kuli ba lumela kuli Wa

taha. Manzwi a—a—a—hao a bulela. . . Kihande, bupilo bwa—bwa hao bu bulela ka kuhuwa kufita manzwi a hao. Mwa. . . Mwabona? Mi Yena ki. . .

<sup>353</sup> Bahasanyi nyana bani, kone Ni tile mwa mukopano waka sina cwalo, kusina makatulo kwa mahutu; malukwe fela a kama inza itamile ona sina *cwalo*; bapila kwande kwani ni linda, ni likokwani za makulano, ni liñanya, ni mifuta kaufela ya matuku, ni lika zeñwi kaufela kwande kwani; mazoho a manyinyani ao na cilwe, ni ku ca butuku bwa ameba ni lika zeñwi kaufela. Inza yemi fani, ali, “Ki wena Muzwale Branham?”

Ni li, “Eeni.”

Ali, “Oh, ami fuyole! Na mi lapelela kamita.”

<sup>354</sup> Na hupula kuli, “O Mulimu, tuhela kuli muuna yo ani lapelele. Eeni. Yani ki yena mucaha. Yani ki yena.”

<sup>355</sup> “Ni. . . Ni—Ni—Ni balile lipiho za hao, Muzwale Branham. Kaniti ubulela Niti. Lu inzi ni wena.” Oh, muzwale, yani—yani ki mushimani. Yani ki yena; ki mucaha ya shebile.

Mu utwa mutu ya bulela kuli, “Wa ziba kuli yani ki mañi?”

“Oh,” uli, “ha ki wa katengo ka luna.”

“Kikuli ku cwalo? Ki yena mañi?”

“Kiñi, ha yo ni luna.”

“Kihande, ki yena mañi?”

“Oh, ki—ki mutu ya icemezi.”

“Oh, ki yena? Uh-huh. Kihande, ki sikamañi sa eza?”

“Oh, una ni musebezi nyana kwani. Ha—ha na kuikopanya ni luna.”

“Kihande, Ni bata ku mu ziba.”

<sup>356</sup> Mwa ziba, foo hane Ni sali mushimani yomunyinyani, ne ni sweli kubata ma apule mwa litema la litolwana, Ne ni fumani kota kuli neina ni macacani kaufela mwatasa yona, mwa ziba. Kuba ni macacani handende ka kutala ni ka tata, kwani kona konekuna ni ma apule amande.

Ba li, “Kihande, ki mupikuluhu fela ya kenile.”

<sup>357</sup> Mwa ziba, kamita mubeyanga sisusa fo kuna ni kota yende. Diabulosi ueza nto yeswana niyena, ku kusabisa fela Kwateni. U si ke wa bilaela. Aku zamaye fela mwa mulaho wa sisusa seo.

<sup>358</sup> Ne ni sweli kutalimela ngeti zazi leliñwi, inge ica manawa wone Ni sweli kucala. Nako kaufela ha ne Ni cala mulaini wa manawa, kipeto ya pumbuka, ni ku a ca kaufela. Na hupula kuli, “Ni ka i sabisa luli.” Kacwalo se Ni nga saka. Mi luli Ni muswanisi wa maswaniso; mu lukela ku ni bona. Na swanisa sene Ni hupuzi kuli ki siswaniso se si sabisa. Oh, ne si sabisa, luli, haiba hane Ni ka si swanisa. Mi se Ni si beya fa saka, ni

kubeya fateni manawa amañwi, ni ku si paheka fa kota. Mi foo moya ha ne u fuka, ne si nyanganya *cwalo*.

<sup>359</sup> Kuzwa mwa musima kwataha ngeti yani, mwa ziba. Mi ya matela kulo fani, ne isweli kuca manawa, mi ya matela kwa saka ye. Ya kuta mwa mulaho. Ya talima fateni, ya talima sina *cwalo*. Mi ki ha i ya, “whew,” yatulela fateni, mi, oh, saka yali kukuza. Ya talima hape, mwa ziba, ni ku i talima sinca hape, hape. Ya talima kwa mulaho ni kubona manawa ani azwezipili mwa mulaini. Mi neli manawa a mande, mwa ziba. Kacwalo ya talima, sisusa sani sa sabisa mwa nzila ya yona. Kacwalo ya nanuha, mi yatundamena kusutelela bukaufi, ona *cwalo*, kulika ku si sabisa, mi ne si sa shenyi. Usike wa bilaela; si shwile. Kona mo li inezi lisusa zani. Kacwalo yona—kacwalo yona fela . . .

<sup>360</sup> Se ne i ezize, ya hata liutu la yona ni ku nata fa saka yani, ni kukala lilata, lilata. Ya tulela kwa mulaho ni ku si talima, ona *cwalo*. Ya si nata hape, lilata, lilata. Kona fela mo iinezi, ki lilata fela. Inge sikuluñu sa muuna wa mu Irish, kaufela ki kukanana ni mafufa, kanti hakuna sikuluñu, mwa ziba. Kacwalo ku si nata fela *cwalo*, ni ku si nyunya linako zene kamba zeketalizoho sina *cwalo*. Mwa ziba ze ne ezize? Yaya fela kwa mulaho wa saka ni kukala kuca manawa ani. Ne i ziba hande kufita zani, neli yetalifile ku Ni fita. Mwabona? Neli sikamañi sani? Mwa bona, ne i sa tuheleli sisusa ku i tuhelisa. Kuna ni nto yeñwi yende mwa mulaho wa sisusa.

<sup>361</sup> Foo ha ba bulela kuli, “Oh, ki bapikuluhi ba bakenile,” muzwelepili fela ona *cwalo* mwa mulaho wa sisusa ni kuzwelapili. Mwabona? Muzwelepili mu li lumele. Mwabona? Kwakona kuba Moya o Kenile mwateni, hape, mwa bona. Hamukoni kubulela. Mwabona? Ku lukile.

<sup>362</sup> Oh, musima wani- . . . ha lu talimeñi fa kalulo ya kopano ya nziye yefubelu fa musebezi. Keleke ya nama; Keleke ya moya. Amutalime nziye yefubelu *cwale*, ka mo i li hatelela. Una ni kale likwati le li cilwe, mi miselo se i cile ku lona, mi, oh, muzwale, kaufela li icongile. Limpo za Moya kaufela lifelile; hakuna foliso ya Bumulumu, hakuna kubulela ka malimi, hakuna bupolofita, hakuna sika kaufela, ha ba lumeli mwa—ku lumela mwa bapolofita. Ha ba lumeli mwa lika ze. Ha ba zibi. Kaufela, za ipangezi mutu! Lika kaufela ze ba nani ki za ipangezi mutu, za butu fela. Mwabona? Ku lukile. Keleke ya nama, ki yeo keleke ya nama. Yani ki yona ye bupilwe ki mutu. Keleke ya moya . . .

<sup>363</sup> Mwa ziba, Bibebe ibulela *cwalo*? Eeni, muñaka. Keleke ya nama; ni Keleke ya moya. Mi Bibebe ibulela kuli, “Mu lelekele musali wa muzike ni mwana hae.” (Hagare) “kakuli haana kuca sanda hamoho ni musali ya lukuluhile ni mwana hae.” Mwabona?

<sup>364</sup> Kacwalo, keleke ya nama, ye ka yola (Sikamañi?) kutamiwa kwa makusani, kutamiwa kwa mañata, kuli a cisiwe. “Mi haana

kuca sanda, abe muca sanda, ni musali ya lukuluhile.” Haiba musali wa muzike uinzi mwa butanga ni bana ba hae ba likopano, haana kuca sanda hamoho ni musali wa muzike, kakuli bana ba musali ya lukuluhile ba ka ya mwa Kuungelwa. Mi bana ba musali wa muzike ba ka yo yema mwa Katulo, mwabona, ku lelekiwa. Eehe. Za moya li lukuluhile. Eeni, muñaka.

<sup>365</sup> Nziye yefubelu, bo Esau ba likopano. Cwale, Esau. Ki yani Esau ni Jakobo, bubeli bwa bona neli mambile, sibeli sa bona ba bulapeli. Esau nali mutu wa nama. Nali muuna yomunde. Na si ka bulela kuli, kihande, cwale. . . Na si ka ya ku yo uzwa, kunwa, kamba sika kaufela kwani. Na li muuna wa bulapeli. Kono a hupula kuli, “Kihande, haibile fela Ni wa bulapeli, ki shutano mañi ye liteni?”

<sup>366</sup> Kono, Jakobo kwateni yomunyinyani, na sina taba mwa na ka ikungela, tukelo ya sipepo yani kona ya na bata. Hakuna taba ka mwa na ka ikungela zona, neli kuli aikungele zona! Haiba nana ni kuya kwa katala, ni kuhuwa ni kulila, ni boo-hoo katata ni minyula ngo ya hae. Mu ni swalele. Kamba, mwa ziba, kubeya mezi mwa liito la hae. Ne ni sa talusi kubulela cwalo. Mi kacwalo. . . Mu ni swalele. Kacwalo, kutala kwa katala ni kufitela a fita fateni, kiñi, na ikungezi zona. Mwapeli? Na sa tokomeli mone ifitezi bukaufi, neli fela kuli ifite.

<sup>367</sup> Babañwi ba bona bali, “Na . . . Muzwale Branham, sicaba sani kwani, inge si tulaka tulaka hahulu fa aletare yani, ni kulila, ni kubokolola. Ha ni li lati ka nzila yeo.” Kihande, hamuna ku li fiwa.

<sup>368</sup> Muuna muhulu yomunsu, muzwale yomunsu, kwa Mboela, nako yeñwi, na tabile kamita. Mi yena, nduna wa hae wa musebezi ali, “Ki—ki sikamañi se si ku ezisa ya tabile hahulu ka nako kaufela, mushimani?”

Ki hali, “Ni bile ni bulapeli bo bu utwahala hande kwa pilu.”

Ali, “Hakuna nto ye cwalo.”

<sup>369</sup> Ki hali, “U ezize mafosisa alimañwi. ‘Kuya ka mo zibela, hakuna sika se si cwalo.’” Na ziba shutano. Ali, “‘Kuya ka mo zibela.’ Ne u swanela kubulela ka nzila yeo.”

Zazi leliñwi, ki hali, “Ni bata kunga yeñwi ya bulapeli bo bu utwahala hande kwa pilu bwani.”

Ki hali, “U bu bata lili?”

Ali, “Cwale.”

Ali, “Kihande, ha luyeni lu yo inga.”

<sup>370</sup> Ba zwela fande. Ki hali, “Ki le fa libunda la bucwani. Ki nto yende.” Mi ali, “Eehe, musala ka hana ku ni utwa, ni sika kaufela kwanu,” ali. Cwalo kona batu mo ba batela, mwa ziba; ku ba tambeka, ka nzila yebunolo. Ali, “Lu ka kubama fafasi fa.”

Muzwale wa kale ali, “Ha u una ku bu amuhelela fa.”

371 Kihande, muñaka, aya kwa sintolo. Ki hali, “Kikuli lu ka bungela kwanu nji?”

Ali, “Batili.”

Ki hali, “Lu ka ya kwa sishete sa mbonyi.”

Ali, “Batili.”

Ali, “U bu fumana kai?”

372 Ali, “Ni latelele.” A puta bulukwe kwa mautu a hae, akena mwa mulaka wa likulube, ka tata mwa na konela kaufela, mwa sileze, ali, “Aku tahe kwanu. Kwanu kona ko mu bu amuhela.”

Ki hali, “Ha ni lati kutaha kafoo.”

Ki hali, “Ha u sa tabeli kueza cwalo, mulena ka. Ha u lati he.”

373 Mwa ziba, Naamani na hupula cwalo, ni yena. Naamani, Naamani naize, “Cwale, Ni bata kufoliswa kwa mbingwa yaka.”

374 Elia ali, “U ye kwa Jordani ya sileze yani, ko i sululela mwa Mediterranean kwani.” Mi ali, “Kuna ni sileze sesina luli. Cimbama mwani linako ze sebene.”

375 “Oh,” Naamani ali, “mawi, bunde! Kana mezi ha ki amande, kwabuse bwa Damaseka ni kulo kwani? Oooh, kuna ni amande mi akenile kwani.” Mawi, lu bona kwanu busihu bobuñwi, fa filimu, fa, mwa ziba. Ali, “Oh,” ali, “kiñi, kiñi, ha lu lati kuya kwani. Hanikoni kuya kwateni kwani. Mi mwa ziba yo Nili yena? Kina kapitao wa mulibeleli. Kina nduna wa nyangela.”

376 “Kihande, haiba ubata kufoliswa kwa mbingwa ya hao, zamaya uzwele kwani. Kono haiba ubata kuibuluka, akuzwelepili kwani. A li, ‘Cimbama.’”

377 Mi Na mubona inza zamaya mwa mezi ani. Munahane fela? Oh, sani sa holofaza libubo la hae. Na mubona, mwa ziba, inge asweli kuhatela kwa minwana ya mautu sina *cwana*; inge apyatile kwa ngo, mwa ziba.

378 Cwalo kona batu babañwi mo ba likela kutaha ku Kreste, “Ni tabela kufoliswa, Ni tabela kuli, mwa ziba, kuya kwa Lihalimu, kono, oh mawi, hani zibi haiba babañwi ba ka ni bona cwani?” Uh-huh. Wena muipi. Hauna ku li amuhela, nihakuli cwalo. Yeo ki niti. Mwabona? Ha una ku li amuhela, nihakuli cwalo. Musike mwa bilaela. Ha u li tabeli niteni. Yeo ki niti. Ha u li tabeli hahulu. Yeo ki niti. Foo ha u itukisize ku li amuhela, u ka li fiwa, ku lukile. Mulimu uka kufa zona ha u itukisize. Ku lukile.

379 Cwale, nziye yefubelu kaufela ya likopano, i cile lika zateni kaufela. Mulemuhe kokwani ifi ni ifi, ifi ni ifi ya likokwani zee, foo ha ne i sebeza fa Kota, ne i lukisize nzila kuli yeñwi i to latelela. Oh, ki mucaha ya bunangu. Eeni, muñaka. Mwabona? Na ngile miselo, mwabona, ona Moya, kacwalo (Sikamañi?) na ngile kopano kaufela, mwabona, matali.

380 Kacwalo neku leliñwi la taha mi a ipilisa ili yena, azwisa matali. Kiñi ha na ezize cwalo? A zwisa kwateni matali kacwalo kuli kusike kwa ba kubatelwa ni bunca, kacwalo kuli batu babañwi ba bone, kwalo kuli akone kukena mwa makwati. Mwabona?

381 Na kena mwa makwati, ni kupunya mwa kota, ni kuzwisa Tuto ku bona, mwabona, yona nto luli ye tusa Bupilo.

382 Mi kipeto, aiyo punya fela misima mwahali mwani, yaba cwalo, kalulo ye tatama, sekutaha nziye yefubelu ye anya mulo, zeo kona ze ngile kopano, ni ku i anya kuhamula ni ku i ongaonga kuli musike mwa I amuhela.

383 Mi ki sikamañi sene i ezize Bupilo? Bwa kena mwa mibisi. Yeo luli ki niti. U Li latelele mwa mibisi. Ku lukile.

384 Cwale, ki kokwani yeswana yene punyize kufita kwa pilu, kufita iyo punya kwa Bupilo. Ne izwezipili kutaha kwa muselo, kutaha kwa matali, kutaha kwa makwati, kufitela haifita fa pilu, yona Puluso. Ku lukile.

385 Cwale ha lu talimeñi ku musinyi hasweli kubeleka. Pili ki . . . Ni lukela kutula zeñwi fa, Na lumela; batili, Ha ni na kuli fitelela. Ki—ki nto yapili yana ezize mulikani yo, ha na sa keni fela mwa pilu ya Kota. . . Halu mu talimeñi, kwa mulaho mwa kalulo ya hae ya pili, asika kala kale hande. Halu mu talimeñi. Cwale ha lu mu talimeñi mwa musebezi. Nto yapili ya na nyazize, neli kusinya nto ya pili ya niti, Kota yende ya muselo yana nani Mulimu mwa lifasi.

386 Cwale, haiba mwakona ku itiisa ni na fa mizuzu nyana fela. Ni bata kuli mu—Ni bata kuli mu utwisise se cwale. Musike . . . Le ki Liñusa la mina la Paseka, ona fa cwale. Uh-huh, uh-huh, uh-huh.

387 Nto yapili ya na ezize, na sinyize nto yapili ya Mulimu, Kota yende ya muselo, ona Krete. Na li yena Kota yani kuzwa mwa simu ya Edeni. Yeo ki niti. Kota yapili ya muselo, a I sinyi. Yapili ya na cezi Mulimu fa lifasi fa, neli Krete. Na sinyize Kota yani yene beya muselo wa Hae. Cwale, nebana ni likopano za mifuta kaufela, mi nana ni fela zeo mwa mazoho a hae. Kono foo ha taha kwa Kota yani ye ne beya muselo luli, yani kokwani ya Siroma yakena mwateni Mwani, mwabona, ya sinyi Kota.

388 Ki Kota? Eeni. Jesu naize, “Haiba Ni eza. . .” Ku Muhalalehi Joani, “Haiba Ni sa ezi misebezi Ya Ndate, kamba ha ni sina miselo ya Ndate, musike mwa Ni lumela.” Na beya muselo wa Mulimu. Ki muselo wa mufuta mañi wa Na beile? Ki muselo wa mufuta mañi?

389 Halu Mu talimeñi fa mizuzu yelikani. Lu fitile ku zona fa nako yetelele. Halungeni fela iliñwi ya makalelo, kwa sicaba se si inzi mo, si libelezi fa muzuzu, ku to lapelelwa.

390 Neli taba mañi yapili yene ba ziba, kuli na ka eza, kuli ba Mu lemuhe kuba Mesia? Foo Pitrosi ha taha pili ku Yena, mi Andreasi a mu tisa, mi A talima Pitrosi mi ali, “Libizo la hao ki wena Simoni, mi u mwana Jonasi.” Na zibile ona fani, kuya ka Liñolo, kuli yani neli yena Mesia. Ne kubile ni . . .

391 Kana mwa ziba kuli nekuna ni babañata babakile ba taha fapila hae, kuya ka litaba za kale, mi ne ba ipiza kuli ki Mesia? Kono hakuna ni yomukana wa bona yana kona kueza se. Uhuh. Kakuli, “Mesia,” Mushe naize (Linzwi la Mulimu, le li sa palelwi, ne li bulezwi ki Mushe.), ki hali, “Mesia wa mina ukaba Mupolofita sina na.”

392 Mi kacwalo foo muenyi yo hana tile fapila Jesu, mi Jesu ali, “Bona, libizo la hao ki wena Simoni, mi u mwana Jonasi,” Pitrosi na zibile ona fani kuli Nali Yena. Na zibile kuli yani neli Yena.

393 Fani Natanaele hana ilo biza Filipi, kamba . . . Filipi naile, ayo biza Natanaele, nitaluse, ni ku mutisa kwani. Mi Natanaele, muuna yomutuna, mwabona, muuna yomutuna, muuna wa bulapeli. Mi—mi Filipi amu bulelela ka zona, mwa musipili wa kuya, sa Na ezize ku Simoni. Mi foo Natanaele hana tile Fapila Jesu, ki sikamañi sana bulezi Jesu? Ki hali, “Amubone mu Isilaele, ya sina kaiñole ku yena.”

Ki hali, “Muluti, U ni zibile lili?”

394 Ki hali, “Mane Filipi a si ka kubiza kale, fani ha ne uli mwatasa kota, Ni ku boni.”

395 Ki hali, “Muluti! Muluti, Wena u Mwana Mulimu; Wena u Mulena wa Isilaele.” Mwabona?

396 Kiñi? Wani kona muselo. “Ha Ni sa ezi misebezi Ya Ndate. . .” Na ziba milelo luli yeneli mwa lipilu za bona.

397 Musali na sweli sapalo sa Hae, nako yeñwi, mi aya ku yo ina mwa kopano. Jesu atalima kafa ni kafa mi ali, “Ki mañi ya Ni sweli?” Kaufela bona ba latula. A talima kafa ni kafa, mi a mu bona. Nana ni butata bwa mweya. Ki hali, “Tumelo ya hao iku pilisize.” Oh, mawi!

Musali nyana wa mu Samaria . . .

398 Cwale muhupule, Na si ka ya ku Bamacaba, sina cwalo. Batili, muñaka. Na bulelezi balutiwa ba Hae kuli basike baya ku bona. Bani ki luna. Le ki lizazi la luna. Na ile mwa mufuta wa Moya o Kenile, ku luna, sina ha Na bulezi kuli Ukaba cwalo.

399 Kono foo ha Na ile ku bona, ki sikamañi sene si ezahalile? Foo ha Na ile ku musali wa Musamaria, musali ali . . . Ki hali ku yena, “Aku Ni fe kwa mezi.”

400 Mi musali ali, “Ha ki swanelo ku Wena, kakuba Mujuda, kuli uni kupe, na nili Musamaria.”

401 Nebana ni ketululo ka mibala ya bona ni zeñwi cwalo. Na ba lumelelize kuziba ona fani, nekusina shutano, kaufela ba

zwa kwa kota yeswana. Luna kaufela lu bana ba bashimani ni basizana ba Mulimu. Luna kaufela, mwabona. Mi ki Hali. . .

<sup>402</sup> Musali ali, “Kihande, lwa lapela. Ndata luna, Jakobo. . .” Mwabona, mi yani neli ndatahe Majuda, hape. Mwabona? “Ndata luna, Jakobo, kiyena ya katile lisima le, mi U bulela kuli Wena u yomutuna kufita yena?”

<sup>403</sup> Mi ki Hali, “Mezi wo Ni kufa ki Bupilo bobusafeli.” Mwabona? Ki hali. . .

“Luna, kihande, lu lapela mwa lilundu le, mi Wena mwa Jerusalema.”

Ki hali, “Zamaya u yo biza muuna hao mi mutahe kwanu. Se si ka kondisa lika.”

Musali ali, “Hanina muuna nahaiba alimuñwi.”

<sup>404</sup> Ali, “U bulezi hande.” Ali, “U bile ni ba ketalizoho; mi yena yo nani cwale ha ki muuna hao.”

<sup>405</sup> Musali ali, “Muñaka, Wa ziba, seli myaha ye mianda yemine kuzwa fo lu bezi ni mupolofita, kono U lukela kuba mupolofita. Kikuli U zibile cwani kuli Ni bile ni baana ba ketalizoho?” Musali ali, “Cwale, lu ziba kuli. . . Seli nako ya Mesia kuba mo, ya bizwa kuli, ‘yena Krete.’ Mi foo Ha taha, U ka lu bulelela lika ze cwana.” Oh, ki yeo miselo ya Hae foo.

Yena ali, “Kina Yena.”

<sup>406</sup> A siya poto, ndondo ya kale ya mezi ya kopano. Akena mwa munzi. Hakuna taba kamba neli masima amande cwani, Jakobo hana nani, na fumani Liweluwelu le linca. Amatela mwa munzi, ali, “Amutahe, mutobona Muuna Ya ni bulelezi ze Ni ezize: kikuli Yo ha ki yena Mesia nji? Kana Wo ha ki muselo nji? Kana Bo ha ki bona bupaki bwa kuli Yani ki yena Mesia?”

<sup>407</sup> Majuda ne ba si ka Li utwisisa. Se bali, “Ki mulauli, Baalezububi.”

<sup>408</sup> Jesu naize, “Na mi swalela, mina. Kono, fokuñwi, Moya o Kenile utaha ku to eza nto yeswana; mi, ha u bulela kulwanisa Sani, halina ku swalelwa.” Mwabona?

<sup>409</sup> Cwale, “Haiba Ni sa ezi misebezi Ya Ndate, mulumele. . . musike mwa Ni lumela.” Kono Kota ya muselo yani ne isweli kubeya miselo.

<sup>410</sup> Cwale sikamañi? Ki sikamañi sa Na bulezi? Kipeto cwale ki—ki Keleke ya mufuta mañi ya Na itomile? Cwale, mina ba Katolika baba bata kubulela kuli Jesu na tomile keleke, ki Keleke ya mufuta mañi ya Na tomile?

<sup>411</sup> Kana Akile abulela kuli kopano, tuto ya tumelo? [Kopano ili, “Batili.”—Mu.] Na nza li lwanisa kamita. Ali, “Mina mamota a masweu. Mina masapo a batu baba shwile.” A ba biza lika kaufela za Na kona ku ba biza. Yeo ki niti. Na li lwanisa. Wani neli muselo wa Mulimu. Cwale, mwakona kueza zepeli ni zepeli,

zene, haiba mwa lata. Ku lukile. Na lwanisa taba yateni, kopano, kulwanisa lituto za bona. Aba biza kuli, “Baipi, linoha mwa bucwani,” mi ali nebali “madiabulosi.” Ki hali, “Muzwa ku ndata mina diabulosi, ni misebezi ya hae mu ka i eza. Ki ufi wa bo ndata mina ya si ka nyandisa bapolofita be Ni lumile fapila Ka?” Mwabona? Ali, “Kipeto muyaha mabita a bona.” Ali, “Ki mina baba ba beile mwateni.” Oh, muzwale, Na si ka keshebisa nihaiba hanyinyani. Yeo ki niti.

412 Wani neli muselo wa Mulimu. Neli sikamañi sani? Mupile ni Linzwi la Mulimu, mueze Linzwi la Mulimu kuli libonahale.

413 Na ize, ka manzwi amañwi, “Ki sikamañi sa bulezi Mañolo kuli Na Mesia ni ka eza ha Ni taha? Cwale, haiba ha Ni beyi muselo wa Linzwi lani, kipeto ha Ni Mesia. Kono haiba Ni beya muselo wa Linzwi lani leo Mesia na lukela kueza, kipeto Kina Yena.” Ameni. “Cwale, ki mañi wa mina yakona ku Ni nyaza ka sibi?” Ki hali. Ki fo he cwale. “Ki ifi ya likopano za mina ye eza nto yeswana ye?” Ki fo he cwale. “Mesia na swanela kueza se. Mesia u swanela kuba mupolofita. Cwale ha lu boneñi babañwi ba mina kaufela,” Na ize, “ka mihupulo ya mina ya muikuhumuso kaufela, ha lu mi boneñi ha mu eza cwalo.” Cwale, neba kuzize. Ku lukile. Neli sikamañi sani? Na beile muselo wa Mulimu. Moya o Kenile noli ku Yena. Na lwezi muselo wa Mulimu. Nali sikamañi Yena? Yena . . .

414 Cwale muteeleze ka tokomelo. Ni ka akufa kapili mo Ni konela, kuli Ni sike na mi liyehisa kwa mulalelo wa mina wa Paseka. Mutalime. Kono, mulalelo wa—wa mina wa Paseka ulukela kuba zuho. Mwabona?

415 Kono sikamañi? Nali yena Kota ye petehile ya Mupolofita wa Mulimu, ili Kota ya mutala, yona Kota ya Munyali. Ameni. Kanya! Ni ka bulela taba yeñwi ka swanelo: Haiba ki Yena Kota ya Munyali (Kikuli mwa lumela cwalo? Kuzwa mwa simu ya Edeni?), kipeto Kota ya Munyali, kusina Musali, haikoni kubeya muselo, kacwalo U lukela kuba ni Kota ya Munyaliwa. Una ni kupepwa ka libyana ze swana, Linzwi le li ezizwe nama mwa Kota. Ni sepa mwa utwa. Ki Bupilo bo bu swana mwa Kota ya musali ye, yena Munyali, inge mo Kuinezi ku Munyaliwa. “Misebezi ye Ni eza mu ka i eza ni mina.” Kikuli ku cwalo? Na li yena Munyali, muhupule.

416 Mu li, “Zeo ha ki za Mañolo.” Oh, ku cwalo. Ni fumani seo cwale. Mwabona? Lu libelezi kuba ni mukopano wa foliso fa muzuzu fela. Ni fumani cwalo. Na li cwalo.

417 Mu bata bupaki bwa yona? Na ize, “Kina Kota luli, mina mu mitai.” Muñoli Joani na bulezi kuli: “Kina Kota luli, mina mu mitai; mu beya muselo.” Mwabona? Mi kota ya muuna ni kota ya musali itisa mununo, yeñwi ku yeñwi, itisa muselo. Mi mutai ni kota luli lieza lika zeswana. Mwabona? Yeo luli ki niti.

418 Kacwalo ki Hali, cwale, Kota yapili ye neli Kota ya Mupolofita, Kota ye petehile, yena Mulimu wa bapolofita. Nali yena Kota yetuna. Nali yena Kota ye petehile ya Mupolofita wa Mulimu. Kiñi? Nali yena Linzwi. Cwale, babañwi neli bapolofita ba banyinyani. “Linzwi nelitile kwa bapolofita.” Kono Na liyena Linzwi, Kasibili, mwa mufuta wa Mupolofita. Amení.

419 Cwale luya kwa sibaka sesiñwi. Cwale muteeleze hande ka tokomelo. Mi musike mwa mbwinja se cwale. Neli nto yende luli, Ni iñozi fela kulo fa. Uh-hum. Amení.

420 [Mufulu wa mota wa utwahala—Mu.] Yomuñwi ha huwa, ku liza mufulu wa mota ya hae, fande kafoo. Uh-huh, fela, oh, Ni sepa muna ni nako yende kwande kwani. Lwa ikola ni luna, mwahali mo. Ku lukile.

421 Cwale, Na li Kota ya Mupolofita wa Mulimu. Kiñi? Na kutalize Linzwi le li petehile la Mulimu, kakuli Nali yena Linzwi la Mulimu le li bonahalile. Nali yena Kota ye petehile ya Mupolofita yene kutaza Linzwi la Mupolofita, yana tisize muselo wa Mupolofita ka Linzwi la Mulimu le li petehile. Oh, muzwale, mubulele ka za Kota! Yona Kota, Nali yena Kota ya Bupilo yani yeo Lingeloi neli bulukile Eva ni Adama kwahule ni yona, ni Likerubimi ze sileleza, nebali kwahule ni Kota yani. Cwale Likerubimi ze swana li lika ku ba libisa ku Lona, kakuli kubile nzila ye lukisezwi bona. Mwabona? Cwale basweli kukuta mwa mulaho; oh, batu. Hmm!

Cwale, kukutaza Linzwi kaufela, Na si ka pumaka *fa* kamba *fani*.

422 Fani Satani hana tile ku Yena, muituti yomutuna yani wa za bulapeli, mi ali, “Ku ñozwi. . .”

Jesu ali, “Eeni, mi hape ku ñozwi. . .” Uh-huh.

“Kono ku ñozwi. . .”

Mi ki Hali, “Mi hape ku ñozwi. . .”

423 Kota ye petehile ya Mupolofita inge i kutaza Linzwi la Mupolofita leli petehile, ka lisupo ze petehile za Mupolofita, linepo ze petehile za Mupolofita, miselo ye petehile ya Moya.

424 Mi ka busomi. . . Ni—Ni ka fita mwa taba ye kapili cwale. Kakuli, ka busomi, neba Mu pahekile fa. . . Na li yena Linzwi, mwa ziba. Neba Mu pahekile, ili Kota ya Linzwi; Kota ya Linzwi, ku Mu paheka fa kota ya Siroma ya kuipangela. Hum! Muzwale, Ni sepa kuli seo sa utwahala. Yena, ka kuba Kota ye petehile ya moya wa Mulimu, neba Mu pahekile fa kota ya Siroma ya kuipangela. Amení.

425 Ki taba yeswana ni cwale. Balika kunga Kota ye petehile ya Mulimu, lona Linzwi, ni ku Li zwakanisa, ni ku Li paheka fahalimu a tuto yeñwi ya tumelo. Lifu ni Bupilo halina ku zwakana. Jesu na si ka taha kwa sebelezo ya maswabi; Na ka zusa bafu. Kiñi? Lifu ni Bupilo halikoni kuina hamoho. Za shutana,

yeñwi ni ku yeñwi. Na si ka kutaza fa maswabi. Na ba zusa fela. Amen. Eeni. Kiñi? Bupilo; ni lifu.

426 Cwale mutalime. Neba Mu pahekile fa kota. Kikuli ku cwalo? “Ku kutwe mutu ni mutu ya pahekwa fa kota.” Kikuli ku cwalo? Bible ibulezi kuli, “Ku kutwe mutu ni mutu ya pahekwa fa kota ya ipangezi mutu kaufela.”

427 Kacwalo haiba, kacenu, ulika ku nyenaela fa kota yeñwi ya ipangezi mutu, zwa ku yona. Mi musike mwa tuhela kuli zeo li mi paheke fani, mane. Kakuli, sani ki sibaka sa baba shwile, Luther yomuñwi na bupile, Baptist, Presbyterian, katengo ka Pentekota, yeo ki niti, kota yeñwi yaipangezi mutu. Usike wa nyendaela ona foo. Usike wa tuhela kuli i ku paheke foo, mane. Ba ka ku paheka foo haiba bakona, kufitela Bupilo kaufela buzwile ku wena, kufitela u lemuha tuto ya bona. Yeo ki niti.

428 Kono kwani kona koo neba pahekezi ona Kota ye petehile ye. Kota ye petehile ya Mulimu ne i nyendaela fa kota ya Siroma ya kuipangela. Kona cwalo. Neli sikuto ku pahekwa fa kota ya ipangezi mutu. Ki sikamañi seo? Ku Mu zwisa mwa meto a bona, kasamulaho Amano beya miselo kaufela.

429 Kasamulaho Maria Magdalena, kubulela litaba za kale, amatela fapila bona mi ali, “U ezize sikamañi? Ki bumaswe mañi bo A ezize?” A yemisa batu, ali, “Ki sikamañi sa Na ezize se si maswe? Kana kuna sa Na ezize kwanda ku kutaza Evangeli kwa babotana? Kana kuna Sa ezize kwanda kufolisa bakuli, kuzusa bafu? Mi ona lisupo luli za Mulimu yapila li ku Yena. Mukona ku Mu nyaza cwani?”

430 Mi ba mu bakula fa mulomo, mi bali, “Kana muka teezeza ku musali wa libubo leli maswe yoo mwa sibaka sa muprisita wa mina,” ki fo he cwale, “bishopu wa mina?” Uh-huh. Ki fo he cwale. Ki taba yeswana ni kacenu. Yeo ki niti. Uh-huh. Eeni.

431 Cwale, foo ha Na ezize ze kaufela, ni kuiponahaza ili Yena, sa Na li sona, ni ku li bonisa ku bona ni kubulela kuli, “Haiba ha ki Na yena, kipeto ki wena mañi?” Uh-hum, uh-hum. “Haiba mukona ku Ni nyaza ka sibi, haiba kuna Ni mafosisa kaufela mwa Linzwi, mu Ni bonise. Cwale mutuhele Ni mi bonise fo mu fosa.” Mwabona? *Sibi* ki “kusalumela.” Lwa ziba cwalo.

432 Cwale, ku Mu zwisa mwa meto a bona, neba Mu toile hahulu, kakuli Na pazauzi tutengo twa bona kaufela, ku Mu zwisa mwa meto a bona, ba Mu pumbeka, ni ku pikulusa licwe lelituna, la kopano fa munyako, kacwalo kuli Asike a zuha hape. Oh, mawi!

433 Munahane ka Kota ye petehile yani! Davida atalima kwa mulaho mi a I bona. Mi ali, “I yemi bukaufi ni linuka za Mezi. U tubula matali a Hae mwa mwaha wa Hae, mwa muselo wa Hae; haana ku lelekiwa, halina—halina ku letuka. Kaufela Sa eza si ka konda.” Na li Mwana wa bufumu.

434 Josefa nali mufuta wa Hae. Nali mufuta usili wa Josefa. Kai ni kai kwa na ile Josefa, ne li konda.

435 Ki nto yeswana ni Jesu, Linzwi la Hae. “Linzwi la Ka li ka konda, mi Halina kukuta ku Na mukungulu. Li ka peta se Ni Li lumezi.” Mwabona? Nali yena Linzwi. Linzwi ne li lumezwi mwa lifasi, ka Mulimu, mi Li ka peta handende za na Li lumezi Mulimu.

436 Cwale, muteeleze ka tokomelo cwale. Se si fumile, ni mafula fahalimwa sona. Cwale mulemuhe.

437 Ki yo fa Wa taha, cwale, mi bona. . .kwa misebezi luli ya Mulimu yani, fani ha Na yemi ni ku ba buza. Ki hali, “Ha Ni sa ezi misebezi yana bulezi Mulimu kuli Ni swanela kueza, konakuli ha Ni Yena; musike mwa Ni lumela. Kono haiba Ni eza cwalo, konakuli mu ka lumela misebezi. Haiba ha mu Ni lumeli, kakuba Mutu ya eza se, kipeto mulumele misebezi ye Ni eza. Ya paka za Ka. I bulela ka kuhuwa kufita linzwi la Ka mo likona kubulelela.” Yeo ki niti.

Mi taba yeswana ika zamaelela ka nako kaufela. Eeni, muñaka. Luli ika zamaelela.

438 Cwale mulemuhe. “Haiba Ni sa ezi misebezi Ya Ndate, kipeto musike. . .mwa Ni lumela, musike mwa Ni lumela. Konakuli, haiba Ni eza misebezi, mu Ni lumele.”

439 Kipeto ki sikamañi sene ba ezize? Ba nga Kota yende yani, ku I lemela fafasi, ba I paheka fa kota ya ipangezi mutu. Yeo ki niti, ku pumela Bupilo ku Yona, ni ku paheka fa kota ya ipangezi mutu, ka busomi.

440 Konakuli, neba sa lati cwalo. Batu babañata hahulu ne ba yemi fani, inge ba lila ka Zona, kacwalo ba Mu zusa. Se bali, “Lu ka eza kopano yaluna ye tiile hahulu kuli batokwe kukenya mwateni bapikuluhi babakenile bani mwahali mo.” Kacwalo ba Mu kasheza mwa musima wa Josefa wa Arimatea, mi ba pikulusa licwe lelituna. Baisa sikwata sa baana mwanda ku lipikuluseza fani.

441 Kikuli mukile mwabona—mwabona, busihu bobuñwi, mwa siswaniso, nzila yetuna yene ba pikulusa licwe ku yona? Bukiti bwa matani.

442 Ba pikulusa kopano yabona yetuna fahalimu fani, kuli Asike a zuha. Kono kana sani ne si Mu sweli nji? Batili.

443 “Kono Ni ka kutiseza, kubulela Mulena.” Ha lu ngeni tuto yeo cwale, ni ku i zamaisa. “Ni ka kutiseza, kubulela Mulena. Ni ka Mu kutiseza mwa mazazi a malalu. Ni ka Mu zusa hape.” Neba si ka Mu pata mwa licwe lani. Neba si ka Mu pata kuzwa mwa meto abona. Neba si ka Mu zusa mwa lizoho. “Ni ka Mu kutiseza, kubulela Mulena.” Mi mwa mazazi amalalu A zuha, ni ku mu kutiseza.

444 Kasamulaho wa Zuho, kuzuha kwa Hae, Ki hali, “Muzamaye mwa lifasi kaufela, mi Ni ka zamaya ni mina. Sina Ndate ya pila ha Ni lumile, mi U inzi ku Na, kacwalo Na mi luma mi ni kaba ku mina. Ni kaba ni mina, kuisa kwa mafelelezo a lifasi. Misebezi, nto yeswana ye Ni ezize, ku bonisa kuli Ne nili cwalo, mu ka eza lika zeswana kupaka kuli mu cwalo.” Na lata cwalo.

445 “Lisupo ze li ka ba latelela babali balumeli,” isiñi balumeli ba malikanyiso, kono balumeli. Mwabona? “Lika ze Ni eza ze, mu ka li eza ni kupaka kuli mu balumeli. Ka kuswana fela sina misebezi ye Ni ezize, kakuli Ndate yapila upila ku Na. Ha ki Na ya eza musebezi; ki Ndate. Mi haina kuba kuli mueza misebezi; ikaba Na ku mina, kueza misebezi.” Mwabona? “Cwale, muye mwa lifasi kaufela.”

446 Kusicwalo, “Mu ka bupa se si zibilwe, ku Na, kakuba Munyaliwa.” Mwabona? Ku lukile. “Ni ka ya ni mina. Mi Na . . . Mu kaba siemba sa Ka. Mu kaba Munyaliwa wa Ka. Bupilo bwa Ka bu kaba mwa Mubili wa mina. Kuswana fela sina muuna ni musala hae mo ba inezi mutu alimuñwi, mina ni Na lu kaba Alimuñwi. Ka lizazi lani mu ka ziba kuli Ni inzi ku Ndate, mi Ndate u ku Na, ni Na ku mina, ni mina ku Na.” Hmm! Na lata fela cwalo. Satani u filikananga fela hahulu ku seo. Mwabona ba Buñwi bwa Mulimu? Kaufela za nali zona Mulimu, U li sululezi ku Kreste; mi kaufela za nali zona Kreste, U li sululezi mwa Keleke. Ki fo he cwale. Li baeza kuba Alimuñwi.

447 Cwale amutalime. Cwale, Munyaliwa ki Kota iliñwi ya Bupilo. Ka manzwi amañwi, inge muuna ni musala hae habali alimuñwi, Kreste ni Munyaliwa wa Hae ki nto Iliñwi: nto yeswana, Moya o swana, misebezi ye swana, lisupo ze swana, lika zeñwi kaufela. “Kakuli misebezi ye Ni eza muka i eza ni mina.” Kukanga nako yekuma kai? “Lifasi kaufela.” Kufita kai? “Kwa sibupiya kaufela.” Kikuli ku cwalo?

Oh, muteeleze ka tokomelo cwale, ku yo tukisa mulilo.

448 Nziye yefubelu ya Siroma yakala kuca kwa Kota ya Munyaliwa yani kufitela I ngunyuta kufita fa mibisi. Yona kota yeswana ya Siroma yani . . . Ki kota ya mufuta mañi yene bulaile Kreste? [Kopano ili, “Maroma.”—Mu.] Ki kota ya mufuta mañi ye ne bulaile Munyaliwa wa Kreste? [“Maroma.”] Cwani? Ka kuyolisa nto isili kwanda Linzwi. Kacwalo, mwa bona, keleke ya Baipanguli ye sa amuheli Linzwi la Mulimu ki mwana musizana kwa keleke ya Roma. Mulimu ali kuba, ka nako ifi kaufela, a ongaonge keleke. Keleke ya Katolika ya Roma neli kopano yapili. Mi yeñwi ni yeñwi ya zona ki bana ba basizana, ku yena, baba ongaongilwe.

449 Ba shwa ni yena. Bible ibulezi, kuli, “Uka cisa bana ba hae ka mulilo.” Ki babakai baba ziba cwalo? Bible ibulezi ona cwalo. Kihande, Bible ibulezi kuli buloto ni mufuka lika hula hamoho kufitela lizazi la mafelelezo, konakuli Uka tama mufuka

(yeo ki niti?), pili, ni ku u cisa. Mi buloto buya mwa sishete. Kana ku cwalo? Mufuka usweli kutamahana hamoho mwa katengo, Tamahano ya Likeleke, kwa kutuka kwa atomic. Luli ki niti. Kono Keleke i itukisa kukena mwa sishete, ka niti fela sina lifasi, mwa Kuungelwa, kakuli musali ya lukuluhile haana kuca sanda hamoho ni musali wa muzike. Oooh, Muzwale Anthony!

Oh, lu libelezi kutaha kwa lizazi la tabo ya  
Mileniamu lani,  
Foo Mulena luna ya fuyozwi ha ka taha ni ku  
to ngela Munyaliwa wa Hae ya libelela;  
Oh! Moyo waka utezi kuungelwa kuya hanze  
Ni ikataza, kutona ni kulapela,  
Kakuli Mulena luna wa taha mwa lifasi hape.

<sup>450</sup> Haleluya! Eeni, muñaka. Oh, U ka cisa mufuka. Mi buloto, Uka bu isa mwa sishete.

<sup>451</sup> Nziye yefubelu ya Siroma yakala kuca kwa Kota yani, mwa mazazi a Paulusi. Ki hali, “Ni hapelelizwe,” Liñolo fa, “kuli, kasamulaho wa kuya kwa ka, batu ba ka taha mwahala mina, mizwale, inge matalo a lingu bali kuikapesa, sitongwa si mwahali, mi ba ka kelusa babañata kuli baba latelele. Kakuli moyo wo lwanisakreste, wo ne mutwile kuli wani ne uswanela kutaha mwa lifasi, u mwa lifasi kale cwale, kubeleka mwa bana baba” (sikamañi?) “sa utwi.” Ku sa utwela (sikamañi?) kwa Linzwi. Ki fo he cwale. Kopano ya kalisa.

<sup>452</sup> Mwa bona se Ni talusa, balikani? Kaufela baba bona cwalo, muli, “Ameni.” [Kopano ili, “Amen.”—Mu.]

<sup>453</sup> Sa kala kuca! Kiñi ze ne si ezize? Nziye yefubelu ya kale yani ya kalisa kuca, ona nziye yekima ya kale yani. Kuli . . . Joele na si boni.

Muteeleze cwale. Lu taha lushetumuka kwa mafelelezo.

<sup>454</sup> Joele na si boni. Mi ki hali, “Se si siilwe ki sishenyi, si cilwe ki nziye; sesi cilwe ki nziye, kipeto nziye yekima i si cile; se si siilwe ki nziye yekima, kiñi, nziye yefubelu i si cile.” Sani kona sa na bulezi. Mi yani ki niti. Yani kona Kota ya Mulimu. Yona Kota, na I bulaezi fafasi, yani ki nziye yefubelu. Ku lukile.

<sup>455</sup> Nziye yefubelu ya Siroma yakala kuca kwa Kota ya Munyaliwa yani ni ku I isa kwa mibisi. Ku I sebulula kaufela kwa mulaho, lika kaufela! Kupumaka Kota kwateni, sina mwa na ezelize ku Kreste Jesu, yena Munyali. Kupumaka Munyaliwa ku shetumuka, ni kukalisa mwa lituto za litumelo ni likopano. Yona kokwani ya kale yeswana! Kono sikamañi? Oh, kanya! Kono mwa mibisi ya Yona nekuna ni Peu yene leliilwe pili, yona Peu ya Silena ya Abrahama. Haikoni kushwa. Linzwi nelili mwa mibisi ni sepiso, “Ni ka kutiseza, kubulela Mulena.” Sikamañi? “Myaha kaufela ye cilwe ki nziye yefubelu, kaufela ze cilwe ki nziye, kaufela ze cilwe ki likokwani zeñwi kaufela, Ni ka I kutiseza, kubulela Mulena.”

456 Cwale mubapise se ni la Sunda yefelile, ni Sunda yefelile yaale, ona Mañusa aa cwale. Muteezeze hande cwale, hamunze mutaha kwa kukwala. Mutalime.

457 “Ni ka kutiseza, kubulela Mulena, kaufela ze cilwe ki likokwani. Ni ka tisa siemba sa Zona kaufela mwateni hape.”

458 Cwale muine ka kukuza haiba mwakona, ka mizuzu yelikani, mi muteezeze ka tokomelo. Amu itukise. Mi mulapele ka lipilu za mina kaufela, kuli Mulimu ali patulule ku mina.

459 Kacwalo, sepiso ya Mulimu ya kala kukutisa, kakuli Mulimu naize Uka I kutiseza. Ka kuswana fela sina mwa Na zuselize Kota ya Munyaliwa yani. . . Kota ya Munyali, U ka zusa Kota ya Munyaliwa, kakuli ku kaba Alimuñwi kwabuse kwani, luli sina lifasi. Ki sikamañi cwale? Ku lukile. Kacwalo sepiso ya Mulimu ya kala, “Ni ka kutiseza, kubulela Mulena, kaufela ze cilwe ki nziye, nziye yefubelu.”

Sina ka nako yapili, foo ha Na yahile Keleke yapili yani.

460 Ni ka fita kwa Lituto zeñwi cwale. Haiba hamulati ku Li lumela, ku lukile. Kono fela mueze. . . Kihande mu Li batisise, pili. Mwabona? Mulemuhe.

Na melisize cwani Kota yani, ka kukala? Oh, mawi!

461 Se si ni utwisa hande. Ni ziba kuli ha Ni utwahali sina mukutazi, ya yemi fa sina cwana, kono Na—Na—Na—Na lata se Ni bulela ka sona. Mwabona se Ni talusa?

462 Mi cwale mulemuhe. Inge nako yapili, foo ha Na kalile Keleke yapili yani yene cilwe ki nziye yefubelu ya Siroma, ni nziye yekima, ni zeñwi cwalo, Na kalile ka kuluka ka tumelo. Joani Mukolobezi.

463 Ku Muñoli Joani, yabu 13, kamba, kauhanyo yabu 17, timana ya 17, Jesu naize, “Ba kenise, Ndate, ka Niti: Linzwi la Hao kona Niti.” Musebezi wa bubeli neli kukeniswa, kwa Keleke. Kasamulaho wa kubeiwa ya lukile kwa tatama kukeniswa.

464 Mi ha se ba kenisizwe, A ba kupa kuli ba libelele mwa munzi wa Jerusalema, Luka 24:49, kufitela ba tala mata a zwa kwa Lihalimu. Mi kwani A pepa Kota, ili Moya o Kenile, Pentekota; kuluka, kukeniswa, kolobezo ya Moya o Kenile.

465 Mi kipeto Krete ataha ku to pila ku Lona, kuli atise miselo. Amen. Kana ku cwalo?

Joani na kutalize za kuluka.

466 Cwale amutalime. Mwa. . . Zeo kona ze fumaneha mwa kupepwa kwa nama. Foo musali ha puluha mwana (Muteezeze ku se.), ki sikamañi sa pili se si ezahalanga ku musali, ki sikamañi se si zwanga? Kikuli, pili, ki mezi. “Mubake, mi mu kolobezwe ka Libizo la Jesu Krete,” kuluka. Ki sikamañi sa bubeli se si ezahala ku musali? Mali. Ki niti yeo? Mali; kukeniswa. Konakuli ki sikamañi se si tatama? Bupilo. Mezi, mali, moya.

467 Muhalalehi Joani, kamba, Joani Wapili 5:7, 7:5, nitaluse, Na lumela ki yona, ya bulela kuli:

*...kuna ni zetaalu ze pakelana mwa lihalimu, ki Ndate, ni Linzwi (Yali yena Mwana.), ni Moya o Kenile: ...zetaalu ze ki nto iliñwi.*

*Mi kuna ni zetalu ze pakelana mwa lifasi, ki mezi, ki mali, ni Moya; mi ha ki nto iliñwi, kono li lumelelana mwa nto iliñwi.*

468 Hamukoni kuba ni Ndate kusina kuba ni Mwana; hamukoni kuba ni Mwana kusina kuba ni Moya o Kenile. Kono wakona kubeiwa ya lukile kusina kuba ya kenisizwe; wakona kukeniswa kusina kuba ni Moya o Kenile.

469 Ku cwani ka seo, muzwale wa Nazarene? Neba kenisizwe ka Jesu Kreste, silimo ni likweli ze silezi Moya o Kenile u si ka taha kale. Kikuli ku cwalo? Neba kenisizwe ki Jesu Kreste.

470 Cwale, sina ha Na tisize Kota yapili ya Munyaliwa yeo nziye ni sishenyi li cile, U sweli ku kutisa Kota ya bubeli, ku I tisa kuzwa kwa mibisi yene lelilwe kale yani ye sa koni kushwa. Li yemi bukaufi ni linuka. Li pila mwa mezi a. Halikoni ku iponahaza ili Lona, kono Liteni, nihakulicwalo.

471 Cwale ki kukalisa, mulemuhe, kokwani yeswana; sina A kutiseza nto yeswana ka mukwa wo swana.

472 Sa pili, foo Kota yani hane ikalile kuzwa mwa Bukatolika, neli Martin Luther, yana katalize za kuluka. Lingeloi la bubeli neli John Wesley, yana katalize za kukeniswa. Luther na katalize za kuluka, “Ya lukile u ka pila ka tumelo.” Wesley na katalize kukeniswa, musebezi wa bubeli wa sishemo. Mi kipeto kwa taha Moya o Kenile. Sina fela mwa Na yahezi Kota mwahalimu, nako yapili, fa Usweli wa kutiseza hape, mwa mukwa o swana, ka nako ya bubeli. Mwabona seo?

473 Mulemuhe. Yona kokwani yeswana yani, ona nto yenyinyani yani, yona tamahano yeswana yene kalile ni kubulaya Kota kwa simuluho, ya kala hape fa mitai ya ma Lutheran yani, kono (sikamañi?) haikoni ku I bulaya. Haikoni ku I bulaya, kakuli Mulimu ubulezi kale kuli, “Ni ka kutiseza.” Kokwani yani ne ikalile ku Luther, kuli ibulaye mitai ya ba Lutheran kaufela. Ya taha ku Wesley, ni kubulaya mitai ya Wesley kaufela. Kono siemba tuna luli sa Kota sa zwelapili kutaha.

474 Cwale mulemuhe. Mwa nako ya kale, foo Kota ha ne ibulailwe, Ne i bulailwe, ku ya kwa mibisi foo ha ne I bulaiwa kwa mulaho kwani. Kono nako ye, kakuli Linzwi li lemuhilwe kale, hakuna se si ka Li paleliswa. Mulimu ali, “Ni ka kutiseza. Hakuna taba kamba ba ongaonga cwani, kamba ba eza cwani se, sani, kamba sesiñwi, Ni ka Si kutiseza.” Ani kona mafelelezo. Kuseha kaufela, ku libona bukuba, kusheununa, kubiza “bapikuluhi ba bakenile, bukuba,” lika kaufela ze

mubata. Mulimu u sa bulela kuli, “Ni ka kutiseza, kubulela Mulena.” Ona cwalo fela sina mwa Na zuselize Jesu mwa libita, mwatasa mazazi a malalu, mwatasa likalulo zetalu, kamba libaka zetalu, U ka zusa Keleke kwa mutalelela wa Yona ni mata hape. “Ni ka kutiseza, kubulela Mulena.”

<sup>475</sup> Ki sikamañi sene si ezahalile? Nziye yefubelu yani ya kala kuca ni kuba ni mata aswana ana ezize ni yena, kono (ki sikamañi sa na ezize?) na ngile fela mitai ya ba Lutheran. Na sina Moya kwa mulaho kwani, wa na nani Luther, kakuli No pila ona fani. Kipeto, kwa taha Wesley. Mi kasamulaho wa kushwa kwa Wesley, yena mupolofita yomutuna yani, kasamulaho wa kushwa kwa Wesley (ki sikamañi sene ba ezize?), ba ikongakonga, mi mitai kaufela ya shwa, kono (ki sikamañi sa Na ezize?) Keleke ya pila kuzwelapili cwalo, kutaha cwalo mwa Pentekota. Foo hane ba ikongakongile (kiñi sene si ezahalile?), mitai ya shwa, kono (sikamañi?) Keleke ya zwelapili ona cwalo.

<sup>476</sup> Sikamañi? Nto yeswana yene i ezize Pentekota, ona makilikicani aswana, tuto ya kopano yene Li ngile ka nako yapili, ku sinya Kota mwa—mwa Kota ya Munyaliwa, ka kukala, ki makilikicani aswana ao diabolosi akile aeza fa Kota ya bubeli ye, kono (sikamañi?) Mulimu na Li lemuhile kale. U swanela kuzwelapili, kupale kumane. Haiba kaufela zona. . . Kambe ne ku si cwalo, fani Luther ha na ongaongile, sani ne si ka inelela ona fani; kaufela zona za kutela kwa mulaho sina nto isili; ne ikaba keleke ya bubeli ya Katolika, keleke ya Roma ya Katolika. Mwabona?

<sup>477</sup> Kono, Mulimu na itamile kueza. U bulezi kale Linzwi la Hae. Mulao wa Hae uka bona kuli Li to ezahala. Hakuna taba kamba Li kangezi cwani, Li ka pila, kupale kumane. Lwa kona kuba ni mioya ye bata ni shutano ya likopano, ni lika kaufela, kono Kota yani ika pila haibile fela kuna ni Mulimu yapila wa ku I konisa kupila. Eeni, muñaka. Ki hali, “Ni ka kutiseza.”

<sup>478</sup> Ni ziba kuli luna ni nako ya mafelezo ya mbumbi, nako ya mafelelezo ya kutaha kwa Paseka. “Mulena wa liyeha Kutaha kwa Hae,” ba bulela, ni lika kaufela ona cwalo. Mi moyo wo bata wa bulaya mitai yemiñata ya likopano, kono haukoni kubulaya Bupilo bo bu lemuhilwe kale.

<sup>479</sup> “Lihalimu ni lifasi li ka fela, kono Manzwi a Ka haana kufela.” “Kaufela ba Na zibile kale, U ba bizize: bona Ba bizize, U ba beile baba lukile: bona be A beile baba lukile, U ba file kale kanya.” Haleluya! Ku ñozwi mwa Buka, Buka ya Ngunyana ya Bupilo, mi haikoni kushwa.

<sup>480</sup> Kaufela li—kaufela likokwani zeo lihele likona kutamulula ku Yona halina ku I tuhelisa. Hakuna swalisano, Bukatolika, hakuna sika sisili se si ka Li paleliswa. “Ni ka kutiseza, kubulela Mulena.” Likota za ipangezi mutu za Siroma kaufela halina ku Li pahelika fani. Mabita kaufela haana ku Li buluka mwani.

Macwe kaufela a likopano zetuna abeilwe fa munyako haana ku I paleliswa kuibeya mwatasi mwani. “Ni ka kutiseza, kubulela Mulena. Ku kaba Zuho. Ni ka tisa ona Keleke yeswana yani mwa mata a Yona. Ni ka tisa Munyaliwa yani inge fela mwa Na inezi kwa mulaho kwani, ka lisupo ze swana, muselo o swana, nto yeswana yene ba ezize. Ni ka Mu kutisa hape. Ni ka kutiseza, kubulela Mulena,” (sikamañi?) “ku kutiseza kaufela ze cilwe ki likopano, ku kutisa kaufela ze cilwe kwateni ki katengo. Ni ka kutiseza, kubulela Mulena, kaufela zona.”

481 Cwale, mu li, “Ku cwani he ka lika ze ne zwile zani, mwa kopano?”

482 Mulimu ki Muña simu yomunde. Wa kokolela Kota, ani ki mafelelezo, wa puma kwateni mitai kaufela ye shwile. Ki sikamañi Sa ka eza? Ku ba cisa, fahalimu fani. Luli. Mulimu ki yena Muñi wa—wa Kota ye. Wa Li tokomela. U tokomela buswa bwa Hae. Yena . . . Buswa bwa Hae ki sikamañi? Linzwi la Hae Tota. U tokomela Linzwi la Hae, kuli a Li pake; ku Li bona; kubona kwa Na ka Li fumana. U ka kutiseza. Kacwalo foo likeleke ze ha likala ku ongaonga, ni lika ze cwalo, Wa li kokola fela kwateni, mi Keleke ya zwelapili.

483 Foo ba—foo ba Lutheran hane baize, “Lu ka ba katengo. Lu kaba ba batuna sina ba Katolika.” Ku lukile. A kokolela fela mutai. Mi Wesley a U pamula kuya kwapili, a zusa mupolofita yomuñwi. Konakuli, Wesley amano eza cwalo . . . Kihande, Wesley a shwa, mupolofita yomutuna. Ki sikamañi sene ba ezize? Ba ikongakonga. Mi kwa taha Pentekota. Ona fani ha na shwile, A kokolela sani kwateni. Isweli ya hula hape. Mwabona? Uka kutiseza.

484 Kikuli miselo imelela kai pili? Ha i kalisi fafasi fa. I kalela fahalimu. Kikuli lizazi li natelanga kai Kota pili? Ah, kanya! Mwa Liseli la manzibwana, fahalimwa Kota. Ameni. Isiñi kwa mitai ya kwatasi, kono ki kwahalimu a Kota kona koo muselo ubuzweza.

Ameni!

*Kikuli mwa Mu lata? Ameni!*

*Kikuli muka Mu sebeleza? Ameni!*

*Kikuli mwa Mu lumela? Ameni!*

Na luli na Mu lumela, ka pilu yaka kaufela.

485 Cwale, ki sikamañi seo? U ka kokola kwateni mitai ya kale ye se i omile hainze Ihula cwalo, mitai ya tutengo twani kaufela, kufitela Ayo fita fahalimwa Kota. Fani kona fa Ka beya muselo wa Hae. Cwale mulemuhe. Mulimu wa Mu kokolela. Ku lukile. Ba shwile, mi habana kutaha fa—fa Pila Mulimu, habana kutaha mwa zuho yapili. Kono mube ni . . . Ki muselo wa Kota ya luli wa ku ongaonga- . . . Kota ya Mulimu. Ba ka kena mwa sikwata sa kopano, kono habana kutaha ni muselo wa Kota.

486 Cwale amutalime. Mulimu na si ka leleka katengo. Keleke imameka mwateni mitai ya buhata, ya katengo, mi kipeto Mulimu wa i puma kwateni, wa puma kwateni bupilo bwayona. I beya muselo wa katengo.

487 Kono haiba Kota yani ika beya mutai o zwelela kwa Kota, I ka beya zeswana inge mo ne I ezelize sapili. Kacwalo, mwa bona, wa pili neli yena. Mi Rome aluma tumbombo twa yona kulo kwani ni ku I ca, kono Mulimu uka cala Iliñwi yepahami hahulu kuli haikoni ku I swala. Li ka taha fahalimu. Amen. Na. . . Ha lu yeni. Kota izwa mwa sibaka silisiñwi kutaha ku sesiñwi, kuzwa mwa lusika loluñwi kutaha kwa lusika loluñwi. Kuzwa ku Luther, Ya ya ku Wesley; kuzwa ku Wesley, kuya kwa Pentekota; kuzwa kwa Pentekota, I ya kwa Linzwi.

488 Ki Zuho hape kwa balumeli ba niti ba Linzwi la Hae le li sa palelwi. Ki Zuho. Ki zuho. Mulimu una ni sicaba kai ni kai. Ki Zuho ku bona. Kiñi? Ba zuhile, ameni, ba zuhile kwa lituto za litumelo zani ni kopano. Ba tile mwahala zona. Ki Zuho hape. Peu ya Silena i patilwe mwa mibisi, lona Linzwi, li patilwe kwa mulaho kwanu mwa Linzwi le, mwahala myaha, ni myaha, ni myaha, mi cwale akala fela kupatululwa. Ki nako ya Zuho. Ku lemuhwa kuzwa kwa simuluhwa ya lifasi, Keleke ye se ikalile ku yema. Mulemuhe ka mo Mulimu na lelile pili, kwa simuluhwa. Ni nani. . .

Kihande, Ni ka bulela cwalo, nihakuli cwalo. Ku lukile.

489 Mulemuhe fa, kuli, ku kutisa Kota ye petehile mwa mazazi a malalu kasamulaho wa lifu la Yona. Kasamulaho wa lifu la pili la Kota, A Li kutiseza mwa mazazi a malalu. Kikuli ku cwalo? A i kutiseza! Cwale Kota ya Munyaliwa ika kutiswa hape mwa masika amalalu, likalulo zetalu, nitaluse. Likalulo zetalu, kona mo Li ka kutisezwa. Cwale amutalime. Sikamañi? Kuluka, kukeniswa, kolobezo ya Moya o Kenile; iliñwi, zepeli, zetalu.

490 Cwale mulemuhe. Kasamulaho wa mazazi amalalu, Kota yapili ye kutisizwe sina kwa simuluhwa, kuba ni lisupo zeswana, limakazo zeswana. Jesu akuta, yena Jesu yaswana, inza eza lika zeswana. Kwa mafelelezo a lizazi la bulalu, lisupo za bonahala, isiñi mafelelezo a lizazi la pili. Oh, muzwale! Ni sepa mwa utwa. Ka lizazi la bulalu kona foo ku bonahezi ponahazo ya niti ya Krete, kwa *mafelelezo* a lizazi la bulalu. Mwabona? Mulemuhe. Kikuli mwa utwa nji? [Kopano ili, "Ameni."—Mu.]

491 Isiñi ka lizazi la pili, buino bo bu shwile; zazi la bubeli, nekuna ni mabulatwi, mwabona, kamba, zazi la bubeli, ne li sa shwile; Luther, Wesley. Kwa makalelo a lizazi la bulalu, nekuna ni mabulatwi kai ni kai. Hakuna sika ka lizazi la pili, Luther; hakuna sika ka lizazi la bubeli. Mi mwa lizazi la bulalu, kalulo ya Moya o Kenile, nekuna ni mabulatwi kai ni kai, kuli, "Na swana maabani, kacenu, ni kuyakuile."

492 Kono kwa *mafelelezo* a lizazi la bulalu, kwani kona kwa Na itibahalisize Iliyena, ataha mwahala bona, ataha mwahala sicaba sa Hae mi ali, “Amu Ni talime. Ni ya swana.”

493 Mifuta ye shwile ya zwelapili kufitela ba yo punya kwa Pentekota, kipeto mabulatwi akala kai ni kai, kuli, “Nali cwalo.”

494 Cwale, mo mwa lizazi la mafelelezo, ki Yo fa uinzi ni luna, uzamaya mwahala luna. Kwa *mafelelezo* a lizazi la bulalu, A bonahala ni kubonisa sisupo sa zuho ya Hae kaufela, kuli Na pila, ki ya swana maabani, kacenu, ni kuyakuile, miselo yepila ya Kubatani kwa Hae. Miselo yepila ya Kubatani kwa Hae! Kikuli mwa utwa nji? [Kopano ili, “Ameni.”—Mu.] Ne i bonahalile kwa mafelelezo luli a lizazi, foo ha Na bonahalile ku bona kaufela, Keleke ya Hae. Ameni. Kiñi? Kaufela bona ba taha hamoho, oh, ameni, kwa mafelelezo a lizazi la bulalu.

495 “Maseli a manzibwana,” Bibebe ibulezi kuli, “aka benya mwa mazazi a maungulo.” Liseli la manzibwana ki Liseli le li swana kwa Wiko, lani neli Liseli le li swana lene lili kwa Upa. Mi ona Liseli le li swana lene li monyeha kwa Upa, lene li tisize Keleke yapili yeo Maroma neba bulaile ka—ka milapelo ya buhedeni ni zeñwi cwalo, mwa Liseli la manzibwana ki Liseli le li swana. Cwale mulemuhe, ki Liseli le li swana!

496 Mi Liseli la manzibwana ki sikamañi se li tezi? Liseli la manzibwana ki la sikamañi? Ku kutiseza. Whew! Mwa utwa nji? [Kopano ili, “Ameni.”—Mu.] Liseli la manzibwana ki ka mulelo wo swana sina Liseli la kakusasana, ku kutiseza sene si lemilwe mwa Masika a Lififi, mwahala Rome. Mulimu uka kutiseza, ka kumonyeha Liseli la manzibwana (sikamañi?), ku kutiseza Linzwi la Mulimu kaufela hape, ponahazo yetezi ya Kreste mwa Keleke ya Hae. Lika kaufela za Na ezize, ona cwalo fela mwa Na ezelize, ne likaba hape mwa Liseli la manzibwana. Mwabona se Ni talusa? Oh, ha ki nto yende yeo nji? [“Ameni.”] Mi ka kuziba kuli lupila ona fa kuli lu Li bone cwale, Liseli la manzibwana, handende kuya ka sipolofita. Liseli la manzibwana la taha ku to kutisa sikamañi? Ku to kutiseza se ne li cile likokwani.

497 Ne i kalile kuhula, mi kipeto ki sikamañi sene i ezize? Za to ikopanya, kacwalo Mulimu a ba kokolela, ku ba tama, ni kuba beya kwa mulaho, kuba lumeleza kuzwelapili ni kuikongakonga. Konakuli yetatama ya taha; A ba tama, a ba kasheza kafoo. Kota yazwelapili kuhula. Kipeto ki Ha ba tama, ku ba beya kwatuko, ali, “Cwale, leliñwi la mazazi aa ba ka ciswa.” Ba tamwa mwa katengo ka bona.

498 Kono kipeto ki sikamañi? Fahalimwa Kota kona koo ku buzweza muselo pili, yeo ki niti, fahalimwa Kota. Kacwalo ki fahalimwa Kota, fa, ye bona Liseli la manzibwana.

499 Cwale, Nuwe nana ni libaka zetalu mwa areka ya hae. Muzuzu ulimuñwi neli wa lika ze ne hohoba. Mwabona? Sibaka sa bubeli neli sa linyunywani. Kono ndu ya fahalimu neli kone

kuna ni liseli. Liseli lene li monyehile, pili, ne li si ka taha fa bulilo bwa pili, bulilo bwa buleli, kono neli fa bulilo bwa fahalimu.

<sup>500</sup> Kota haibeyi muselo wa yona pili kwatasi, sa bubeli, sina cwalo. Kaufela ne i kokoliwa kwateni, mwa katengo.

<sup>501</sup> Kono ki mwa siemba sa fahalimu, koo, “Ni ka kutiseza, kubulela Mulena. Ni ka luma Liseli la manzibwana. Li ka tisa, kutisa Linzwi, ku Li bonahalisa. Ni ka kutiseza kaufela ze Ni sepisize. Kaufela ze Ni sepisize, Moya o Kenile o swana uka tisa, kubeya lisupo zeswana. Ni kaba ni Paseka, zuho ya Munyaliwa, ka kuswana fela sina mo Ni bezi ku Munyali.” Mwabona? Maseli a manzibwana ataha ku to monyeha, kuswana inge kakusasana, lisupo zeswana, lika zeswana. Ona Liseli le li swana li ka tisa muselo o swana o ne banani kwani, haiba U monyeha fa Kota yeswana. Ameni. Kubonisa Linzwi la Hae cwale kuli li talelezwe, “Ni ka kutiseza, kubulela Mulena.”

<sup>502</sup> Cwale muteeleze ka tokomelo. Cwale, nekuna ni... Muteeleze cwale. Musike mwa mbwinja Se cwale. Nekuna ni balumiwa babane ba lifu.

<sup>503</sup> Kamba, kikuli mu tabela fela kuli lu kwale? Kana mu tabela kuli lu—lu zamaye fela ka kuitahanela? [Kopano ili, “Batili.”—Mu.]

<sup>504</sup> Muteeleze hande ka tokomelo cwale. Mutalime. Nekuna ni zene. Balumiwa babane ba lifu ne ba bulaile Kota yani. Ki niti yeo? Neli sikamañi seo? Sishenyi, nziye, nziye yekima, nziye yefubelu. Kikuli ku cwalo? Balumiwa babane ba madiabulosi ya Siroma, lituto za litumelo, ba bulaya Kota yani. Alimuñwi anga muselo wa Yona; alimuñwi anga makwati ayona, kamba, kunga matali A yona; yomuñwi anga makwati a Yona; yomuñwi anga Bupilo. Kikuli ku cwalo? Balumiwa babane ba lituto za litumelo ba bulaya Kota, kaufela yona kwanda mibisi.

<sup>505</sup> Mi haiba balumiwa babane ba lifu ne ba bulaile Kota, balumiwa babane ba Bupilo ba kutiseza Kota. Kana mwa utwa nji? [Kopano ili, “Ameni.”—Mu.] Ameni. Kakuli Mulimu naize, “Ni ka I kutiseza.” U ka I kutiseza. Cwani? Ka balumiwa babane ba lifu, ne ba I bulaile, kipeto balumiwa babane ba Bupilo ba ka I kutiseza. Sapili neli sikamañi? Martin Luther, kuluka. Neli ifi ya bubeli? John Wesley, ka kukeniswa. Ya bulalu neli sikamañi? Pentekota, ni ku kutisezwa kwa limpo, za Moya o Kenile, kolobezo ya Moya o Kenile. Neli ifi ya bune? Ki Linzwi. Sikamañi? Ki Linzwi. Nekuna ni baplofita babane babatuna.

<sup>506</sup> Alimuñwi wa bona, Martin Luther, akala ku monyeha Liseli. Nekuna ni Liseli nyana, neli fela mata alikani, a kuluka.

Mwa mulaho kwataha Wesley, ya tiile, kukeniswa.

507 Kasamulaho wa Wesley, kwa taha ya tiile kufita yena, Pentekota, kolobezo ya Moya o Kenile, ku mupolofita yomuñwi yomutuna. Mwabona?

508 Kono mwa mazazi a maungulo, a Malaki 4, Elia una ni kutaha ni Linzwi luli. “Linzwi la Mulena litahanga ku mupolofita.” Mwa Liseli la manzibwana, lina ni kutaha, ku to kutiseza ni ku kutisa. Sikamañi? “Ku fetula lipilu za bana kukutela kwa Tumelo ya Mulimu.” Liseli la bune!

509 Ba bulai babane ba I nga. Balumiwa babane ba I sinya. Balumiwa babane ba lifu ba I pamula, mwa litoto za litumelo.

Balumiwa babane ba kuluka ba Mu kutiseza hape.

510 “Polofita, mwana mutu. Kikuli masapo aa akona kupila nji?” Kambe luna ni nako. Ni iñezi fa, kono Ni na ni ku mbwinja seo. “Kupolofita. Kana masapo aa akapila nji?” Ki likalulo mañi zene za kutaha kwa Keleke yani? Ki likalulo mañi zene za masapo a Ezekiele ze ne taha? Kono Bupilo bona bwataha fela, isiñi ha ne ku apesizwe litalo kuona, kono neli foo moya ha u to fukela kuona. Fani kona foo ne kutezi Liñusa la bune lani la Bupilo.

511 “Ni ka kutiseza, kubulela Mulena.” Haleluya! Kanya! Ku lumbwe Mulimu. Liseli la bune lina ni kutaha, le li ka tisa lisupo zeswana. Mutalime. Kuluka kwa tisa sikapi.

Kukeniswa kwa tisa makwati, tuto ya kukena.

512 Ki sikamañi sene si tisize litali? Mapentekota. Ki sikamañi seo? Mapentekota, matali, ba kambela mazoho abona, tabo, kunyakalala, Pentekota.

513 Sikamañi? Sa bune neli Linzwi, Kasibili. Linzwi le li ezizwe nama, miselo ya bupaki bwa sisupo sa zuho kuli Kreste kwa mafelelezo, kasamulaho kuluka ha se ku cezwi, kukeniswa ha se ku cezwi, kolobezo ya Moya o Kenile. Tutengo twa shwa. Mi Kreste hape uitamile Iliyena sina kuwani ya piramidi yani. Mukoloko wapili, kuluka; kukeniswa; kolobezo ya Moya o Kenile; kipeto kutaha kwa Kuwani.

514 Ki sikamañi seo? Sikwata sa Moya o Kenile sani ha si hohiwa kuli iswane ni mufuta oswana wa bulumiwa bwa Na bile ni bona nako Ya na fundukile, kuli, foo Ha ka yo kuta, li ka swala taba yatani kaufela mwa Kuungelwa, koo ba balukile, ba kenisizwe, ni kolobezo ya Moya o Kenile. Piramidi yani ika yema hape. Ndu ya Mulimu ika pila hape. Kota ya Bupilo ya hula hape.

Linaha za ikaba, Isilaele wa zuha,  
Lisupo zene ba bulezi kale bapolofita;  
Mazazi a bamacaba a balilwe, ni misima  
ikatilwe;  
“Mukutele, haenu O mina muhasani, muye  
haenu.”

Lizazi la kuliululwa li fakaufi,  
Lipilu za batu za ikalelwa ka sabo;

Mu tale Moya, malambi amina atuke mi  
amonyehe hande,  
Mutalime kwa halimu! kuliululwa kwa mina  
ku sutelezi.

Bapolofita ba buhata ba puma, Niti ya Mulimu  
ba i latula,  
Kuli Jesu Kreste ki Mulimu wa luna; (Ameni.)  
Kono luna luka zamaya mo ku zamaile ba  
apositola.

Kakuli lizazi la kuliululwa li fakaufi,  
Lipilu za batu za ikalelwa ka sabo;  
(Lindalamiti ni lika zeñwi kaufela.)  
Kono mutale ka Moya, malambi a mina atuke  
hande,  
Mutalime kwa halimu! kuliululwa kwa mina  
ku sutelezi.

515 Ameni. Kukutiseza lisupo kaufela! Sisupo sa Lota kwa  
nako ya maungulo. Lu fitile ku zona zeo. Kamo mane Lota. . .  
Lingeloi le, la Jehova le li ezizwe nama mwahala sicaba, ainzi  
ni mukokoto wa Hae ufulalezi kwa tende mi ali, “Ukai Sarah  
musala hao?”

“Mwa tende kwa mulaho wa Hao.”

516 Ki hali, “Ni ka ku potela.” Mi Sarah a seha. Mi ali, “Kiñi  
Sarah ha sehile?” Yena mwa tende. Ameni.

517 Jesu naize ikaba nto yeswana ni fa Kutaha. Oh, konakuli  
Liseli la manzibwana, la Malaki 4, litaha inge li benya mwa lififi,  
ameni, kutisa Liseli la manzibwana fa Linzwi le li lemuhilwe  
kale. Haleluya! Liñusa la bune lani ki sikamañi? Mulumiwa wa  
bune yani ki sikamañi? Kuli a benyise Liseli fa Linzwi. Linzwi  
li lemuhilwe kale. Lina ni kutaha. Sesiñwi sina ni kuezwa cwalo,  
kakuli Mulimu naize, “Ni ka kutiseza, kubulela Mulena. Ni ka  
kutiseza.” Kiniti. Maseli a manzibwana ataha inza monyeha, fa  
Linzwi leli lemuhilwe lani. Eeni, muñaka.

Oh, kukaba Liseli ka nako ya manzibwana,  
Nzila yeisa kwa Kanya mu ka ifumana kaniti;  
Mwa nzila ya mezi, kuna ni Liseli kacenu,  
Kupumbekwa mwa Libizo lelinde la Jesu.  
Banana ni babahulu, mubakele libi za mina  
kaufela,  
Moya o Kenile uka kena mwateni luli;  
Kakuli Maseli a manzibwana atile,  
Ki niti kuli Mulimu ni Kreste ki Alimuñwi.

518 Ki Bani fani, Alimuñwi, hamoho; Alimuñwi, ku luna. Lisupo  
ze swana zeo batu habakoni kuezwa, ki kuiponahaza ili zona,  
kutaha kwande, ki Linzwi, ku litise Linzwi la Mulimu le li  
lemuhilwe, kuzwa mwa mibisi ya Kota kwa mulaho kwani, kuli

likopano kaufela ze ne hana, ni kuhana, ni kuhana. Kono ku ka taha Liseli. Ku ka taha Liseli, le li ka zuha.

519 Libaka lifi, mwa Jerusalema? Batili, muñaka. Maseli a manzibwana haana kuzuha mwa Jerusalema. Maseli a manzibwana aya (kai?) kwa Wiko. Neba nani lizazi la bona ni ku Li hana.

520 Kono Liseli la manzibwana lika pazulela kwa Wiko (kwa sikamañi?), ku to benya fa Linzwi (sikamañi?), kuli libuzwise muselo, kutisa Kota ya Munyaliwa ka lisupo zeswana, ze komokisa, ni miselo yene ba nani kwa simuluhó. “Ku kaba Liseli mwa nako ya manzibwana.” Luli. Oh! Linzwi li ka tisa muselo wa Lona mwa mwaha wa Lona. “Halina ku letuka, kono Li ka beya muselo wa Lona,” Davida ali, “mwa mwaha wa Lona,” ameni, ki muselo wo swana wo Ne banani kwa kwamakalelo.

521 Cwale ni Linzwi la Hae mwa siyemo sa Hae se si lemuhilwe kale inge Mwa bezi ni Lona cwale, mi lubona Manzwi aa kaufela inza iponahaza. Ki sikamañi seo? Ki bupaki bo bu petehile kuli Kutaha kwa Mulena ku sutelezi, ni nako ya Na bulezi kuli, “Ni ka kutiseza, kubulela Mulena, kaufela ze cilwe ki nziye yekima, ni ze ba siile ba Methodist, kaufela se si cilwe ki nziye yefubelu, kaufela se si ezahalile fani, kufitela ba Li tubula kaufela. Kono Ni ka kutiseza, mwa nako ya manzibwana.” Oh, mawi! Whew!

Ni lumela kuli Ni batile ku kukutaza cwale, ka kusepahala.

Oh, mo Ni latela Jesu,  
Oh, mo Ni latela Jesu,  
Oh, mo Ni latela Jesu,  
Kakuli U ni latile pili.

Ha nina ku Mu hana,  
Ha nina ku Mu hana,  
Ha nina ku Mu hana,  
Kakuli U ni latile pili.

522 Ameni. Kikuli ha mu Mu lati nji? Na Mu lata fela ka pilu yaka kaufela. Kana lu be ni mukoloko wa ku lapelela? [Kopano ili, “Ameni.”—Mu.]

523 Mulimu Ndate, mwa mazoho a Hao Ni—Ni beya Liñusa le. Ni ha Li lemakilwe fela, ka nzila yeñwi Ni lapela kuli Moya o Kenile u zamaye ni Ona fa matepu aa, ni mwahala linaha. Mi haiba Ni ka zwiswa mwa lifasi, Se ha si pile, Mulena. Ki Linzwi la Hao. Tuhela kuli Liseli la manzibwana li benye, Mulena, tisa Munyaliwa ya kanya yoo wa Krete. Aku Li fuyole, Mulena. Lisike la kutela ku Wena mukungulu fela. Mane Li pete se Li lomezwi. Lumeleza cwalo, Ndate. Milumbeko kaufela i ka ba ya Hao.

524 Cwale, lwa ziba, Ndate, hakuna taba ka se lu ka bulela, Isali Linzwi mi lwa Li lumela. Kono lu lakaza Wena, Mulena, ka kakusasana wa Paseka cwana, kuli U bonise kopano ye, mwendi

babañwi mo ka nako yapili, kuli U sa li Jesu, kuli Ha u ya shwile, kuli U Mulimu yapila, Mulimu ya zuhile, kuli U pila mwahala luna kacenu. Lumeleza cwalo, Ndate, mi lu ka Kū lumba, ka Libizo la Jesu. Amen.

525 Ki babakai mwahali mo baba kula? Halu boneni mazoho a mina. Mu nanule fela mazoho a mina. Oh, kikuli . . .

526 Kana Billy Paul. . . Kikuli u ngile. . . Ni lumela kuli ufile makadi a litapelo. Nji cwani? [Muzwale uli, “Eeni.”—Mu.] Nebali sikamañi? [“E, wani kuisa fa mwanda.”] E, wani kuisa fa mwanda. Halukoni ku inga kaufela zona, kono ha lungeni zelikani za zona. Muyeme fela ona fa, haiba mwa kona.

527 Ki mañi yana ni nombolo yapili? Halu boneñi nombolo yapili. E, nombolo yapili, nanula lizoho la hao. Kadi ya tapelo; talima fa kadi ya hao. Haiba wakona kuyema, ku lukile. Nombolo yapili.

528 Kihande, kikuli una ni yeswanela? Ku lukile. Ku lukile. Ha luyeni, lu kale kokuñwi. [Muzwale Neville uli, “Ki yona yeinzi fani.”—Mu.] Oh, kihande, kihona. Haiba muna ni yona, luka kalela ona fani, kanti. Kihona.

529 Nombolo yapili, lukisa nzila ya hao ona fa, haiba wakona kuzamaya. Haiba ha u koni ku zamaya, kihande, lu ka i lwala. Mwabona? Ku lukile. Nombolo yapili.

530 Nombolo yabubeli. Nanula lizoho la hao, kapili cwale. Nombolo yabubeli, taha kwanu.

Nombolo ya bulalu. Ona fa, muñaka.

Nombolo yabune, nombolo yabune.

531 Nombolo yabu ketalizoho. Cwale, mañi ni mañi aine fela ka mizuzu yelikani. Nombolo yabu ketalizoho.

532 Nombolo ya bu silezi. Nanula lizoho la hao kapili. Nombolo ya bu silezi. Silezi, silezi, halubone ni bone, shangwe. Yomuñwi u supa lizoho la hae. Ha ni . . . Oh, kuzwa . . . U kutezi mwa muzuzu mwani. Ku lukile. Nombolo ya bu silezi. Ku lukile. Fa nako nyana fela cwale.

Sebene, sebene. Ku lukile, kalibe kwa mulaho kwani. Eiti.

533 Cwale, haiba mañi ni mañi abe fela mwa. . . Shangwe, fa nako nyana fela cwale. Mukuze fela cwale. Cwale, bo bu kaba bupaki. Bo kona bupaki.

534 Silezi, sebene. Iliñwi, zepeli, zetalu, zene, zeketalizoho, silezi, sebene. U zamaye mwa fahalimu fani. Ku lukile. Sebene. Ku lukile, muñaka, zeo ki zende.

535 Eiti. [Muzwale Neville uli, “Kalibe yo kiyena wabu eiti.”—Mu.] Eiti, eiti. Ku lukile, muzwale. Eiti, naini, lishumi. Lishumi, ilebene, twelufu.

536 Kihande, ku bonahala inge kuli mu tuhezi kutaha. Kihande, lu ka kalela fani. Zeo li lukile. Mwendu mwa mizuzu yelikani . . . Ku lukile.

Halu lapeleñi cwale.

537 Mulimu Ndate, Linzwi fela lelizwa ku Wena li ka talusa zetuna hahulu. Tuhela—tuhela—tuhela sicaba sibone, Mulena. Ni—Ni likile kuba ya sepahala, kulika ku ba bulelela Linzwi la Hao. Mulena, swalela mafosisa a mutanga Hao. Na—Na fela, Ni—Ni banga fela yafosa hahulu ka zona, Mulena. Ni—Ni lapela kuli Usike wa talima fa mafosisa a mutanga Hao, kono Uka talima fa Linzwi la Hao, le Ni lika ku kutaza. Mulena, Na itumela ku Wena ka Lona. Ni tabile, ka pilu yaka kaufela. Mulena, Ki nto yetuna kufita bupilo, ku na. Ni fa bupilo bwaka, ka nako kaufela, ka Lona. Ni—Ni ziba kuli Ki niti. Ki Linzwi la Hao.

538 Mi shangwe ni swalele linzila zaka za kukuba, Mulena. Linako zeñata zeo Na—Na shenaunanga ni kueza lisheha, kuli ha Ni lukeli kueza. Na i kutwa kuswaba ka zeo, Mulena. Kona ni sa zo zwa fela kwa lubasi lwa mufuta o cwalo. U si ke wa si lemuha fela, shangwe, Ndate, haiba U lata. U li apese ka Mali a Hao. Seo kona se Ni Ku kupa kuli ueze. Fela, Na i pulela. Ha ukoni ku i tobha zona, kono U kona ku ni swalela foo ha Ni i pulela.

539 Cwale, Ni ipulezi libi zaka. Ni bakela libi za sicaba se. Na lapela, Mulimu, kuli U ba swalele, mañi ni mañi.

540 Mi sicaba, mane ha ba lemuhe kuli ha lu liki fela kueza kezo yeñwi cwalo. Ki Moya o Kenile mwa mazazi a maungulo, o pakelana ni Linzwi la Hae, inge ha Ni sa zo Li bulela fela. Kono, Ndate, hakuna taba, Na ni mutu fela. Mi haiba Ni kona ku Li bulela, ba li, “Yani kona toloko ya hae. Sani kona sa nahana ka Zona.” Kono, Ndate, haiba U ka bulela fela ni kubonisa kuli Ku lukile, konakuli bana ni kuba cwalo, bana ni kusilela ku Wena, kuli ba be ka Zona, kanti, Mulena. Konakuli Haina kuba toloko yaka; ikaba ya Hao. Lumeleza cwalo, Mulena. Mi haiba Ni mutanga Hao, mi—mi—mi libi zaka li swalezwi, mi U ni bizelize musebezi woo, kipeto bulela ku lona, Mulena. Ni lapela kuli U lumeleze cwalo. Folisa bakuli ni baba zielehile kai ni kai, ka Libizo la Jesu, Na lapela.

541 Mi haiba Uka itibahaza fela ili Wena ku luna cwale, inge fela mo No ezelize kwa siliba kwani, ni musali yani, foo ha No ambola ni yena. U mu bulelezi nto ye fosahalile ku yena. Nana ni baana ba ketalizoho. Cwale, No sepisize kueza cwalo mwa nako ya manzibwana. U sepisize kueza cwalo mwa mazazi a maungulo. No ize, “Mi ku cwalo, kacwalo kona mo ku kabelani fa Kutaha kwa Mwana mutu. Inge mo ne kuinezi mwa mazazi a Lota, kona mo ku ka bela,” Mulimu inza pila mwa mubili wa butu, unzo zamaya mwahala luna, mwa mufuta wa Keleke ya Hae, mwa Moya o Kenile, inza eza lisupo zeswana. Lumeleza

cwalo, Mulena, kacenu fela. Kana ha Una kueza cwalo, Ndate? Kipeto, Ni lapela kuli U lumeleze sicaba ku si bona, mi mañi ni mañi a foliswe ni kupiliswa, kwa kanya ya Mulimu. Ameni.

542 Cwale, Ni ka tokwa kutwisiso ya mina cwale, haiba mukaba fela ka likute fa mizuzu yelikani. Cwale, mañi ni mañi, mu kutumane fela mo mu swanela kubela cwale.

543 Kikuli mu na niti luli kuli mu lemuhile siyemo se Ni keni ku sona cwale? Ni kutalize Linzwi mo, lona Linzwi la Mulimu. Se ni bulezi kuli kaufela Ki sa niti. Jesu naize, kuli, “Ya lumela ku Na, misebezi ye Ni eza uka i eza ni yena.”

544 Cwale, Ni bata ku mi buza puzo. Mu tokomele kamba mu—kamba mu kabulela kuli “ameni” kamba nee, cwale. Jesu, yena Kasibili, na si ka ipapata kufolisa mutu ufi kaufela. Yeo ki niti. Na ize, “Ha ki Na ya eza misebezi. Ki Ndate Ya pila ku Na.” Kana ku cwalo? Mi Jesu naize, ku Muñoli Joani 5:19, “Kaniti, kaniti, kamaniti luli, Ni li ku mina, Mwana Hae luli. . .” Kakuba Mutu, Nali fela Tabernakele mo Mulimu na pila. Mwabona? Na ize, “Mwana hakuna sa kona kueza ka yena Anosi; kono konji Sa bona Ndate a si eza, kona sa ka eza ni Mwana ona cwalo.” Ka manzwi amañwi, “Ndate u Ni bonisa pono, sa kueza, mi Ni eza fela Mwa Ni bulelela.”

545 Cwale, zazi leliñwi lu fumana kuli nekuna ni, kuli, musali nyana na palelwa kukena mwa mukoloko wa litapelo. Nana ni butata bwa mweya, mi nana ni bona hala lilimo zeñata. Kacwalo aswala fela sapalo sa Hae, inza bulela mwahali ku yena. . . Na sa ikoneli; neli fela ya shebile, yomunyinyani, musali ya supezi, ya na sina masheleñi cwalo. Mi na palezwi kufita fahalimu fani ni baprisita bani ni babañwi kaufela inge bayemi fani, yana bile ni liswanelo za kuyema ni lika kaufela. Kacwalo apalelwa kuyema fani, kacwalo a hohoba fela kufitela afita fani ni kuswala mungundo wa sapalo sa Hae. Musali ali, “Ni lumela kuli Yena uteni fela ona cwalo. Yena, U lutiseza Niti, ili Bupilo. Ni lumela kuli ki Yena Linzwi la Mulimu. Mi haiba Ni kona fela ku Mu swala, Nika—Nika foliswa.”

546 Kikuli mwa lumela? Kikuli mu ka lumela nto yeswana yana lumezi musali yani, kuli ki Yena Linzwi la Mulimu? [Kopano ili, “Ameni.”—Mu.] Cwale, Bibe ibulela cwana, kacenu, kuli, “Ki yena Muprisita Yomutuna, Muprisita wa luna Yomutuna ona fa cwale.” Kikuli mwa lumela cwalo? “Kasamulaho wa zuho ya Hae ni kukambama kwa Hae, A kambamela kwa Lihalimu ni kufa limpo kwa batu. Mi cwale U inzi kwa lizoho la bulyo la Mulimu, Yamata kwa Lihalimu, ni kuli alu lapelele kwateni ku se lu bulela.” Kana ku cwalo? “Mi Yena ki Muprisita Yomutuna yakona kuba. . .” Sikamañi? [“Kuswaliwa.”] “Ku swaliwa ka. . .” Sikamañi? “Maikuto a matuku aluna.” Cwale, haiba U cwalo. . . Mwa lumela kuli Wa swana?

547 Cwale mutalime, haiba mutaha kwanu, mi mu ni swale fela, musihali kaufela, hakuna shutano ni yekana. Haiba u sweli muzwale yomuñwi kaufela, kezeli, hakuna shutano ni yekana; ka mukwa fela wa kubeya mazoho, ku felile. Kono haiba u Mu swala fela, kona fela zo swanela kueza.

548 Mi mutalime, haiba mu Mu swala ka . . . ni mufuta wa sizo cwalo sina mo ne ba ezelize. Se bali, “Oh, lu lumela Muluti yomutuna yoo. Yo ki Mupolofita.” Kihande, Hakuna sa na bulezi.

549 Kono musali nyana yani nana ni nto yeñwi yene Mu sweli: tumelo ya hae. A swala sapalo sa Hae, mi ki Hali, “Ki mañi ya Ni sweli?”

550 Kana ha mu lumeli kuli Bibebe ibulela kuli Yena ki Muprisita Yomutuna ya swana kacenu ya Na liteni ka nako yani, Yena, mi wakona ku swaliwa ka maikuto a matuku aluna? Mwakona ku Mu swala kwande kafoo, kamba muinzi mwa mukoloko wa tapelo wo kamba nee. Haiba wa kula, kamba haiba una ni mulatiwa ya kula, haiba una ni sesiñwi mwa pilu ya hao, mutahe fela ka likute fapila Mulimu ni kubulela kuli, “Mulimu, Ha ni zibi ka muuna yani ya yemi fani. Ki muuna wa sitenda. Yena, ha ki sesiñwi, kono Ni lumela kuli sa kutalize ki sa Niti. Mi Ni lumela kuli na bulezi taba ye lukile, kuli ki Wena Muprisita Yomutuna. Cwale Ni bata ku Ku swala. Mi haiba u ni bulezezi Niti, konakuli U itusise milomo ya hae kubulela, sina mo No ezelize ku musali kwa mulaho kwani.” Mubone haiba Wa swana maabani ni kuyakuile. Mueze cwalo. Zeo ha ki ku Mu eza fela kuba ya swana maabani, kacenu, ni kuyakuile? Nji cwani?

Ku lukile, mañi ni mañi muine mwa libaka za mina ni kulapela ka likute.

551 Uli sikamañi? [Muzwale uli, “Nina ni makadi a litapelo.”—Mu.] Huh? [“Ufile a twenti-faifi.”] Nina ni a lishumi kwa mulaho kwani cwale? [“Fotini.”]

552 Lishumi, ilebene, twelufu, setini, foutini, fifitini; kana makadi a litapelo lishumi, ilebene, twelufu, setini, foutini, fifitini, sikisitini, sebentini, eitini, naintini, twenti, twenti wani, twenti tuu, twenti sili, twenti fo, twenti faifi: zeo li lukela kueza mukoloko omunde. Haiba lu . . . Ni sepa kuli haluna ku mi buluka mo nako yetelele. Kono cwale . . .

553 [Yomuñwi ubulela ni Muzwale Branham—Mu.] (. . . ? . . . Kana wena umulizi wa piano? Yeo ki niti. Mutuhele fela . . . Zeo li lukile.)

Ha lu i ñuneñi cwale, kaufela hamoho, habanze ba fita ku zona. *Lumela Feela.*

Lumela feela, lumela feela,  
Kaufela za konahala, lumela fela;  
Lumela fela, fela . . .

Mulumele sikamañi? Linzwi la Hae ni sepiso. Kwa sikamañi?

## Kaufela za konahala, lumela fela.

<sup>554</sup> Kutuluka fa lilundu, nekuyemi balutiwa fani. Neba komisizwe ka taba ya kanono yani. Ndatahe na yemi fani, inza talimezi mwana hae, inza lila. Balutiwa ne ba sweli kufita mwa butali bwa bona, kono ne li si ka beleka. Jesu ataha inza zamaya cwalo. Babañwi ba bona bali, “Ki Yani fani.” Yomuñwi na ba supeza ku Jesu; kwahule ni baituti ba za bulapeli, ku Jesu. Kwani kona koo Ni bata kusupeza sicaba; isiñi kuna, kamba keleke yeñwi, kono ku Jesu. Ali, “Wa kona.”

<sup>555</sup> Kacwalo bo ndatahe ba mata, ba wela kwa mautu a Hae, mi bali, “Mulena, u utwela butuku mwana ka. U katazeha hahulu ki diabulosi. Wa wanga. Wa zwanga ni lufulo kwa mulomo. U kenanga mwa kunyakaula,” kanono. Mi ki hali, “Mi Ni mu isize kai ni kai. Mi mane nihaiba balutiwa ba Hao ne ba si ka mu ezeza sika.”

<sup>556</sup> Jesu naize, “Na kona, haiba u ka lumela, kakuli lika kaufela za konahala ku ya lumela.”

Fela . . .

Yaswana maabani, kacenu, ni kuyakuile! Kaufela zona liteni cwale. Amu kuze mañi ni mañi.

. . . lumela,

Lika kaufela za . . . (Ha ki nako ni yeo!)

Lumela feela, lumela feela,

Kaufela za konahala, lumela fela.

<sup>557</sup> O Mulena, Linzwi liteni ona mo kaufela cwale. Tuhela kuli Liseli la manzibwana li benye, Mulena, u Li eze kuba le li pila. Ka Libizo la Jesu Kreste, Na lapela. Amen.

<sup>558</sup> Cwale, ka Libizo la Mulena Jesu Kreste, Ni beya moya kaufela woli mwahali mo mwatasa zamaiso yaka, kwa kanya ya Hae.

<sup>559</sup> Ni talima mwa mukoloko wa tapelo wo. Hakuna nihaiba mutu alimuñwi mwa mukoloko wa tapelo wo yo Ni ziba. Bona, mañi ni mañi, ki baenyi ku na. Kaufela mina mwa mukoloko wa tapelo woo, babali baenyi kuna, mi hakuna se Ni ziba ka mina, matata a mina kamba hakuna, amu nanule mazoho a mina, mañi ni mañi mwa mukoloko wa tapelo.

<sup>560</sup> Ki babakai mwahala sicaba babali baenyi kuna, mi hakuna se Ni ziba ka mina? Muna ni mata aswana kwande kafoo, inge ba mo ezeza ba mo. Fela, Ni sweli kunga mutu alimuñwi ka nako.

<sup>561</sup> Fa, haluboneñi ni nge se fa, fa muzuzu fela. [Muzwale Branham u zamaisa maikulofoni—Mu.] Kana mwa utwa cwale ka se? [Kopano ili, “Eeni.”]

<sup>562</sup> Kalibe yo fa. Ki yo muuna ni musali, bakopana hape. Ha ni mu zibi, nali kuba ni mubone fateni. Ki muenyi kuna, kono ki muenyi ya petehile fela luli.

563 Ni eza fela kuya ka mayemo a Linzwi lani. Linzwi lani li bulela kuli, “Misebezi ye Ni eza muka i eza ni mina, haiba mu lumela ku Na.”

564 Kakusasana omuñwi, foo pono yani hane itile hape, kasumulaho wa likiti kiti za zona, mi ali, “Pata ye sa palelwi ya Jesu Kreste inzi ni wena kaufela ko uya.” Na lumela cwalo, ka kufelelela, ka pilu yaka kaufela. Haiba ha Ni mi boni hape, mu lumele kuli yeo ki Niti? Yeo ki niti.

565 Ki yo fa musali ye Ni si ka bona kale fateni mwa bupilo bwaka. Ki musali fela ya amuhezi kadi ya tapelo.

566 Mushimani mwa ezezanga zeo hañata, utahanga kwanu, unga makadi a litapelo ni ku a kopanya, hamoho, fapila mina sicaba. Ufa mutu kaufela kadi ya tapelo ya bata ilinwi, kaufela ko ifumaneha. Hakuna ya ziba ko ku ka kalela mukoloko, kamba hakuna sika ka zona. Kabakaleo, mushimani ha na kubulela kuli, “Oh, cwale *fa*, haiba u ka ni fa *bukana*, Ni ka ku beya kwa pata, mi ube ya ziba hande kuli uteni.” Ha zibi niyena. Uh-huh. Hakuna ya ziba.

567 Lu kala fela. Kaufela ko u bulela Moya o Kenile kuli “biza,” lu biza kuzwa ona kwani. Mi Ni sepa kuli fokuñwi Ni nga mutu, foo ha Ni li kwanu, sihulu, kuli yomuñwi ha si ka...baenyi, mwabona, be Ni sa zibi.

568 Cwale, haiba musali yo ya yemi fa, haiba ki...Kuna ni se si fosahalile. Mwendi wa kula. Mwendi kwa kona kuba ni yomuñwi, ya kula. Hakulata—hakulata—hakulata ukona fela kuyema fani, mwendi u bonahala fela inge ya kula. Mi mwendi uyemi fela fani, inza lika ku swabisa sesiñwi. Haiba u cwalo, mutalime fela se si ka ezahala. Mwabona? U bile ni zona, u boni sani ha si likile, ni wena. Nji cwani? Eeni, muñaka. Mu ba bone ha ba mu nanula mwa munyako, inge a shwile. Mwabona? Uh-huh. Kacwalo cwale muka—muka lemuha fela, mubone haiba ki niti kamba nee. Mwabona? Mulike cwalo, mwabona.

569 Cwale, ha lu bapali keleke, balikani. Lu kwa nako ya maungulo. Muselo u fahalimu a kota, wa buzwa. Yeo ki niti. Mulena wa taha.

570 Ha ni mu zibi. Mulimu wa mu ziba. Na mu zibile. Ku si kaba kale lifasi, Na mu zibile. Na ziba kuli na ka yema ona fani. Na ziba kuli Ne ni ka yema ona fa. Kakuli, Yena ha palelwi. Kana ku cwalo? Cwale, haiba Yena ha palelwi mi na li zibile, konakuli Wa ziba libaka la yemezi musali yo fani. Kipeto, yena Mulimu yaswana yani ki... .

571 Jesu, foo ha Na li fa lifasi fa, ni Mulimu ku Yena, yana ambola ni musali fa lisima, ni ku mu bulelela nto ye fosahalile ni yena. Kaufela lwa ziba seo nesili sona. Nji cwani? Mi musali ali, “Muñaka, U swanela kuba mupolofita.” Yani neli yona ponahazo ya hae ya pili. “Cwale, lu ziba kuli seli nako ya Mesia kuba fa, ya bizwa Kreste. Mi foo Ha taha, yani ikaba yona taba Ya eza.”

<sup>572</sup> Cwale, haiba Yena ki “ya swana maabani, kacenu, ni kuyakuile,” mi usepizize ka Linzwi le lona le Ni sa zo kutaza, kuli mwa nako ya manzibwana Na kaba mo ni kueza nto yeswana, konakuli lu i libelezi. Kana ha kucwalo? Nji cwani? Lu libelezi zuho ya Keleke yani. Cwale, haiba Uka eza ku musali yo ka kuswana sina mwa Na ezelize kwa mulaho kwani, sani si paka Linzwi, kuli Ki niti.

<sup>573</sup> Cwale, kalibe u sweli fela lizoho la hae, mi ni na, kuli lu baenyi, ku yomuñwi ni yomuñwi. Ha ni mu zibi. Nali kuba ni mubone fateni. Ki muenyi fela, ya yemi fa. Kona mo mu inezi, kwande koo, buñata bwa mina.

<sup>574</sup> Ni ziba babañwi ba sicaba se baba inzi mo. Mi ha Ni zibi babañata. Ni ziba musala Bo. Collins fa. Na ziba hande ka zeo. Kezeli, musala Muzwale Ben, mi Ni boni Muzwale ni Kezeli Dauch mo, fa nako nyana . . . Muzwale Wright; Muzwale, Kezeli Dauch; muzwale kwa mafelelezo kwani. Na ziba babañwi ba mina, mwahali mo. Kono Hani—Hani zibi buñata bwa mina, kakuli Hani bangi mo hahulu, kuli lu twaelane. Mi luna ni baenyi mwahali mo.

    Mi kacwalo mu lapele fela.

<sup>575</sup> Haiba Ni muenyi ku wena, mi Ni bulela kuli Maseli a manzibwana atile. Mi Liseli la manzibwana likaba le liswana ni Liseli la kakusasana. Li ka patulula miselo yeswana ya likunutu za Mulimu, kubulela ka moya. Yeo ki niti. Cwale, Ni ambola fela ku wena sina mwa Na ezelize ku musali yani fa lisima. Mi ali, “Aku Ni fe kwa mezi.” Mwabona? Ni bulela nto yeswana. Yani ha ki na. Ki Yena. Kono haiba Uka patulula ku na so yemezi foo, mwabona, haiba Uka patulula ku na so bezi teñi, konakuli uka ziba kuli Wa ziba mwa bupilo bwa hao kaufela. Haiba Uka mi bulelela nto yeñwi yebile teñi, mwabona, mwa ziba haiba yeo ki niti kamba nee. Kipeto haiba U ziba se sibileteni, mi u kona ku ku bulelela sona, Wa kona . . . kaniti u ka Mu lumela ka nako yeo se si ka ezahala. Haiba Akona ku ku bulelela so ezize kwa mulaho kwanu, kaniti zeo likona kupatulula za kwapili zateni, kamba za kwa mulaho zateni, za kwapata, ni zeñwi kaufela, ku li kondisa hande.

<sup>576</sup> Kikuli kopano ika lumela ku Yena, ka lipilu za mina kaufela, haiba Uka eza cwalo? Ni lumela kuli ne mu ka lumela, kamba Na ka eza cwalo kamba nee. Mu sa lumela cwalo, kono se si ka li bisa fafasi.

<sup>577</sup> Cwale, Ni sweli fela kutalima musali yoo, mi usweli kuba ya tozizwe. Wa ziba, kakuba muenyi kuna.

<sup>578</sup> Kono mutuhele fela ni mi bonise cwale. Buñata bwa mina mwa bona siswaniso sani ha si pahekilwe fahalimu fani. Cwale, Sani ha ki sona, fahalimu . . . Liseli lani, Sani ki sona luli Se si nyendaela mwahala ka ni musali yani ona fa cwale. Kana ha mu boni Sani? Ki mufuta wa—mufuta wa kirimu, ya mubala wa yelo

ni butala, inge emerodi ya Liseli, sina mo lu li bizeza, Li sweli kutaha fela hande. . . Zeo kona Ze eza kuli aikutwe. . .

579 Cwale, tuhela fela ni ku bonise nto yeñwi. U ikutwa bunde luli, maikuto a bunolo. Haiba yeo ki niti, kalibe, nanula lizoho la hao kacwalo kuli batu ba bone. Mwabona? Ha. . . Musali hakoni kuikambusa kwa ku sa Li utwa, A teni ona foo. Mwabona?

580 Cwale, cwale, haiba Li mu kena ku yena, Ha ni zibi. Ku itingile. Zeo lina ni kuba Mulimu. Hanikoni kueza cwalo, na kasibili. Ki—ki Mulimu ya lukela kueza cwalo. Eeni.

581 Kalibe yo luli, kuya ka butu, uswanela ku yo pazuliwa. Una ni sesiñwi seo dokota aka mu bulelela kuli, “Sani si lukela ku pazulwa,” kono ha swaneli kuya ku dokota. Yeo ki niti. Mi musali—musali. . . Ki—ki sikoto se si melile. Mi sikoto sani siteni kwa neku la silyo, bukaufi ni moongola. Yani ki niti. Haiba yeo ki niti nanula lizoho la hao, ili kuli sicaba sibone. [Kezeli uli, “Yeo ki niti.”—Mu.]

582 Cwale wa lumela? Cwale, ha u li boni, (Mwabona? Mwabona?) kono u li lumele ka pilu ya hao kaufela cwale, kuli ki niti. Ku lukile. Ku lukile.

583 Cwale mu li, “Mwendi u nuhile seo, Muzwale Branham.” Ha u koni kunuha zeo, linako ze milioni, ka kupetahala.

584 Kihande, mu mutuhele fela ayeme foo, fa muzuzu. Li zwile ku na, ona fa cwale. Cwale, fela, halu boneñi, fa nako nyana fela, mwabona. U bonahala kuba hande; Mukreste. Cwale ha lu boneñi. Cwale haiba Uka lu bulelela taba isili fela ye kaba. . . Eeni. Ki yo wa kuta hape. Eeni, muñaka. Musali wa—musali wa. . . Eeni. Ki—ki sikoto, seo kikuli, seo ma dokota ba ka zwisa. Mi ki. . . Ne si katisa butata. Kono uka sepa Krete ka zona.

585 Mi ha ki zeo fela. Ha zweleli kwanu. Mi una ni yomuñwi hamoho ni yena. Ki muuna hae. Mi wa kula, ni yena. Yeo ki niti. Kana wa lumela kuli Mulimu wakona ku ni bulelela, ha Ni sweli kotalima muuna yo fa, mwa pono ye, se si fosahalile ku yena? [Kezeli uli, “Eeni.”—Mu.] Kihande, u mu bulelele fela kuli ayo ca mulalelo wa hae. Butata bwa mwa mba ya hae bu felile. U lumela kuli ki Krete ya eza cwalo? Eeni? U zwa kwa Tennessee, Nashville. Yeo ki niti. Musala bo. Binkley. Ku lukile. Wa kona kukuta kwa ndu cwale mi ube hande, wena ni muuna hao. Mulimu aku fuyole.

586 Wa lumela ku Mulena Jesu? Haiba nji yani ha ki Mulena Jesu ya swana yanali mwa mazazi a kwa mulaho, mwa Keleke ya Liseli la manzibwana! Mubuze musali yoo, kubulela kuyena, mu mubuze haiba litaba zeo ze bulezwi ki za niti. Haiba mu ka lumela feela! Cwale kana mwa ikutwa kuli Yena ki Krete ya swana? Cwale, mwa ziba kuli ha Ni koni kueza cwalo. Ni mutu. Ni muzwale wa mina. Kono Yena ki Mulimu.

587 Cwale ha lu boneñi. Kana yo ki yena mutu ya tatama? Ki mina bene bali mwa mukoloko wa tapelo? Ku lukile.

588 Cwale, kakuli, tozo yani, mwa lemuha, i ni fokolisa fela, inge mo Ni sa zibi. Cwale, Jesu, foo musali yomunyinyani yani hana sweli sapalo sa Hae, Na ize, “Ni lemuhile kuli mata azwile ku Na.” Kana ku cwalo? Seo si talusa “mata.” U fokozi. Mi haiba Yena . . . Haiba sani ne si ka ezahala kwa Linzwi, Kasibili, ne si ka eza sikamañi ku alimuñwi fela yoo Linzwi li tile ku yena? Ki sikamañi sene Si ka eza sani? Haiba ne si ezize sani ku Mwana Mulimu, ku cwani ha ne si ka taha ku na, muezalibi ya pilisizwe ka sishemo sa Hae? Mwabona? Za ni katalisanga fela ni kupikuluha. Mwabona?

589 Kono, niteni, Ni teni mo ku to Mu yemela. Ku yem- . . . Ni muyemeli ya shebile. Ni—Ni bakela libi zaka kaufela, kuli—kuli hamuna kotalima ku Se nili sona; kono mutalime Yo ali Yena, kuli mutalime ka nzila yani.

590 Cwale, Ni muenyi ku wena, kalibe. Ha ni mu zibi musali yo, nihaike. Lu baenyi ku yomuñwi ni yomuñwi. Yeo ki niti. Cwale, haiba Mulena Jesu (na ha ni ku zibi, mi ni wena ha u ni zibi), haiba Mulena Jesu uka patulula sesiñwi kuna, so tezi kwanu, sika so ezize, kamba sika se ne u sa lukeli kueza, kamba nto yeñwi ka nzila yeo, wa ziba kuli yeo ikona ku ba yona, yeo ikona kuba makazo ye ipitezi. Sani ki sika se si sa koni ku tatulula. Makazo ki sika se si sakoni ku tatululwa. Mutu kaufela wa ziba cwalo. Mwabona? Yeo ikona kuba makazo ye ipitezi.

591 Ikona kuba makazo yetuna kufita kambe nekuna ni—ni kalibe yainzi fa mwa sipula sa mawili, mi ubile ni kuopa mwa lingongo, ni kucisa luli. Ne ni ka mubulelela kuli, “Nanuha u zamaye,” mi na ka zamaya kuzwa fani, mañi ni mañi na ka huwa ka zeo. Kono, mwa bona, kaniti mata a—a tumelo ya hae a kulumela, ni kuanuha fela ni kuzamaya, wakona kueza cwalo.

592 Kono kukuta kwa mulaho ni ku yo hoha bupilo kuzwa kokuñwi, zeo lilwala nto yetuna kufita foo. Seo si nga Mulimu fela anosi, koo mukona kubulelela, mwabona, mwa ziba haiba li lukile.

593 Cwale, kuna ni se si ezahalile, kokuñwi fela. Cwale mulibelele. Li zwile fa. Li ile kwa . . . liile mwa sicaba, kokuñwi, kokuñwi. Se li ile cwale.

Fa muzuzu fela. Haluboneñi ni ambole ku musali hape.

594 Cwale, mube fela ka likute luli mi mubone cwale. Mulapele fela, mube mulapele kafoo. Ni bata kuli mulapele, “Mulena, haibe na.” Babañwi ba mina sicaba kwande kafo, babasike kuba mwa mukoloko wa litapelo, mulapele fela.

595 Hape Ni bulela ku mina, ku toma- . . . kwa tumelo ya mina. Mwabona? Haiba ne li ka ezahalile ku musali yomuñwi yani,

nelika ezahala ku wena. Ki tumelo ya hao. Mwabona? Ki wena ya eza zeo. Ha ki na. Ki tumelo ya hao ku Mulimu. Mwabona?

<sup>596</sup> Jesu na si ka bulela kuli, “Oh, Ne ni ziba kuli Ni ka kopana ni musali yani kwani.” Batili.

<sup>597</sup> Kono foo zuho ya Lazaro ha itaha, cwale, sani kona sa na Mu bonisize Mulimu kueza. Mwabona? Mulimu ali, “Aku ikele.” Mi A—A bonisa fela sa Nali sona. Aya kusili. Mi kipeto Ha yo kuta, Ki hali, “Lazaro u lobezi.” Mi ki Ha kuta, mi a yo zusa Lazaro mwa libita. Abiza moyo wa hae, kasamulaho amano timela mazazi amane. Na si ka bulela kuli Na fokozi fani. Yani neli Mulimu yana itusisa mpo.

<sup>598</sup> Kono, se, fani musali yani hana Mu sweli, neli musali yana itusisa mpo ya Mulimu.

Mi yeo ki nto yeswana ni mo. Ki wena ya eza cwalo.

<sup>599</sup> Cwale, ku se, fa misipili ya kuzuma, koo ki . . . Ni boni bere, ni koo lika ze shutana, ni lika ze shutana ze kaufela ze bulezwi kale fa, li bulezi libaka le li tilo ezahala, ki linzwi fela ka linzwi. Yani ki Mulimu. Sani ha si ni bilaezi.

<sup>600</sup> Kono foo sicaba ha si kala kuitusisa mpo ya Mulimu, mwabona, uba mutanga wa Mulimu kwa batu, kuli ukene fela mwa mukoloko. Mwabona?

Mi kipeto mu Mu swale ka sona, kipeto Wa bulela hape. Mwabona?

<sup>601</sup> Cwale, eeni, cwale musali wa taha mwa pono. Wa taha mwahali, kamba pono i sweli kutaha mwateni. Ku bonahala kuli mwakona kubona sani inge si mu potolohile. Musali wa kula. Yena luli wa kula. U nyandile, taba iliñwi, ka butata bwa mwa mba, bo bu maswe luli. Nanula lizoho la hao haiba yeo ki niti. Mi una ni matata a lika. Yeo ki niti.

<sup>602</sup> Hape una ni yomuñwi hamoho ni wena. Ki muuna hao, mi wa kula. Haiba Mulimu uka ni patululela, ku muuna hao, se si fosahalile ku yena, kana uka ni lumela kuba mupolofita wa Hae? Muuna yo u katazwa ki meto a hae, ka lizebe za hae, mi u mwa buino bo bumaswe luli. Eeni, muñaka.

<sup>603</sup> Kikuli wa lumela kuli Mulimu wa ku ziba? [Kezeli uli, “Eeni.”—Mu.] Kikuli uka ni lumela kuba mupolofita wa Hae, muboni wa Hae, haiba Ni ku bulelela yo uli yena? [“Eeni.”] Wa lumela cwalo? Musala bo. Robertson. Mi uzwelela kwa Huntsville, yani ki Alabama. Kuta, wena ni muuna hao, mi ube hande.

<sup>604</sup> Mwa lumela? “Lika kaufela za konahala ku ba balumela.” Haiba mukona fela ku lumela, haiba munga fela sibaka sa—kunga sibaka sa mina ni ku lumela kuli Mulimu wa si eza. Cwale, usike wa kakanya, kono ulumele fela ka pilu ya hao kaufela, kuli Mulimu alumeleze foliso ye ku wena, mi wakona kuba ni zo kupile kaufela.

605 Ku lukile, muñaka, aku tahe cwale. Ha lu boneñi. Kana ki wena mutu ya tatama mo? Ku lukile, muñaka. Ni sepa kuli lu baenyi, yomuñwi ku yomuñwi ni yomuñwi, muñaka. Haiba . . . Jesu na tile ku muuna yabizwa Simoni, amu bulelela ka buino bwa hae, mi sa eza Simoni kuya ni kulumela, ka pilu ya hae kaufela. Kana li ka kueza nto yeswana? [Muzwale uli, “Eeni.”—Mu.] Li ka ezahala. Kihande, luna ka kuba baenyi.

606 Cwale, Mulimu ha shutani mwahala muuna kamba musali. Yena wa swana fela. Ki Mulimu. Mwabona?

607 Mi kana u lumela cwalo (maikuto ani ali bukau fi ni wena cwale), kuli Mulimu akone kupatulula ku wena, ka na, mutanga Hae, nto yotezi kwanu yeo, kuna ni se si fosahalile ku wena, kaufela seo sili sona? Kihande, u ka ziba haiba ki niti kamba nee. Ku lukile. Mi Ha li lumeleze.

608 Muuna yoo utaha mwa pono, kamba pono itaha ku muuna. Hayo mo bakeñisa makulano. Uteni mo ubata kolobezo ya Moya o Kenile. Sani kona sa bata. Yani ki niti, muñaka. Eeni, muñaka. Mi ha uzwi kwanu. U zwelela kwa mukwakwa kwanu, sibaka se si bizwa Seymour, Indiana. Kwani, kwani—kwani kona ko u zwelela. Ba ku biza kuli, “Bill.” Bill, kuta, amuhela Moya o Kenile, ka Libizo la Jesu Krete. Lumela.

609 Taha, kalibe. Kana wa ni lumela kuba mupolofita wa Hae? Kana wa lumela kuli Jesu Krete, yena Mwana Mulimu, wa pila? Mi u lumela kuli ki Yena ya lumeleza se ku ezahala cwana? Wa lumela cwalo?

610 Ki babakai bo lubile ni bona? Sikamañi? Mwabona, Hani lati kuba ya fokola hahulu. Ku lukile.

611 Batili, ha ki sesiñwi; ha u yo kwanu unosi. U bezi kwanu bakeñisa mutu usili. Mi mutu yomuñwi yani ha yo mo. Haiba Ni ku bulelela butata bwa mutu yomuñwi yo, kikuli uka amuhela foliso, ni kunga ni ku lumela? Ki kansa. Kana wa lumela kuli ba ka foliswa? Konakuli zamaya, ka Libizo la Mulena Jesu, mi ulumele. Halu ezeni fela . . .

612 Kikuli mwa lumela, kaufela mina? Kana mwa lumela tozo ya Moya o Kenile yani? Kana ha Ki yomunde nji? Kana mwa lumela? Ku lukile.

613 Cwale, ki ba bakai bo lubile ni bona? Hañata bababeli, bababeli kamba babalalu, kona tiisezo. [Yomuñwi uli, “Babalalu.”—Mu.] Uli cwani? [Yomuñwi uli, “Yoo ki wabune he cwale.”] Wabune? [“Eeni.”] Kikuli yo ki yena wa buketalizoho ya yemi fa nji? Ku lukile.

614 Halu—halu lumeleñi ka lipilu za luna kaufela, kuli Jesu Krete Mwana Mulimu wa swana maabani, kacenu, ni kuyakuile.

615 Utile kwanu bakeñisa mbututu yani. Haiba Mulimu uka ni patululela se si fosahalile ku mbututu wa hao, kikuli uka lumela kuli Mulimu uka mu folisa? Mucaha yomunyinyani yani

una ni butata bwa pilu. Yeo ki niti. Ki mbu-. . .ha u cwalo, mbututu ha zweleli kwanu. I zwelela kwande a tolopo. I kwande a naha. U lumela kuli Mulimu wakona ku ni bulelela koo ku zwelela mbututu? Kikuli uka lumela, ni kulumela kuli u kaba hande kanti? Mu i kutise kwa Franklin, Kentucky. Eeni, ima, mi ulumele ka pilu ya hao kaufela. Haiba u ka lumela, kona fela zo lukela kueza.

616 Halu—halu. . .Taha kwanu fa muzuzu fela. Ni kalimela nto yemaswe yani. Ka Libizo la Jesu Kreste, lifu ha li zwe, mi bupilo bu tahe.

“Ba ka beya mazoho a bona fa bakuli, bao ba ka foliswa.”

U bata ku yo ca? U nahana kuli Uka ku eza hande? Muzwelepili cwalo. Li mi siile cwale. Amenii.

617 Wa lumela kuli butata bwa sisali bu ka ku siya? Ku lukile. Zamaya kwa sipula sa hao mi uli, “Ni Itumezi, Mulena.”

U ikutwa cwani, muñaka? Oh, diabulosi yani, kufipelwa!

618 Fa nako nyana fela. Fa nako nyana fela cwale. Sesiñwi sa fosahala. . .Sesiñwi ne si si ka fosahala; sa ba hande. Cwale, kuna ni sesiñwi mwahali mo, se si swana, sene si sweli muuna yani ka nako yani. Halu boneñi hape kuli neli sikamañi. Cwale aku ni talime fela. Usike wa bulela sika. Fa nako nyana fela.

619 Ki muuna yomunsu, yainezi kwa mulaho kwanu, yasweli ku ni talimela. Ki za hae. . .una—una ni mutu ya kula. Yeo ki niti. Una ni kufipelwa mwa sifuba ni mwa misinga ni libelenge. Yeo ki niti. U Mu sweli. Ha u zwi kwanu, muñaka. U zwelela kwa Upa, kwa neku la mutulo wa upa, neku *le*. Uzwelela kwa New York. Eeni, muñaka. Yeo ki niti. Ki mina Bo. Hunt. Mwa lumela cwale. Ku lukile, muñaka. Sani ki sesinde.

620 Yani ki mulikana mina yainzi bukaufi ni mina, wa lapela. Mwa ni lumela, muñaka, kuba mupolofita wa Mulimu? [Muzwale uli, “Eeni.”—Mu.] U tile kwanu ni yena. Libizo la mina ki Coleman. Mi mu—mu lapelela bondataho. Bana ni luñañali. Seo kikuli SA BULELA MULENA KISONA. Ulumele. Zamaya, ulumele cwale, li ka ku siya.

621 Una ni ku fipelwa mwa mba, iku katalize luli. Nji ha ku cwalo? Zamaya, uce. Ka Libizo la Mulena Jesu.

Wa lumela kuli U ku folisize? Kuta fela mi ubulele kuli, “Ni Itumezi, Mulena Jesu.” U lumele ka pilu ya hao kaufela.

622 U katazwa ki butata bwa kuikalelwa, kufilikana kaufela, ni zeñwi cwalo. U lumele ka pilu ya hao kaufela. Kuta mi ube hande.

623 Kuikalelwa. U lumele fela ka pilu ya hao kaufela. U lumele kuli Mulimu uka ku folisa, mi Uka eza cwalo. Usike wa kakanya ni hanyinyani.

624 Kuikalelwa ni butuku bwa pilu. Wa lumela kuli Jesu Kreste uka ku folisa? Zamaya, ube hande, ka Libizo la Jesu.

625 Kuikalelwa, kubilaela, butata bwa mwamba bwa ku kataza ni butata bwa moya mwa mba kona bo bu kutiseza lico ku lungalala. Zamaya, usike wa kakanya mwa pilu ya hao; mi ku ka ezahala kuli, hauna kuba ni zona ni kamuta.

626 Mukokoto wa hao ubile u ku kataza. U lumele ka pilu ya hao kaufela? Kipeto zamaya, mi Jesu Kreste wa ku folisa ku se.

627 Fa nako nyana fela. Amu kuze fela, fa nako nyana fela. Cwale sesiñwi sa ezahala. Musali yo fa u ipitezi. Liseli lani la mu poloha, kapili luli, mi la ikela, ni kukuta hape. Sesiñwi sa ezahala. Fa nako nyana fela. Neli muuna yomunsu, Ni sepa kuli ne si muzwale yomunsu kwani, kakuli ne li tile. . . Fa muzuzu fela. Ki se fa. (Mukute kwa mulaho, Billy.) Ki se fa.

628 Ki muuna yo yainzi fa, muuna yomunsu. U katazwa ki butata bwa mukokoto, niwena. Yeo ki niti. U muenyi kuna. Na ku wena. Kono kuna ni nto ilifiñwi yo tokwa hande kufita butata bwa mukokoto, foo ki kuli, fa pilu ya hao ku Kreste, ube Mukreste. Ha u yo. . . Kikuli uka Mu amuhela kuba Mupulusi wa hao? U zwa kwa Ohio. Yeo ki niti. Kuzwa kwa Ohio. Kuta kwa mulaho, ube hande. Jesu Kreste u swalela libi za hao, mi wakona kuya kwa ndu mi u foliswe. Cwale ku felile. Cwale wakona kuya kwa ndu. U lumele ka pilu ya hao kaufela.

629 Ku lukile, kezeli, taha. Matata, ni kuikalelwa, ni kukatala. Wa lumela ka pilu ya hao kaufela kuli Mulimu uka ku folisa? Zamaya kwa sipula sa hao, mi uli, “Ni Itumezi, Mulena Jesu, kwa lika kaufela Zo ni ezelize.”

630 U lumela kuli Mulimu Yamata kaufela uka ku folisa, ni kufolisa mukokoto wa hao, ni kuku folisa, ni ku folisa butata bwa lipiyo, kueza. . . ? Zamaya—ikele mwa musipili wa hao, unzo nyakalala, mi uli, “Ni Itumezi, Mulena Jesu.”

631 Wa lumela, mwanaka wa mushimani, Wa ku folisa? Uli, “Ni Itumezi, Mulimu yomunde.” Zamaya, unzo lumba Mulimu.

632 Cwale u lumele ka pilu ya hao kaufela, kezeli? Kipeto zamaya, mi Jesu Kreste wa ku folisa.

633 Fa nako nyana fela. Batili, ne si yena. Fa muzuzu fela. Ne si kalibe fani. Fa muzuzu fela cwale. Fa nako nyana fela.

634 Ni boni mezi a hasaka fa sika sesiñwi. Yomuñwi uteni mo ya sila liwate, kuzwa kokuñwi. Ki musali, mi u zwelela kwa Holland. U inezi kai? Ki yani fani. Ku lukile, kezeli. U tile musipili wo mutelele kwa foliso. Wa ni lumela kuba mupolofita wa Hae? [Kezeli uli, “Oh, eeni.”—Mu.] U katazwa ki kuopa mwa mañwele, ni kuopa mwa lingongo, kuomelela. U lumele ku Mulena Jesu Kreste, mi u ise Liñusa kwa sicaba sa hao. Mulimu aku fuyole. Li ka ku siya mi wa kona kuya ni ku foliswa. Amen.

Kana mwa lumela?

635 Kwanu, kwa mulaho kwanu, ki musali ya inezi kwa mulaho kwanu. Mi musali ukatazwa ki butata bwa nyoko. Oh, uka li mbwinja. Mulimu, ni tuse. U—u zwelela kwa Indianapolis. Libizo la hae ki Gilbert. Yema fo uinzi, kalibe. Ki fo he cwale. U foliswe, ka Libizo la Jesu Kreste.

636 Kana kaufela mwa lumela, ka lipilu za mina kaufela? [Kopano ili, “Ameni.”—Mu.] Mubeye za mina . . . Kana Jesu u zuhile kwa bafu? [“Ameni.”] Kana Wa swana maabani, kacenu, ni kuyakuile? [“Ameni.”] Amu beye mazoho amina ku mañi ni mañi mi halu lapeleñi, hanze Ni lapelela Kezeli Kelly.

637 Mulena Jesu, lumeleza Mata a Hao a Kenile atahe mwa keleke cwale! Mi mane ha Li fiyele mwahali ni ku kezela luna mo kuli bu bukeleze bupilo bwa hae, Mulena. Mu mufe foliso tuna ye ya sweli ku ipapata yona, Mulena. Folisa sicaba sa Hao mo. Amuhela kanya ku Wena. Lumeleza cwalo, Mulena.

638 Mi cwale sicaba se kwanu se si beile mazoho a sona ku yomuñwi ni yomuñwi. . .

Satani . . .

639 Lu taha cwale kwa litaulo zee: Ka Libizo la Jesu Kreste, mi mutu kaufela a foliswe. Mulena, paka Linzwi la Hao ka lisupo ze latelela.

640 Mi cwale, Satani, wena diabulosi ya maswe, u komilwe. Mulimu na bulezi kuli Uka kutiseza Mwana Mulimu, ku Yena ye u betekile mwa lituto za litumelo za hao. Na sepisize ku kutiseza Keleke mwa buino bwa yona bwa kale, foo Maseli a manzibwana ha monyeha. Mi lupila ku Lona. Mi ka ku kutisezwa, luna ni tukelo, luna ni Muyemeli wa luna, luna ni Muyemeli wa luna wa Mulao, Muprisita wa luna Yomutuna, mi lu ka hapeleza teko yateni. U ba bulukile nako yetelele luli. Ha ukoni kueza cwalo ni hanyinyani. Lwa ku kalimela, ka Libizo la Jesu Kreste, ka mata a zuho ya Hae ni Moya o Kenile oliteni cwale: Uzwe mwa sicaba se!



62-0422 Ku Kutisezwa Kwa Kota Ya Munyiwa  
Branham Tabernacle  
Jeffersonville, Indiana U.S.A.

LOZI

©2026 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Zibiso ya bahatishi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iituisiwe ki mutu kamba kuli ifiwe ku yomnwi, mahala feela, kakuba siituiso sa ku hasanya Evangeli ya Jesu Krete. Buka ye hailekiswi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku ituiswa kwa kukupa masheleñi ku sina tumelalano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)